

A woman with dark, curly hair is lying on her side on a bed with a white sheet. She is wearing a white, form-fitting, sleeveless dress. She is tied to the metal bed frame with thick red ropes. The ropes are attached to the headboard and footboard, forming a large 'X' shape over her. She is looking down, and her hands are clasped near her head. The background is a plain, light-colored wall.

مختلة

محمد حسين

بسم الله الرحمن الرحيم

رواية

مختلة

مالك محمد حسين

2020

مفتتح:

كانت نائمة في سريرها بالعزل كملاك كسر جناحيه, أسفل عينيها خندقان من السواد و برزت عروقها الزرقاء على ذراعيها و أمتدت حتى كفيها كنهان بين الجليد, ساكنة تماماً و ملامحها هادئة بالنسبة لشيطانة من الإنس, برغم خطاياها و تعبها الذي أثر بالتأكيد على جمالها, إلا إنها مازالت ساحرة, عدت إلى مكتبي و إلتقطت دفتر المذكرات فوجدت ضوضاء و صياح و صراخ عالي و الممرض أتانى راكضاً لاهثاً مفزوعاً و هو يقول:

- إلحق نور يا دكتور ...

قد تكون النهاية بداية جديدة, وقد تكون...

(1)

من النادر جداً حدوث مثل هذا الإزدحام الشديد في قسم ثاني القاهرة الجديدة بالتجمع الأول، يبدو أن هناك سكان كومباوند بالكامل داخل المبنى، المكان الأكثر إزدحاماً هنا هو مكتب رئيس المباحث، حيث يتجمع أمامه الكثير من الشباب ورجلان و ثلاثة سيدات كلهم من أرقى طبقات المجتمع، و هناك فتاة عشرينية صامتة و رجل أربعيني وقور أمام المكتب، الضوضاء عالية فالكل يتكلم في نفس الوقت ولا أحد يسمع حتى خرجت الصامتة عن صمتها و صرخت بصوت مرتفع جداً ليسود السكون بعد ذلك...

خرج رئيس المباحث عن صمته قائلاً:

- يا أستاذة نور كدة كتير بصراحة، دة المحضر رقم 12 ليكي في شهرين، أنا مقدر حالتك و والدك الله يرحمه كان القائد بتاعي، بس كدة مينفعش، مش بعيد المرة الجاية الايكي مموتة حد.

تكلم الرجل الوقور قائلاً:

- يا نادر باشا حضرتك عارف كويس الحالة بتاعتها...

رد رئيس المباحث مقاطعاً:

- بس كدة كتير يا أستاذ محروس، مرة ضرب بآلة حادة، مرة خنق لحد الإغماء و غيره و غيره لحد ما اهيه وصلت لشاكوش.

نظر لها قائلاً:

- شاكوش يا أستاذة نور! بتضربها على دماغها بشاكوش! هو أصلاً إنتي جيبتي شاكوش منين في الكومباوند!

عاد لحديثه مع محروس:

- إنت عارف لو حد من اللي رفعوا عليها القضية دي متنازلش و الموضوع وصل للنيابة، أقل ما فيها هتترمي في مصحة، دة لو مش أسوأ، إنت محامي و فاهم.

- مفهوم يا باشا.

و قام محروس معتذراً للجميع:

- أنا بعندر بالنيابة عن الأنسة نور، و إن شاء الله مش هيحصل أي موقف مشابه تاني و أنا..

أحدهم مقاطعاً:

- و تضمن منين بقى إن المجنونة دي مش هتكون خطر علينا!

نظرت له نور نظرة حادة فقال محروس متداركاً الموقف:

- أنسة نور هتسيب الكومباوند خالص هي و أنسة رنا و هيسيبوا التجمع كلها!

تظهر ملامح الحزن على وجه "رنا" و هي تنتظر للمنزل نظرة أخيرة قبل أن تدلف إلى المقعد الخلفي لسيارتها التي أصر "بلال" على قيادتها بدلاً منها، جلست بجانب "نور" الشاردة تماماً، نظرت "رنا" في عيني أختها الشاردة ذات الوجه الحزين فلانت ملامحها و أمالت رأسها على كتف "نور" إرهاقاً , لم تنتبه "نور" و لم تتحرك لكنها قالت بإنكسار:

- أنا السبب.

إعتدت "رنا" في جلستها و ربتت على كتف أختها قائلة:

- إيه بس اللي بتقوليه ده يا حبيبتي, لا يا ستي مش إنتي السبب، هما اللي ولاد كلب و كومباوند زبالة، و بعدين اللي قرر كدة هو محروس المحامي.

- وهو قال كدة ليه الرجل مشكوراً لقي إن ده الحل الوحيد اللي يخرجني منها قبل ما نمشي بفضيحة المرة الجاية.

- بصي، متفكرش كثير، ده نصيبنا و أكيد خير لينا، وبعدين يا قمر ابسطي كدة ده أحنا رايعين زايد.

- أنا السبب.

- يا حبيبتي متقوليش كدة.

- أنا السبب.

- لالا لا ركزي معايا... بصيلي.

ضربت "نور" بيدها على رأسها عدت مرات و صرخت:

- أنا السبب السبب.

أسرعت "رنا" بمحاولات مستميتة لتهدة أختها قبل أن تصرخ في "بلال":

- أركن على جنب.

أوقف "بلال" السيارة بجانب أحد الأرصفة في طريق سريع ففتحت "رنا" الباب و ركضت إلى باب "نور" فتحتة و سحبت أختها للخارج التي علمت أصابعها على وجهها و جبهتها من كثرة لطم نفسها، خرجت "نور" من السيارة و سقطت على ركبتيها و أنهارت بالبكاء وسط ذهول من "بلال"، جلست "رنا" بجانب أختها و ربتت على كتفها و قالت:

- طيب يا حبيبتي بصي، أياً كان السبب مفيش حاجة ممكن تتغير، اللي حصل حصل، خلىنا نفكر في المهم.

ظلت "نور" تبكي بحرقة و ظهر على "رنا" الإرتباك، فكرت قليلاً قبل أن تقول:

- على فكرة بقى أنا اللي هاخذ الأوضة اللي فيها دريسينج.

صمتت "نور" فجأة فعلمت "رنا" أن خططها نجحت فأكملت:

- مش أنا الكبيرة! يبقى حقي أنقي الأوضة اللي على مزاجي.
قالت "نور" جملة لم تسمعها أختها فأخبرتها لترفع "نور" رأسها و تقول:
- على فكرة مش كبر 5 دقائق اللي يخليكي تقولي انك الكبيرة يعني.
إبتسمت "رنا" و غرست سن الحقنة في رقبة أختها فنظرت "نور" ليد "رنا" بذهول ثم لوجهها و سقطت
فاقدة الوعي.

للمرة العشرون ينظر "بلال" في مرآة السيارة لـ "رنا" و "نور" النائمة على فخذ أختها حتى خرجت "رنا"
عن صمتها قائلة:

- أنا أسفة أوي يا بلال على كل اللي حصل، و معلىش تعبتك معايا جداً.
- ايه اللي بتقوليه دة بس يا رنا، إحنا من إمتى بيننا الكلام دة!
- معلىش إنت عارف الإسبوع طويل و متعب و مليان مشاكل، متاخذش على كلامي.
- يا ستي مفيش حاجة، قوليلي.. أو فهميني.. نور مالها!
زفرت "رنا" بتعب و أشاحت ببصرها قبل أن تقول:
- نور أختي يا سيدي...

توقفت السيارة بجراج إحدى عمائر الشيخ زايد الفخمة، ترجلت "رنا" من السيارة و أشارت لـ "بلال" الذي
فتح الباب و وثب للخارج بجهل تام عما يفترض أن يفعله، نظر لـ "رنا" التي أمرته أن يحمل معها "نور"
الفاقدة لوعيها لكنه قال بحرج:

- أشيلها!

- هتشيلها معايا.

- بس...

- من غير بس يا بلال أنا واثقة فيك، و بعدين أنا اللي طالبة منك.

- خلاص حاضر.

سحبها بلال لخارج السيارة و حاولت "رنا" مساعدته في رفعها لكنها سقطت عدة مرات دون أن تشعر بشئ
مما أثار قلق "بلال" فطلبت "رنا" منه أن يحملها بمفرده و يتبعها، فرفعها الرياضي على كتفه و تبعها على
درجات السلم لأنه من المستحيل ركوب المصعد بهذا الوضع، سبعة أدوار صعودها حتى أصبح "بلال"
يلهث كعداء فاز بالماراثون للتو، فتحت "رنا" الباب و أشارت له بالدخول فركض بـ "نور" إلى الأريكة
المواجهة للباب و قذفها عليها ثم جلس أرضاً يحاول إنقاص أنفاسه، إعتذرت "رنا" منه للمرة الخمسون و هي

تمد يدها إليه بكوب من المياة الذي ما إن لمحه حتى خطفه من يدها و ابتلع ما به دفعة واحدة و عاد يلهث، عدلت "رنا" من موضع جسد "نور" و جلست تلتقط أنفاسها هي الأخرى، مرت دقائق ساكنة حتى قطعها "رنا" قائلة:

- أنا أسفة أوي يا بلال أنا تعبتك أوي معايا و بهدلناك خالص.

- متز علينيش منك بقى، أنا و الله لو أقدر أساعد أكثر من كدة مكنتش هتأخر دي أقل حاجة ممكن أقدمها لك و الله.

- و الله فيك الخير يا بلال، أنا بجد مش عارفة من غيرك كنت هعمل إيه، إنت أنقذتني.

- بلاش الكلام ده، عالعموم يا ستي لو إحتاجتي أي حاجة مهما كانت كلميني و أوعي تتكسفي.

- أنا بجد مش عارفة أشكرك إزاي...

قاطعها قائلاً:

- تتجوزيني؟

صمتت فجأة و هي تحاول إستيعاب السؤال و الموقف و بدى الذهول على ملامحها بوضوح شمس الصيف، نظرت لعينيه البنيتان و لمحت فيهما حب حقيقي و أمل و توسل بعدم الخذلان، كادت أن ترد قبل أن تسمع تأوه "نور" التي إعادت لو عليها و هي تتوجع من صداع ضرب رأسها إثر المخدر فركضت "رنا" لها قائلة:

- إهدي يا حبيبتي أنا جمبك أهوه.

و ربتت على كتفها و قبلت رأسها و "نور" تحاول إستيعاب و تذكر ما حدث، و فجأة إتسعت عيناها و دفعت "رنا" لتسقط أرضاً و هبت واقفة فبدون وعي منه وقف "بلال" لا يعرف ماذا يفعل فصاحت "نور":

- برضه خدرتيني و أنا محلفاكي برحمة بابا، وعدتيني إنك متعمليش كدة خالص و أنا غيبية و صدقتك، كان لازم أعرف إن إنتي كمان شايفاني مجنونة، حتى إنتي!

و ركضت لإحدى الغرف و صفعت الباب حتى إهتزت الجدران، فبسرعة توجهت "رنا" لباب الغرفة تحاول فتحه فلمحت "بلال" يقف عاجز عن فعل شئ و مذهول فإعترت له و قالت:

- معلش عشان خاطري إمشي دلوقتي وهكلمك عشان خاطري يا بلال متزعلش.

- لا مفيش حاجة أنا همشي و إبقى طمئيني.

و توجه للباب و هو يجر جراح خيبة الأمل و عندما وصل للباب ألقى مرة أخرى على حلم حياته فوجدها تطرق الباب و تتوسل لنور أن تسامحها و تفتح الباب، فشعر بالأم نفسي و طأطأ رأسه و أغلق الباب خلفه بعدما غادر.

- طب تمام خلاص، هستنى حضرتك، مع السلامة.
- أنهت "رنا" المكالمه و ألفت بجسدها على الأريكة بجانب "نور" التي رشفت من المج الخاص بها و نظرت لأختها بأستغراب قائلة
- خير؟
- محروس المحامي خلص كل الإجراءات، كدة كل حاجة في الحكومة هتتغير على هنا، و كان بيقولي إن في كذا حد كلمه عافيلو و هو هيشوف أحسن عرض .
- أنا مش عارفة لولا أونكل محروس دة كنا هنعمل إيه بعد بابا الله يرحمه.
- فعلاً، بابا بيعرف ينقي صحابه.
- و إنتي.
- أنا إيه؟
- بتعرفي تنقي صحابك، بلال دة طلع جدع جداً، وعلى فكرة بقى...
- كانت قد نست ما قاله "بلال" لكن جملة "نور" جعلت الموقف يقفز في رأسها مرة أخرى فأنتابها شرود غريب، منذ متى و "بلال" يريد الزواج منها، "بلال" ابن "وائل رشاد" أهم رجل أعمال في مصر! "بلال" الذي كانت تتسابق الفتيات في الجامعة للفوز بقلبه، يريد الزواج مني أنا! لما أنا؟ لماذا ليست تؤامتي حتى فهي أوسم مني بكثير؟ أسبب مرضها؟ هل ما حدث قد حدث حقاً!
- إبيبييه يا بنتي! بكلمك بقالي ساعة!
- إنتبهت "رنا" لصوت أختها فقالت:
- أنا سرحت صح؟
- لا خالص ما أنا كنت بكلم أمي، روحتي فين؟ إحكي لي.
- بفكر إزاي أوقع الواد بلال.
- و توقعيه ليه؟ دة جزاءه عشان ساعدك يعني! ولا عشان يتعور توديه المستشفى تبقوا خالصين!
- مستشفى إيه! ركزي يا نور، قصدي أوقعه في واحدة فينا.
- بتهزري صح!
- لا بتلكم بجد، عارفة دة أبوه مين؟ لو إتجوز واحدة فينا مش هيخليها محتاجة حاجة.
- ركزي يا رورو، أنتي واحدة بالك بتقولي إيه؟ إنتي من إمتى بتفكري كدة، و بعدين ما بابا كتبنا كل حاجة قبل ما يموت و فعلاً إحنا مش محتاجين حاجة.
- بس إحنا بنتين يا نور، لواحدنا، ملناش ضهر نتسند عليه، و دة ضهر و ضهر اوي كمان.

- بصراحة أة الواد عليه حنة بنش، و لا دراعاته، يخربيت كدة.

- إنتي بتهزري يا نور!

- و الله إنتي اللي بتهزري يا قلب نور، و دي هنعملها ازاي، نخطفه!

- سيبيلي أنا الموضوع دة.

- يعني إنتي خدتي القرار خلاص.

- إستني و إتفرجي.

- لا أنا هقوم أعمل نيسكافيه تاني.

أمسكت "رنا" بالهاتف و أجرت إتصال بـ"بلال"، نهضت "نور" و إتجهت للمطبخ و هي تسمع كلمات إختها، دخلت المطبخ و نظرت جيداً للخارج، يبدو أنها تخفي شيئاً.. أخرجت زجاجة فودكا خبئتها جيداً في وقت ما و ملأت كوباً كبيراً و خفت الزجاجة مرة أخرى، تجرعت الكوب و أمسكت رأسها بكلتا يديها من تأثير الكحول المفاجئ، ثم غسلت الكوب جيداً و أعادته في مكانه و عادت لأختها التي سمعتها تقول:

- هفهمك كل حاجة لما أشوفك.. لا قريب.. هظبط و أقولك..باي.

و أغلقت المكالمة و نظرت بفخر لـ"نور" قائلة:

Yes -

سقط الهاتف من يده و دموعه محبوسة في عينيه تتوسل له ان يحررها، مازال غير مصدقاً، لماذا رفضته؟! هو الذي كان يظن أنه لا يُرفض، فقد أوتي من خير الدنيا أجمله، المركز و السلطة و الوسامة و الثراء و كل ما تتمناه اي فتاة في أي شاب، إذاً ماذا! لماذا الوحيدة التي أحبها بصدق رفضته للتو! يبدو أن كلام مسلسلات التسعينات حقاً ولا يوجد من يحصل على كل شيء، لكنه لا يريد سواها، لا يريد غيرها، فلأخذ الدنيا كل ما يملك و يترك له قلبها، نهض و إتجه إلى الحوض بغرفته دفن رأسه أسفل الصنبور فأنفتحت المياة بشكل تلقائي، كل قطرة تسقط على رأسه تزيد من حسرته و إختناقه فرفع رأسه و نظر في وجهه أمام المرأة، أرفضته لأن بشرته سمراء إلى حد ما؟ أم لأن عينيه بنيتان ولا تحملان لوناً فاتحاً مميزاً؟ هل يمكن أن يكون بسبب أن شعره ليس ناعماً بالقدر الكافي لجعل القليل من الهواء يبعثره؟ ألم تكن تمريناته كافية لبناء عضلاته؟ أغمض عينيه بشدة و نفض رأسه محاولاً طرد ما بها، إنحنى يلتقط هاتفه من الأرض ثم هوى بجسده على فراشه في إستسلام، فتح هاتفه ثم بسرعة توجه لأول صورة تجمعته مع "رنا"، إبتسامتها ساحرة.. جمالها فاتن.. نظرتها قاتلة.. كيف لهذه الفاتنة ألا تكون لي.. كيف لها أن تكون لغيري.. أن يمسه أحد سواي.. نهض و ألقى بهاتفه بغضب فسقط متحطماً كقلبه.. وقف في شرفته يحاول إقحام الهواء غصباً إلى رنتيه بعد أن تقطعت أنفاسه، تخيلها في أحضان غيره، تخيلها تحمل طفلة ليست إبنته، تخيلها تتأبط ذراع رجلاً غيره، بكى، ضرب بقبضته سور شرفته حتى صرخت يده ألماً.. تحرك، رفع قدماه و وقف على شرفته و تنفس بهدوء، شهيقاً عميق، زفيراً هادئ.. و ترك جسده للهواء..

ثلاث طرقات على الباب، قامت "نور" و هي تأكل "سناكس" و يدها ملطخة بحبوبة الدقيقة، فتحت الباب بإهمال و هي تحشر أصابع سناكس في فمها لكنها فغرت فمها حينما رأت الطارق نظرت بذهول للواقفين أمامها لا يفصل بينهما سوى عتبة الباب، قطع الصمت قول أحدهم:

- أنسة رنا إتفضللي معايا.

(2)

- هو أنا متهمة بحاجة؟

قالتها نور في حزم و هي تجلس أمام مكتب رئيس مباحث قسم شرطة زايد فقال لها :

- يا أستاذة رنا إنتي مكبرة الموضوع، دة مجرد إجراء طبيعي، بعد اللي حصل لازم نستجوب كل المحيطين بيه...

تصاعد رنين هاتف "نور" فأختلست النظر له لتراه معلناً عن إتصال من "رنا" عادت الإنتباه لكلام الضابط الذي أنها كلامه قائلاً:

- فالأحسن لو عندك معلومة إنك تتعاوني معنا من غير ما تخافي من أي حد.

تعتمد الإشارة لخوفها بتلك الطريقة عسى أن تكون رأت أو سمعت شيئاً لكنها تخشي أن يعود القاتل منتقماً، فبرغم كل شئ هي شابة صغيرة تعيش بمفردها مع أخت مجنونة فبالتأكيد مكسورة الجناح.. لكنه فوجئ بها تهب واقفة وهي تقول بغضب مكتوم:

- أنا اللي عندي قولته و أنا قولت لحضرتك كل اللي أعرفه، و قولتلك إن أنا و أختي مكمناش شهر واحد في شقتنا و ملناش إختلاط بالجيران و أياً كان مين جارنا اللي إتقتل ده أنا مكناش عندي فضول أعرفه و هو عايش فأكد مش هحب أعرف عنه حاجة و هو ميت، و إسمحي لو في أي إتهام أو أي إستفسار يكون بحضور أستاذ محروس نصر الدين المحامي وإسمحي أستاذن عشان سايبة نور لواحدها و ده خطر جدا عليها.

و دون إنتظار لموافقة إتجهت للباب و خرجت في ثقة أن ما فعلته لن يثير غضبه، فهي بكل الأحوال إبنة بطل راحل في الشرطة و يرعاها أحد أكبر أباطرة المحاماه، كما أن دفعها بقصة أختها المجنونة ستجعله يتفهم و يعذر رد فعلها، لعنت نفسها، تكره حين تدفع بحالتها في وجه المصاعب لتجنب المشاكل، سبّت نفسها و مرضها و جارها القتيل اللعين الذي تسبب موته في ضياع ساعات غياب "رنا" عن المنزل و قتل راحتها و إستمتاعها ببعض الممنوعات كالكحول...

مرة أخرى يصرخ الهاتف معلناً عن إتصال آخر من "رنا" و في ثقة و هي تغادر قسم الشرطة ففتحت المكالمة على الفور..

- ألو.

صرخت "رنا":

- انتي فيبيبين؟

- اهدي بس..

صرخت مقاطعة:

- أهدي! أنتي بتستهيلي؟ مش أنتي حلفتي و وعدتيني!

- ووفيت كل المرات اللي فاتت و الله بس غصب عني المرة دي.

زفرت "رنا" محاولة لتهدئة نفسها ثم قالت:

- طب إنتی فین؟

- راجعة أهوه.

- خليكي مكانك، قوليلي إنتي فين بالضبط و هاجي أخدمك.

- تالالانی... اقسام بدین..

- خلااااص خلاص مستنیاکی.. بس عالاقل قولیلی إنتی فین.

- خلاص انا داخلة الشارع أهوه هطلع أحكيك.

صرخت "رنا":

- ثاني!!!!!!

- إهدي بس، هفهمك.

بغضب قالت:

- إتفضللي!

و أخذت "نور" تحكي "لرنا" ما حدث فقالت الأخيرة:

- و إيه اللي يخليكي تقوليلهم أنك أنا، إفرض حد..

- كمللي.. عصبني صح!

- يا نونة مش قصدي، أنا بس اقص...

- أنا فاهمة يا رنا، فاهمة أنا إيه و عندي إيه و إيه اللي بيحصل.. أنا برة الحالة دي أو دي ببقى بني آدمة طبيعية و بعقلي، و أنا بحاول..

نبتت قطرات الدموع في مقلتيها و إحمرت عينها و أكملت بصوت متقطع:

- بحاول أكون طبيعية و أتحكم.. بحاول مكونش خطر على كل اللي حواليا.. بحاول.. بحاول.. بحاول مسيبلكيش مشاكل في كل حنة.. بحاول مخسر كيش حياتك و صحابك و شبابك و ...

أجهشت بالبكاء و ما كان في يد "رنا" إلا أن تقرب منها و تأخذها في أحضانها و تربت على كتفها , تحاول مواساتها بكل الطرق و قد نجحت "نور" _بسبب الكحول_ في أن تهدأ و تنام دون أن تسبب المشاكل كالمعتاد مما أثار شك "رنا" التي ما أن تأكدت من سباتها العميق حتى أسرعت تبحث في كل مكان، و تفتش في كل سنتيمتر في المنزل دون جدوى.. فأتجهت لحامل الأطباق في المطبخ و أخذت في شم الأكواب كلها بحثاً عن كوب غُسل بإهمال لكن دون جدوى.. حسناً فهي في أمان إذا.. عادت لتجلس بجانب أختها التي تتمثل بسبب أحلاماً مزعجة سببها كأسين من الكحول الـ45%.. بينما أمسكت "رنا" هاتفها و فتحت أحد تطبيقات التواصل الاجتماعي الشهيرة و أخذت تقلب بدون هدف محدد حتى توقفت عند أحد المنشورات و قد غزت الصدمة ملامح وجهها و إحتبست الدموع في مقلتيها و بسرعة إتجهت لرقمه و أجرت إتصال به على الفور، تعالى صوت الرنين لبرهة مرت ثقيلة ككابوس قبل أن ينفتح الخط فصرخت:

- بلال إنت كويس؟؟؟ بلال ... رد عليا.. في كلام غريب مكتوب عنك في الأكونت و ناس بتواسي و ناس بـ... بلال إنت مبتردش ليه؟ بلال رد عليا....

صمتت و إنتبهت لتسمع من الجهة الأخرى صوت بكاء متعدد.. صرخت صرخة مدوية جعلت "نور" تقفز فزعة من نومها و تسألها عما حدث فأجهشت "رنا" بالبكاء فإحتضنتها أختها في موقف تكرر منذ نصف ساعة لكن تم تبادل الأدوار.. الأخت هي الأخت مهما كانت تحمل من مشاكل خاصة.. كدليل إتهام... !

وضع فنجان القهوة على المكتب بعد أن تجرعه حتى الثقل، إلتقطت الملف و فتحه مرة أخرى، شئ ما يقول له أن التوأمتان خلفهما أمراً مريب.. لا يعلم هل لهن علاقة بالجريمة أم هو حدثه البوليسي.. أم فقط

مجرد هاجس، قرأ رئيس النيابة "أحمد عبد الحي" الملف الجنائي و تقرير المباحث و تقرير الطب الشرعي مرة أخرى حتى كاد يحفظه عن ظهر قلب، أمسك بهاتفه و نقر عدة نقرات فأستدعى مكالمته:

- سليم باشا مساء الفل.. الحمد لله يا باشا.. أهوه حسك معانا.. اة بصراحة طمعان في خدمة.. لو تسمح يعني.. بنتين توأم ساكنين جديد... غالباً كانوا في التجمع.. نور و رنا هشام مغاوري.. حضرتك تعرفهم.. لا مجرد إحساس.. لو تحب أوقف هوقف.. مفهوم يا باشا.. أوامر يا باشا.. مين نور و رنا دول أصلاً؟.. حصل يا فندم.. مع ألف سلامة.

أغلق المكالمة و هو يزفر في حلق قائلاً:

- بنات الشهيد...

حاول طردهم من ذهنه لكن كلما شُغل عقله بدليل ما يجد نفسه في منتصف التفكير فيهن مجدداً دون حتى أن يشعر، مازال ذهنه يعصف و يحلل و يقارن و يفترض حتى زاد صداد رأسه، هو لن يكذب حدثه، لكن ماذا يفعل! لقد تلقى أمر! يجب أن يجمع شتات أفكاره، يجب أن يللم بقايا المنطق المحيط بالتوأم، هز رأسه عائداً من شروده ثم ضغط زر على المكتب فدخل الساعي بعد دقائق:

- شيل يابني الحاجة دي وهاتلي قهوة تاني.

رفع الساعي الأكواب و رحل في صمت بينما نهض رئيس النيابة و وقف أمام النافذة يلتقط بعض الهواء المحمل بالعوادم و دخام السجائر، أغلق النافذة و أخذ يدور في غرفته باحثاً عما سقط من رأسه حتى طُرق الباب و دخل الساعي و ترك الأكواب..

- تؤمر بحاجة تاني يا باشا.

جلس رئيس النيابة وهو يشعل لفافة تبغه بيد و بالأخرى يشير بيده للساعي أن إرحل

و نفس دخان سيجارته ثم تناول الفنجان و رشف رشفة إقشعر بدنه على أثر المذاق القوي لطبقة البن العلوية.. وضع الفنجان و إلتقط هاتفه مجرياً إتصال..

- ألو... إيه يا طارق.. عايز منك خدمة.. حبيبي... بس بص الأول... دي مش رسمية... مش عايز حد يعرف بيها

بكاء.. نحيب.. بنات ونساء متشحات بالسواد.. صوت سورة البقرة بصوت الشيخ أحمد الطبلاوي.. فتاتان إحداهن تبكي بحسرة على كتف الأخرى التي إقتصر حزنها على ملامح شفقة على توأمتها.. مر حوالي ساعة و بضع دقائق كانت كافية لجفاف دموع "رنا" و هدوئها قليلاً.. أخبرتها "نور" بشئ فهزت رأسها و نهضن متجهات إلى والدة بلال و أخته و عزيزهن ثم في هدوء غادرن المكان..

فتحت "نور" باب الشقة و دفلت للداخل و خلفها "رنا" التي ظهر على وجهها الإعياء الشديد، سقط جسدهن الهزيل على الأريكة في إرهاق و زفرت "نور" بقوة و خيم الصمت بعدها عدة دقائق...

إستيقظت "نور" لتجد نفسها غفت دون أن تشعر على الأريكة و غفت "رنا" بجانبها، ما إن تأكدت من سُبات "رنا" تسالت إلى المطبخ و أخرجت ما تخفيه، صَبَّتْ.. تجرعت.. أخفت.. و وضعت يدها بالكوب أسفل الصنبور لتخفي ما تبقى من آثار.. وضعت الكوب بحرص في حاملة الأطباق و التفتت لتجد "رنا" مستندة بكتفها على الحائط و شبح إبتسامة على وجهها...

أغلق "أحمد" المكالمة و هتلك دواسة البنزين، صرخت إطارات السيارة أسفل مبنى النيابة و إنطلق كالسهم إلى مكتبه الذي ما إن دخله حتى إلتقط ملفاً أزرق من فوقه و عاد إلى سيارته بسرعة و إنطلق لإحدى عيادات الولادة و هو ممسكاً بالملف، توقف لاهثاً أمام إحدى الغرف المغلقة و ما إن خرجت ممرضة هرع يسألها عن حالة زوجته فأخبرته أنه لم يحن الوقت بعد، تنفس الصعداء و طرق الباب و دلف للداخل، يبدو أن الغرف مصممة لعزل الصوت فهو لم يسمع هذا الصراخ بالخارج، نظر إلى زوجته التي تتلوى صارخة من آلام الولادة و وجهها المتعرق الذي يظهر عليه الإعياء، شفتيها البيضاء و سواد أسفل العينين و العرق الغزير، برغم كل هذا كانت جميلة، إبتسم عندما فكر في هذا.. إلتفتت إليه بين صراخها و مدت يدها بإتجاهه تستنجد، عيناها تتوسل إليه ليفعل شئ ما.. أسرع ليقف بجانب فراشها ليمسك بيدها ليجد أن يدها تعتصر يده و قد كساها العرق.. ضم كتفها له و قَبَّلَ رأسها قبل أن تفلت دمعة ساخنة منه، لماذا فعل هذا بها؟ تكفيه هي.. لا يريد أبناء إن كان حضورهم يؤلمها، هو يحبها هي فقط.. فليذهب أبنائه إلى الجحيم.. هو لا يريد أبناء.. بدون وعي صرخ في الطبيب:

- كفاية...

- كفاية إيه يا فندم!

- مش عايزين عيال.. رجع البيبي دة.

- نعم...

صرخ بقوة:

- بقولك رجع البيبي مش عايزينه...

لم يعره الطبيب إنتباهه و ظل يكمل ما شرع فيه ليجده أمسك بكتفه قائلاً:

- أنا رئيس نيابة و لومسيبتهاش دلوقتي هقفك العيادة و هحبسك و هطلع...

- لا لا لا كفايا كدة... لو سمحت إستنى بره

- إنت بتطردني يا..

- بر!!!!!!!!!!!!!!

بعد صياح الطبيب وصراخ الزوجة و توسل الممرضات إتجه "أحمد" للباب وقبل أن يخرج نظر لزوجته التي تتألم ونظر للطبيب و شعر بالغيرة تحرق قلبه فسارع من خطواته و صفع الباب خلفه ليصمت كل شئ دفعة واحدة...

دقائق مرت كدهر و هو يجلس منتظر أن ينفرج الباب.. أكله القلق و الندم و الخوف.. و قتلته الغيرة، ليست زوجته التي بالداخل بل إبنته.. كيف لأحد أن يمس صغيرته حتى إن كان طبيباً.. هب واقفاً و كاد أن يقتحم الغرفة مرة أخرى لكنه تراجع.. عاد صامتاً و جلس منتظراً و دقائق عقارب ساعته الباهظة تأكل في قلبه.. لمح الملف الذي إنتزعه من المكتب، أمسكه و فتحه و أخذ يقرأ..

- رنا هشام مغوري...

- بتعملي إيه؟

قالتها "رنا" بخبت حاولت إخفائه لترد عليها "نور" بنبات:

- بشرب ماية.

- و هو اللي يشرب ماية بيغسل الكوباية وراه؟

- لا اسبها لك مكان ما شربت بميكروباتها...

ثبات "نور" لجلج ثقة "رنا" مما جعلها ترتبك فأتجهت لها و أمسكت بالكوب وملاؤه بالمياة و تجرعت المياة حتى تلتقط أنفها أثر الكحول الذي حتماً لم يختفي أثره بهذه السرعة لكن... لا شئ..

حاولت معالجة الموقف فائلة:

- أهوه شربت مكانك يا نينو و لو عرفت إني ممكن أموت بسبب اي مرض لو شربت مكانك...

ملاأت الكوب مجدداً و تجرعت ثم قالت:

- برضه هشرب.

فابتسمت "نور" و قالت بمرح:

- هابلة و هتضيعينا.

فتعالت ضحكاتهن و وقفت "رنا" تعد أكواب النسيكافيه و بعض دقائق خرجن من المطبخ وسط ضحكاتهن و جلسن على أريكتن، قطعت "نور" صدى الضحكات بسؤال أختها:

- هو إيه اللي يخلي واحد زي بلال ينتحر؟!

فغر فم "أحمد" و إتسعت حدقتيه إثر ما قرأ، الآن فهم.. حدثه لم يخيب أبداً، "نور" هي القاتلة بكل تأكيد... كل ما تم ذكره يثبت بأنها هي بلا أدنى شك، لكن لا يوجد دليل قاطع يدعم وجهة نظره.. و بكل تأكيد رئيس

المباحث سيصمت بالأمر كما تم أجباره على وئد التحريات.. هو رئيس نيابة و أصدر له أمر لا يمكن عصيانته، فهل يستطيع مجرد رئيس مباحث أن يخالف التعليمات.. لكنه بالتأكيد لن يغض الطرف عن هذه المجنونة، أخرج هاتفه و جرت أصابعه على شاشته الزجاجية ليستدعي إتصلاً، مرت ثوان رتيبة قبل أن يقول:

- أيه يا طارق.. معلش بتقل عليك... العقيد هشام مغاوري كل اللي ممكن تعرفه عنه يكون على مكنتي بكرة الصبح.. برضه غير رسمي.. بكرة الصبح يا طارق.. مع السلامة.

أغلق المكالمة و شرع في إشعال لفافة تبغ له لتصبح إحدى العائلات:

- ممنوع التدخين هنا لو سمحت لو علوز تدخن إطلع دخن برة.

حسناً سوف يلكمها لكمة تجعلها تبتلع أسنانها ناصعة البياض تلك، بل سيخرج سلاحه و يحشره في فمها و يجعلها تدخن دخانه بعد خروج طلقة منه تخترق حنجرتها، لا بل سيقوم بنش... ما هذا؟ الجدران عازلة للصوت لدرجة أنه لم يسمع صرخات زوجته الصاخبة لكنه يقسم أنه يسمع بكاء طفل يخترق الباب و يصل إلى أذنه بوضوح.. هل خيل له! و هل يترك المجال لإحتمالات.. إخترق الغرفة ليجد أن صراخ زوجته قد سكن و تعالت صرخات طفله.. وجد الممرضات تلتف حول شئ ما و يحركن أيديهن، بصر زوجته ليجدها تنبسم بتعب و إرهاق لم يتمنى يوم أن يراها به.. أسرع إليها و قبل يدها عدة مرات و قبل رأسها و احتضن بيده كنفها فسمع صوتها تنن فأعتر منها:

- طمني عليكي يا حبيبتي.

قالها محاولاً كبج جناح عينيه أن تفيض من الدموع أمام أعين صغيرتيه، قالت زوجته بتعب:

- طب إطمن على أسيل الأول..

- ششش... إنتي الأول... و بعدين ست أسيل قالبة الدنيا أهيه.

- دي بتزعقك يا أستاذ عشان سبتها و روجت لماما.

- ماما.. و بابا...!

و أجبرته دموعه على تحريرها من سجنها بداخل عينيه.. قبلَ خدها و يدها و رأسها و كفها و أحتضنها كما لم يحتضنها من قبل.. و قبل يدها مرة أخرى و لم يفصله عن حبيبته سوى صوت نداء الممرضة له، إلتفت إليها ليجدها تمد يدها بطفله.. أسيل.. التي طال إنتظارها مذ كان يحب زوجته سرّاً.. أسيل التي جعلته يقوم بغسل المواعين و القيام بجميع الأعمال المنزلية لمدة سبعة أشهر تطوعاً منه و خوفاً عليها رغم غضب أمها منه كثيراً لهذا.. أسيل التي كان يتخيل شكلها هو و زوجته سنين كثيرة.. ها هي ذا.. أجمل مما تخيل.. فاقت سعادته عندما وجدها تحمل ملامح أمها.. قد فاز عليها في هذا و حقق ما تمناه هو.. قبلَ خدها و من بين دموعه قال مازحاً:

- بقى يا بت إنتي تعملي في حبيبتي كل دة.

ظلت تضحك "رنا" بصوت مرتفع جداً هز أركانها و أركان المنزل على كلام "نور" مما جعل "نور" تغمرها السعادة لأنها أحدثت ذلك التأثير لـ "رنا" خصوصاً بعد هذا اليوم الحزين.. ظللن لساعات يمزحن و يضحكن و يتعالى صوتهن و صراخهن المرح حتى إنتهى يومهن و إتجهت كل منهن لغرفتها.. دخلت "نور" و ألقت بجسدها على فراشها الناعم و في ثوان ذهبت في سبات عميق، بينما عيون

أخرى حاولت النوم مراراً و لم تستطع.. ظلت "رنا" تتقلب في فراشها و تعبث في هاتفها و تدفن رأسها أسفل وسادتها و تنظر لسقف غرفتها بدون جدوى.. قامت و فتحت الدولاب و وقفت أمامه تنتقي بضع فساتينها و من ثم أخذت تبدل بينهن و تلتقط بكل فستان عدة صور ثم تعيده لمكانه.. أنهت فساتينها و إنتقلت لباقي ملابسها حتى إلتقطت عدة صور لنفسها بجميع ملابسها.. ألقت بجسدها مجدداً تحاول النوم بلا أي جدوى.. دفنت نفسها في حوض الإستحمام بعد نصف ساعة من التأمل في سقف غرفتها بلا جدوى.. جففت نفسها و مشطت شعرها و مرة أخرى تحاول أن تغفو بدون أي جدوى.. فتحت الثلاجة و حملت ما يمكن حمله من طعام و جلست تأكل.. و تأكل و تأكل و تأكل كمشردة وجدت وجبات مجانية، آلتها معدتها من فرط الأكل لكنها مازالت جائعة.. توجهت للمطبخ و أعدت وجبة دسمة تكفي أسرة صغيرة و جلست تنهشها بنهم شديد حتى شعرت بإعياء.. توجهت لفراشها و دثرت نفسها و أخفت وجهها أسفل وسادتها و ذهبت...

صوت شئ يضرب شئ.. شئ ما يصتدم مرات عدة بشئ آخر.. فتحت عينيها دفعة واحدة فعاقبها ضوء الغرفة و ثقب عينيها مما جعلها تسرع في إغلاقهم.. فتحهم مرة أخرى ببطء لتعتاد عينيها هذا الضوء و يفهم عقلها ما هذا الصوت لتتفاجأ بـ "نور" تضرب رأسها في حائط غرفتها و تلطم وجهها و تنزع شعرها و تبكي بحرقة.. وثبتت "رنا" من فراشها و أمسكت بأختها تحاول منعها من هذا الجنون و تحاول فهم السبب.. بعد حوالي ثلاث ساعة من التهدة و المحايلة و المداداة سكنت "نور" لتسألها "رنا" مجدداً عن سبب كل هذا فقالت "نور" من بين دموعها:

- جعانة و مفيش أي أكل...!

الآن كل شئ منطقي، كل ما حدث له سبب واضح الآن.. لكن للأسف بلا أي دليل و إلى الآن هي مجرد إجتهد شخصي لا صحة له.. يجب أن يجد دليلاً ما.. نهض "أحمد" من مكتبه و أشعل آخر لفافة تبغ في حوزته و مص منها نفساً عميقاً جعله يسعل بشدة، شارد الذهن تماماً حتى لدرجة أنه لم ينتبه للساعي الذي ظل ينادي بإسمه حتى مل و غادر.. ظل يتابع بعينيهِ السيارات البعيدة على أحد الكباري المواجهة لشرفة مكتبه، نُقل سيجارته بألم حين وصلت الشعلة إلى أقرب من المفترض فلسعته بلسانه، إلتفت ليجد كوب ماء كبير على المكتب بجانب فنجان قهوته فتجرعه دفعة واحدة و جلس إلى مكتبه.. أمسك بأحد الملفات و قال بشرود:

- إضطراب ثنائي...!

هرعت "نور" إلى الباب و من خلفها "رنا" فهذا ليس طرقةً عادياً، أحدهم سيقترحم شقتهم خلال ثوان:

- مين؟

قالتها نور ليرد عليها صوت ثابت غليظ:

- بوليس.

بهمس و فزع قالت "نور" لـ "رنا":

- ينهار أسود و دة لما يسأل عن واحدة فينا هنبدل و أطلع مزورة ولا نقول بجد....

- خليها على الله.. إفتحي.

فتحت "نور" الباب و بإبتسامة ساحرة قابلت خمس من رجال الشرطة لتقول:

- خير يا فندم.. أقدر أساعد حضرتك بحاجة؟

تقدم رئيس المباحث و قال لـ "نور" كأنها "رنا":

- لو سمحتي يا أستاذة رنا أحنا مش جايين عشان خاطرك.. إحنا معانا أمر بالقبض على نور...

- بس أنا نور...

قالتها "نور" فضربت "رنا" وجهها بكفها و هي لا تعرف هل تعارض أختها أم تصدق على كلامها فهي لا تعلم هل ذلك سيساعدها أم يزيد من سوء موقفها فقال رئيس المباحث:

- أنا مقدر يا رنا إنك عايزة تحمي أختك.. بس أمر الضبط طالع بإسم نور هشام مغاوري..

- طب ثانية واحدة بس.

بهدوء دخلت "نور" إحدى الغرف و لم تسمع ما تحدث به الضابط مع "رنا" و لم تهتم، خرجت فوجدت عسكريان ممسكان بذراعي "رنا" فقالت لهم:

- سييوها قولتلوكوا أنا نور.

و مدت يدها لرئيس المباحث بطاقتان تحقيق شخصية الذي إنتقتهم و قرأ ما بهم و قال:

- كمان! سيب يابني دي و هات دي.

و دون إنتظار غادر الشقة و تبعه البقية وسط صراخ و نحيب "رنا" التي منذ بداية الموقف و هيتقف عاجزة.. هرعت ترتدي ملابس مناسبة و هي تجري إتصالاً بـ "محروس" المحامي و ما إن إنفتحت المكالمة صرخت:

- إلحق نور يا أونكل..

- تاني!

- لا يا أونكل دي نيابة... متهمة بالقتل!!

(3)

ها هي ذي أمامه بشحمها و لحمها.. لقد ظن أنها ستبدو كشحاذة أو متشردة كما يخيل لنا كل المجانين..
ظن أنها ستتهذي و تقول كلاماً لا أطراف له و لا قواعد.. لكن ها هي.. جميلة جداً...

- إسمك؟

- أظن حضرتك عارفه كويس.

- في حاجات كتير أنا عارفها لكن دة ملوش علاقة بأسئلتني.. إحنا هنا بناخد أقولك.

- مفهوم.

ظل جامداً يسألها وتجييب برصانة و حكمة مما زاد شكه و حان وقت سؤال مباغت..

- إيه علاقتك بمحمود مكاوي السيد؟

- الحقيقة أنا معرفش مين محمود مكاوي السيد دة!

- طيب، محمود مكاوي السيد هو جارك في شقة من شقق الدور اللي تحتكوا.. خليني أسألك تاني.. إيه
علاقتك بمحمود مكاوي السيد؟

- أظن إني جاوبت.

- يعني بتتكري معرفتك بيه.

- أنا مش بنكر، أنا فعلاً معرفوش.

- طب إيه علاقتك برانيا عمرو محمود؟

- رانيا كانت جارتني في بيتنا القديم.

- تتكري إنك إعتديتي عليها بضربها على راسها بصندوق سيجار خشب.

نظرت "نور" لـ "محروس" الذي باغت "أحمد" على الفور بسؤال إستحققه:

- لو سمحت يا فندم ممكن أعرف إيه علاقة الموضوع دة بالقضية؟

نظر "أحمد" لعينيهما نظرة ثاقبة و ظل محملاً بهما في ثبات و هو يقول:

- رانيا عمرو، فارس الربيعي، محمد يونس، دكتورة آية عبد الرحمن ، و غيرهم... كلهم تم الإعتداء عليهم بشكل عنيف من أستاذة نور.

قال "محروس" مقاطعاً:

- أيوة يا فندم بس كلهم إتنازلوا و الموضوع إتحل ودي، و بعدين برضه إيه علاقة كل دول بالقضية؟

نظر له "أحمد" نظرة تحمل إبتسامة ساخرة و قال مستنكراً:

- معقول محامي كبير زي حضرتك لسة مفهمش، شكل حضرتك ملحقتش تقرا ورق القضية.

- أنا مش شايف أي داعي للأستهزاء اللي في صيغة كلام حضرتك و أظن إن حقي كدفاع أستاذة نور إني أفهم.

إرتبك "أحمد" من صرامة المحامي في الحديث، هو يعرف أن القانون لا يتيح له فعل مثل هذه الأشياء واللعب بأعصاب المتهم بل توجيه أسئلة مباشرة تخلو من الغموض و لا تحمل إلا معنى واحد صريح، لكنه يعلم دهاء هذا المدعو "محروس" و يعلم أنه إن لم يلعب بأعصاب هذه الـ "نور" فسترحل بعد دقائق و ربما إلى الأبد و ستكون حرة طليقة تهدد حياة كل من يراها، حسناً هو لن يخاطر هذه المرة:

- القتل إتقتل بضربات على دماغه بشئ صلب.. الأقرب إنه تمثال خشب من التحف اللي بتكون في البيت، عايش لواحد و مفيش حد بيزوره.. شهادة البواب و الكاميرات اللي في مدخل البيت محدش دخل ولا خرج الكام ساعة اللي قبل وبعد ميعاد الجريمة و دة يأكد إن اللي قام بالجريمة واحد من السكان.. نظراً لتاريخ أستاذة نور هي قامت بإعتداءات كتير من نوع الضرب بآلة حادة أو صلبة و نظراً لأنها كانت الوقت دة في البيت.. و نظراً لأن الشاهدة الوحيدة على وجودها هي أختها اللي من الطبيعي تداري عنها زي ما هي إنتحلت شخصية أختها عشان تحميها.. كل دة يخليها مشتبه فيها.. بل في أعلى قائمة المشتبه فيهم.

- الدافع و سلاح الجريمة!

- نوبة من نوبات الإضطراب صابتها و محدش كان موجود عشان يحوشها أو يهديها زي كل مرة.. و سلاح الجريمة ممكن يكون محطوط بيزين أوضتها أو في أي يوم تاني خرجت و إتخلصت منه.

- أنا اسف يا فندم بس إيه اللي ممكن يخلي أنسة نور تكون موجودة في شقة القتل أصلاً!

نظر لها "أحمد" و قال مبتسماً:

- دة بقى اللي لازم أستاذة نور تفهمهولنا!

قالت "نور" بثقة:

- كل اللي حضرتك بتقوله دة مظبوط.. أنا فعلاً أكثر من مرة أفقد أعصابي و أتسبب في كارثة بس ولا مرة وصلت للقتل و بعدين ساعتها مبقدرش أتحكم في صوتي و بصرخ بصوت عالي جداً لو كان حصل ساعتها كانت العمارة كلها إتلمت و لحقوه و دي في عليها شهود كتير و ممكن تتأكد بنفسك الأهم من كل دة يا فندم هو إن في سجل كاميرات الأسانسير ممكن تتأكد منه إني عمري ما نزلت الدور الثالث من ساعة ما

سكنت اللي هو حوالي شهر يعني ملحقتش كمان أتعرف على حد، و زي ما حضرتك بتقول محمود دة عايش لواحد فمستحيل هتق فيه لا جوة بيته ولا برة و مش عشان إتقتل بضرب على دماغه يبقى أنا، و بعدين لو زي ما حضرتك بتقول يبقى أكيد بصماتي مغرقة البيت أكيد لو أنا في (نوبة إضطراب) زي ما حضرتك قولت مش هركز أمسح البصمات و برضه لو حضرتك فاهم كويس نوع (نوبة الإضطراب) اللي عندي كنت فهمت إني لو قتلت حد في (نوبة إضطراب) الحالة هتزيد و مش بعيد أموت نفسي بعدها، نظرية حضرتك تكاد تصيب و أنا أسفة لو هدتهالك شكل حضرتك تعبت أوي على ما وصلت للإستنتاج دة.

تعمدت أن تضغط على حروف (نوبة إضطراب) في كل مرة و تعمدت في آخر جملة أن تستفزه إلى أقصى درجة أما عنه فظهر ثابتاً رغم أن إعتلاه الغضب و إحترق دمه، هي محقة في كل كلمة و هو يعرف كل هذا سابقاً، لا ينكر أنها أضافت لدفاعها بعض المعلومات التي غابت عنه لكن هذا لم يشغل رأسه كثيراً، ما شغل رأسه حقاً هو براعتها، هي بارعة في الدفاع.. تفهم كل كلمة و تستوعب كل ما قيل، ربما هي سريعة الإلقاء فقط.. فقد قذفت بوابل من القذائف في وجهه مما خرس لسانه للحظات.. لكنها على دراية كاملة بمرضها، أليس أول و أهم خطوات العلاج هو الإعراف بالمرض!

خرج "محروس" عن صمته قائلاً

- يا فندم أكيد حضرتك عارف هي بنت مين، هشام باشا الله يرحمه قدم كثير لمصر و ضحى كثير و إستشهد فدا البلد و رباهم عالانضباط و إحترام القانون و التضـ...

- و هو لو في إحترام للقانون كنتوا أقنعنوا ضحايا الأستاذة إنهم يتنازلوا.. و الله أعلم دة تم بأهني وسيلة.

صاحت "نور":

- أنا مسمحكش...

قاطعها "محروس" مهدناً لها و قائلاً:

- يا فندم كلام حضرتك دي في إتهام خطير و أنا ممكن أطالب بثبوت كلامك في المحضر.

- أة بتهددني يعني.

- لا سمح الله يا فندم، أنا بس مقبلش إتهام زي دة.

- طب يا سيدي أقبل إعتذاري، بس في نقطة تانية..

و أشار لكاتب المحضر أن يوقف عن الكتابة و نظر لنور قائلاً:

- مقدم... كان مسئول عن قضايا مهمة و أثبت جدارة و حصل على أكثر من ترقية بسرعة... بس كان عصبي.. عصبي لدرجة خطيرة.. لدرجة إن عصبية دي إتسببت في ضياع دليل مهم في أهم قضية مسكها و كانت أهم قضية في الوطن العربي ساعتها.. قضية وفاة الفنانة سعاد حسني.. و بسبب كدة لحد دلوقتي محدش يعرف دة إنتحار ولا قتل، و بعدها المقدم اللي إترقى كثير دة و بسبب عصبية و قفت كذا ترقية ليه و إترفع عليه كذا قضية.. حتى بعد وفاة مراته كان في شك من بعض الناس إنه قتلها.. و تعدي الأيام و يبجي اليوم اللي يرمي بجسمه قدام عربية مفخخة فتاخده و بووووم... تفرقه و تحوله لأشلاء صغيرة... و أنا بصراحة مظنن إنه كان قاصد بكدة إنه ينقذ باقي الزملا لا سمح الله.. و معرفش إيه اللي نزل الكمين برغم

إن واحد في رتبته كان المفروض يكون في غرفة العمليات في الوزارة، و سبحان الله زي ما تقول ربنا بيردهاله.. إنت رأيك إيه؟ دة إستشهد.. ولا إنتحر..!

صرخت "نور":

- كفاياaaaaaaaaااه.

و أمسكت بحامل الأقلام المعدني وألقته على رئيس النيابة فتفاداه و إبتسم بخبث و قد نجحت خطته فهو يعلم وقع كل كلمة على عقل "نور" المضطرب، صاح "محروس":

- أنا مسمحش لحضرتك تقول كله دة و بطالب حضرتك تلتزم حدود شغلك و بطالب كاتب المحضر يثبت كل اللي إنت قولته في محضر النيابة و عايز من حضرتك توضيح دلوقتي حالاً إيه علاقة كل الكلام دة بالقضية يا أما هتخذ ضد حضرتك كل الإجراءات القانونية، مفيش حد فوق القانون حتى لو رئيس نيابة..

وضع "أحمد" يده أسفل ذقنه و نظر لمحروس نظرة بلهاء ثم قال:

- هو إيه اللي حصل؟

و أشار للكاتب أن يكمل كتابته قائلاً:

- صرخت المتهمه و أمسكت بحامل الأقلام من على المكتب و ألقته في وجهي، مما يثبت أن المتهمه خطراً على الأمن القومي..

صاح "محروس":

- إيه يابني اللي بتقوله دة، دة تلفيق..

ليكمل "أحمد":

- و أمرنا نحن.. أحمد عبد الحي خطاب.. رئيس نيابة 6 أكتوبر، بتحويل المتهمه لمستشفى الأمراض النفسية و العصبية.. للكشف على حالتها الصحية، و عودتها بعد مدة خمسة عشر يوماً للمثول أماماً بعد إصدار التقرير.

لتصيح "نور" ويصيح "محروس" قائلاً:

- إيه المهزلة دي، أنا مش هسكت.. إنت رجل قانون و هنا عشان تطبقه..

ليقول "أحمد" مقاطعاً:

- إنت عارف إن دة أحسن بالنسبالها.. أنا كدة بحميها قبل ما أحمي الناس منها..

- إنت فاسد و أنا هعرف أجيب حقها و حق القانون منك و بالقانون.. أنا..

أكمل بثقة و هدوء أعصاب مستفز:

- كما أمرنا نحن بحجز الأستاذ محروس عبد القادر عطية يومان لإعتدائه لفظياً على ممثلي النائب العام.

لن تستطيع احتمال هذا الطنين في أذنها اليسرى أكثر من ذلك، أشعة الشمس الحارقة تخترق حدقتيها و هي لا تملك القدرة حتى على إغماضهما، آلام خفيفة تغمر جسدها و رعشة لا إرادية مستفزة فوق شفتيها العلوية تزيدها غضباً، احدهم أمسك ذراعها و جذبه ثم آخر أمسك بذراعها الآخر و سحبوها، قدماءها لا تحملها.. الآن هم يجرونها و قدماءها تزحف على الأرض في حالة إستسلام تام.. عبرت حوالي أربعة أبواب.. أو ربما ثلاثة.. إلتهقت أنفها رائحة عطنة و بضع روائح سيئة كقبر، رأسها تهتز بإهتزاز جسدها فهي لا تملك أي عصب نشط يمكنها من تحريك أي خلية في جسدها، آخر ما تتذكره إنتظارها حتى جاء هذا الـ.. أياً كان من هو، و لف حول معصمها شئ ما ألمها بشدة و غرس في وريدها محقن وما إن أفرغ محتوياتها يدها أحرقتها بشدة كأنه حقنها بماء من مهن .. ثم لاشئ..

فُتح باب آخر و جُرت "نور" للداخل.. ما إن تخطت الباب علمت رغم شروذ عينيها و ذهنها أن هذه الغرفة الواسعة ذات الأسيرة هي مصدر الروائح التي تشبه دورة مياة مترو محطة المرج - قبل تجديد المحطة -، جميع الأعين ترمقها و تراقبها، نسوة متسرבלات بخيش مسح الأرضيات إن كانت تُمسح، الأمر كله أشبه بعنبر حقل تجارب روسي في الحرب العالمية الأولى، قُذفت على فراش إتخذته الأتربة و الميكروبات مأوى لها فسعلت "نور" بقوة إثر تطاير الأتربة حول الفراش.. خرج من نقلوها إلى هذا القبر و إغلق الباب.. و غفت نور.

(4)

أقلت الطبيب يد ضيفه بعد مصافحة و تهنئة و مجاملات طالت، يبدو "فارس" سعيداً لزواجه بأخرى على زوجته "مروة" على ما يظن.. حسناً، فليهنأ "سعيد بسعيدة" حتى تكتشف هذه الـ"مروة" أمرهم، هذا ما كان يدور في رأس دكتور "يوسف الخطيب" و هو يمد يده لكوب الشاي الثقيل الذي لم يتبقى منه سوى رشفتين سرعان ما قذف بهما في حلقه ليسلكوا المرئ وصولاً لمعدة لا ترحم، وضع الكوب و نادى على الساعي الذي دخل و رفع كوب الشاي و كوب الماء النصف ممتلئ و كوب الشاي الأخضر الفارغ في حاملة الأكواب و غادر دون أن يتحدث أو يرفع عينه، سحب "يوسف" ملف يعلو صفاً مرتباً بإتقان من الملفات و الأوراق المرصوصة المنظمة على مكتبه المهترئ، ما إن لمح صورة الفتاة المرفقة حتى أطلق صافرة إعجاب، قرأ إسمها و أخذ يقرأ في ملفها ببطء شديد.. عند نقطة ما ترك الملف و أمسك بعلبة سجائر ماركة ديفيدوف أبيض و أمسك لفافة تبغ بين إصبعيه و سحبها بطريقة مبالغ فيها و وضعها بين شفتيه، وضع علبة السجائر في موضعها على المكتب و أمسك بقداحة معدنية فاخرة ذهبية اللون و أشعلها و غمس طرف سيجارته في لهيبها حتى تصاعد الدخان الرمادي، أغلق قداحته و وضعها على المكتب ثم عدل موضعها و سحب نفساً كبيراً مغمضاً عينيه بإستمتاع و نفس دخاناً رمادياً زكي الرائحة على عكس بقية السجائر، وضع سيجارته بداخل منفضة السجائر و أمسك بالملف مجدداً و عاد يقرأ من جديد بتركيز.. قرأ الملف بالكامل ثم قال بحماس شابه الغرور:

- Interesting -

أخرج من أحد الأدراج ورقة بيضاء و من جيب قميصه الكحلي سحب قلماً معدنياً فاخراً و بدأ يدون ملاحظاته الأولية، تسلل إلى أذنه صراخ.. صياح.. أقدام كثيرة تركض.. أزيز بوابة معدنية يفتح.. و إنفراج باب غرفته فجأة ليفزع مكانه و إذ بأحد المرضيين يهرع إليه قائلاً:

- إلحق الحالة الجديدة يا دكتور...

كل شئ متحطم، لا شئ بالمكان يصلح للإستخدام ولا حتى إعادة التدوير، أصبحت الشقة الفاخرة علبة قمامة كبيرة، و الباب يطرقه ألف يد فزعة أو فضولية، "رنا" فوق الأنقاض ملقاه على ظهرها تبكي و تبكي و تبكي مر ساعتين إلا عدة دقائق و هي في هذا الوضع.. تحاملت على صراخ عظامها و عقاب عضلاتها و نهضت مستتدة إلى ما يمكنه إحتمالها من الأنقاض.. نظرت للشقة فوجدتها لا تصلح للإستخدام. إلتقطت أذنها نغمة هاتفها فبحثت عنه بإرهاق.. تسكت النغمة ثم تنن مجدداً حتى وجدته "رنا" أسفل ما تبقى من شاشة العرض الملقاة على وجهها على خُطام الإثاث.. من شاشتها المكسورة رأت إسم محروس يقطعه شرخاً كبير.. عدة محاولات لضغط على أمر الرد لكنه أبى.. حاولت مراراً و أخيراً فُتحت المكالمة، وضعت المسكين على أذنها دون أن تتحدث فتحدث هو بصوت محروس:

- رنا، إمسكي نفسك كدة عشان نور هتحتاجلك، إلبسي و قابليني في المكتب دلوقتي.. خالد إبنني في العربية تحت البيت مستنيكي.. عشان خاطر نور... مستنيكي.

ألقت "رنا" الهاتف بصيحة غاضبة ثم إنهارت في البكاء.. مر وقت ليس بالقليل.. تحاملت على نفسها مجدداً بعد أن زاد ألمها، توجهت لدورة المياه و دفنت نفسها في حوض الاستحمام الفارغ من المياه بعد أن نزعت سدادته و فتحت صنبور الإستحمام و نامت بداخله في وضع الجنين تاركة جسدها بين يدي قطرات الماء البارد.. تسقط المياه في الصرف محملة بسواد أتربة كانت متشبثة بجسد "رنا".. إعتدلت بإرهاق و أمسكت بفرشاة الاستحمام حكّت جسدها به لتزيل ما لم تجبره المياه على مغادرة جلدنا الناعم.. دقائق و وقفت أمام المرآة.. سرعان ما تبدل حالها.. شعرها المبلل تموج بعد أن كان منسدلاً بنعومة تحسدها عليها زميلاتها.. تمكنت الهالات السوداء من عينيها بعد أن كانت تحاربها بالطعام و الكريمات.. وجهها به مئات الخمشات من أظافرها و أشلاء ما حطمته أثناء غضبها، و جرحاً غائر أعلى أنفها وصل بين حاجبيها لكن دمائه توقفت يأساً أو رافة بحالها... بسبب ما قامت به في غرفتها لم تجد أية ملابس تصلح للإرتداء فدخلت غرفة "نور" و كأنها دخلت غرفة بمنزل آخر، كل شيء مرتب و منظم في مكانه تماماً كما تركته "نور" فتحت خزانة أختها و إرتدت حُلة سماوية جعلتها فاتنة.. مشطت شعرها.. غادرت الشقة و صفعت الباب خلفها.. في المصعد ظلت تتأمل وجهها بعد ما حدث.. قد كبرت ملامحها على الأقل عشرة سنوات كاملة في ثلاثة أيام فقط.. توقف المصعد و إنفرج الباب لتخرج منه "رنا" بخطوات ثابتة وما إن لمحها البواب حتى هرع إليها يحدثها بشيء لم تنتبه له و ظل سائراً بجانبها يحدثها و يحرك يديه بما يقول لكن "رنا" ركزت ذهنها على أية سيارة أجرة تعبر من أمام المنزل لتذهب بها لمكتب "محروس".. لم تصدق ما رأيته.. وجدته في سيارته التشيفورليه السوداء نائماً و قد صدع منها موسيقى الهارد روك، كيف لأحد أن ينام في مثل هذا الإزعاج.. تمشت لنافذة سيارته المغلقة و طرقت على الزجاج المغلق لينتفض "خالد" و يعتدل ثم يفتح الباب باسمائاً قائلاً:

- كل دة يا أستاذة.

- معرفش إنك مجنون.

- لا مش أنا، الحاج حلف عليا لو رجعت من غيرك ما هيدخلني البيت، إركبي.

صعدت "رنا" بالمقعد المجاور له و دهس "خالد" دواسة البنزين فقفزت السيارة و بدون إرادة من "رنا" عادت للخلف و إندفعت للأمام بفعل القصور الذاتي فقال ضاحكاً:

- لا كدة جمبك حزام إلبسيه.

و إنطلقا بإتجاه المكتب.. سكون تام عكره صراخ مشغل الأغاني بصوت صاخب لأحد مغنين الروك، قطع الصمت صوت "خالد" الذي إضطر ليصيح به حتى يغطي على صوت الأغاني قائلاً:

- على فكرة بقى الحاج بيقول أن بعد الـ14 يوم نور هترجع و هتخرج و كمان هيجييلها إعتذار رسمي و رد إعتبار..

صاحت هي الأخرى:

- لا إنت متعرفش نور.

- كفايا عليا إني عارفك إنتي.. أكيد مش هستحمل نسخة كمان منك..

علت ضحكاتها برغم كل شئ و صاحت:

- نور مش هستحمل، لو قعدت ساعتين هناك مش هتخرج و هتقضي بقيت عمرها في مصحة.

- معنى كلامك إنها دلوقتي....

- في العزل..

صمت.. و صمتت.. ظلوا في هذه الحالة حتى صاحت أغنية محببة لـ "رنا" فمدت يدها لمتحكم الصوت و رفعت صوت الأغنية و غنت معها بصوت عالٍ و تبعها "خالد":

- I crashed my car into the bridge I wached I leave it burned

I threw your shit into a bag and pushed it down the stairs

I crashed my car into the bridge... I DON`T CARE .. I LOVE IT..

ظلت "رنا" تصرخ بكلمات الأغنية طوال الطريق و تصرخ بمرح كأنها تذهب في رحلة مدرسية مما أثار دهشة "خالد"..

صرخت الإطارات على الطريق أسفل مبنى فخم معبأ بالمكاتب.. فتحت أبواب السيارة و خرج الإثنين متجهين لباب المبنى، ثنى "خالد" زراعه فتأبطته بكفها الرقيق و تمشوا إلى الداخل..

يجلس في مكتبه ممسكاً دفترأ ذو غلاف جلدي، طُبع عليه بحفر غائر (دا يوسف بهاء الخطيب) و بخط أصغر أسفل إسمه (دكتور الأمراض النفسية و العصبية بمستشفى العباسية)، ممسكاً قلمه الفاخر يخط في دفتره شئ ما..

"كانت نائمة في سريرها بالعزل كملاك كسر جناحيه, أسفل عينيها خندقان من السواد و برزت عروقها الزرقاء على ذراعيها و أمتدت حتى كفها كنهران بين الجليد, ساكنة تماماً و ملامحها هادئة بالنسبة لشيطانة من الإنس, برغم خطاياها و تعبها الذي أثر بالتأكيد على جمالها, إلا إنها مازالت ساحرة , تمتد أنابيب طبية من عروقها إلى محلول الجلوكوز بجانبها لتغذيتها بما يحتاجه جسدها من غذاء كي تبقى على قيد الحياة خصوصاً أنه يمدها أيضاً بنسبة من منوم الفينوباربيتون كي لا تستيقظ فتؤذي نفسها أو غيرها.. كما حدث في أول ساعاتها بالعنبر الجماعي, تأملتها قليلاً ثم إبتسمت و عدت إلى مكتبي.. إلتقطت دفتر المذكرات فوجدت ضوءاً و صياح و صراخ عالي و الممرض أتانى راكضاً لاهثاً مفزوعاً و هو يقول:

- إلحق نور يا دكتور...

ركضت متجهاً لعنبر العزل لأجدها ممسكة بسن المحقن الذي كان يوريدها و ممسكة برقبة إحدى الممرضات واضعة السن على عرقها السباتي و تهدد بقتلها.. لكنها واهنة جداً، عيناها رغماً عنها تخفت و تُغلق.. تحاول التحامل على جسدها لكن هيهات و ستسقط على وجهها فاقدة للوعي.. تمنيت أن يحدث هذا بسرعة قبل أن تقتل المسكينة الذي ألقى بها حظها السيئ داخل العزل لتبذل لها المحلول في هذه اللحظة..

سقط السن من يدها و سقطت هي خلفه فهرعت الممرضات و أنا من خلفهم نرفعها لنضعها في فراشها و نعيد وضع المحلول بمجرى الدم في وريدها.. رأيت "وليد" أحد الممرضين يلمس إحدى مفاتها ظناً منه أن لن يشاهده أحد، أبتسمت إبتسامة جانبية دون أن ألقت النظر و أمرت أن يقيدوا يديها و قدميها كي لا يتكرر الحادث.. لكني مازلت أسأل نفسي.. متى سأتمكن من التحدث معها لإنهاء التقرير.. و كيف؟"

أغلق الدفتر و وضعه أعلى ملف "نور".. سحب آخر نفس في لفافة تبغ و دفنها في منفضة سجائره و قام يتمشى بهدوء متجهاً لغرفة العزل.. رمقها من خلف الزجاج العازل.. نائمة بوضع الجنين موالية ظهرها له، أطرافها الأربعة مقيدة بحبل بني غليظ بقوائم السرير.. فستانها الأبيض مرفوع قليلاً.. هل خيل له هذا! هرع إلى غرفة المراقبة و أعاد الشريط و جلس يشاهد.. هذا الخنزير وضع شئ ما أمام الكاميرا كي تخفي فعلته.. لكن أثر يده فضحه فجلاها رقيق جداً و أي شئ يلمسه ستترك أثراً عليه.. إذا هذا الخنزير قام ب....

كان يعرف أن نباطشيته قد إنتهت و سوف يعود صباحاً.. لم يستطع النوم تلك الليلة حتى حان الصباح.. إنتظره بالخارج أمام المبنى.. رمقه يتمختر و يلقي التحية على كل من يقابله. إقترب منه و صاح بضحكة مقززة و لهجة بشعة:

- صباح الخير ادوكتور..

إبتسم "يوسف" و هز رأسه راداً للتحية و هو مبتسم نصف إبتسامة مأكرة.. مر اليوم و بعد أن خف ضغط العمل إنسلخ الخنزير من بين القطيع و وقف لدقائق خارج غرفة العزل.. عند تأكده من خلو الطريق فتح باب العزل و دلف للدخل.. وقف أسفل موضع الكاميرا لكي لا تسجل ما يفعله و من ثم خلع حذائه و علقه على الكاميرا كي يعترض رؤيتها.. دقائق و نزع حزائه و ليسه و غادر غرفة العزل بملابس مختلفة... بعد نصف ساعة توقف خارج أسوار المستشفى منتظراً وسيلة مواصلات، أشار لأحد الميكروباصات و قفز به بينما يشاهده دكتور "يوسف" من شرفة مكتبه.. هرع يوسف للعزل و أخرج الكاميرا التي أخفاها جيداً.. عاد لغرفته و طلب من الساعي أن يحضر شاي ثقيل..

إنصرف الساعة بعد أن وضع الأكواب في مكانها المخصص على المكتب فأشعل "يوسف" لفافة تبغ و رشف رشفتين ساخنيتين من كوب الشاي و فتح محتوى الكاميرا.. ملاك مقيد نائم نوماً عميقاً.. ثم خنزيراً ضخماً يدخل العزل بحذر.. يخلع حذائه و يعلقه على الكاميرا، ثم... يا أيها الخنزير المتحرش القذر.. ثم ينهض و يبدل ملابسه و يمسك بحذائه و يخرج من العزل... حسناً.. إذا هي بعض اللمسات فقط.. لكن هذا ليس بالهين.. هل يقدم المقطع لإدارة المستشفى.. لا ستكتفي الإدارة بلفت نظره أو خصم راتبه أو رفده في أقصى تقدير... يجب أن يحصل على عقابه المناسب.. فمن يدنس ملاك يستحق أن يهلك..

في الصباح نادى "يوسف" على "وليد" الذي هرع إليه قائلاً:

- أوامرني يا دكتور.

إبتسم "يوسف" إبتسامته الجانبية قائلاً:

- هاتلي أسماء.

ظهر الفرع على وجه "وليد" قائلاً:

- أسماء اللي هي.. أسماء !

صاح به "يوسف" بغضب:

- أيوة بقولك أسماء، دقيقة و تكون قدامي.

- حاضر ادوكتور.

و هرع متجهاً لغرفة عزل أخرى، دقائق و دخل ممسكاً بذراع سيدة أربعينية، من نظرتك الأولى لوجهها تعرف أنها قوية.. صلبة فطلب منها "يوسف" بأدب:

- إتفضلي يا أسماء.

تحركت "أسماء" ببطء شديد و جلست على المقعد المواجه للمكتب و هي تنتظر في عيني "يوسف" نظرة خالية من أي مشاعر، نظرة قد ترعب من في موقفه لكن "يوسف" ظل باسمماً بنصف بسمه.. قال "وليد":

- تؤمر بحاجة تاني يا دكتور.

نظر له "يوسف" بتحدٍ و قال:

- أة خليك و إقفل الباب عشان تمسكها لو حاجة حصلت.

ظهر الفزع و الإرتباك على وجه "وليد" قائلاً:

- بس يا دكتور...

قال "يوسف" مقاطعاً:

- مفيش بس.. كلها ربع ساعة و هترجعها العزل.

- طب هنده إبراهيم و عمر يقفوا معانا.

قال "يوسف" بغضب:

- لأ.. كدة أسماء هترتبك و مش هعرف أشتغل، إنت خايف!

قال "وليد" بفزع حقيقي و هو يتأتأ:

- بـ.. بصراحة اة خايف يا دكتور...

إبتسم "يوسف" و أمره أن يغلق الباب و أخذ منه المفتاح و وضعه بأحد الأدراج قائلاً:

- تخاف من إيه بس، ولا خايف أسماء تعرف!!!

الذهول أحكم قبضته على وجه "وليد" قائلاً:

- تعرف... تعرف إيه يا دكتور.

أشعل "يوسف" لفاقة تبغ و مد يده بها لأسماء التي تناولتها منه واضعة إياها بين شفتيها و قد بدى عليها الإهتمام، قال "يوسف":

- إنت عارف أسماء هنا ليه صح!

- عشان قتلت..

- عشان دبحت أخوها لما لفته بيعتدي على بنتها.. و قطعته و رمت جثته في النار.. و سلمت نفسها.

- أيوة.. بالضبط، بعد ما قتلت جوزها و بنتها.

نظر "يوسف" لعين "أسماء" و قال:

- عندنا يا أسماء في العزل اللي جمبك ملاك.. مجاش هنا عشان أدت حد.. جت عشان مزاجها بيتقلب بسرعة.. بصي..

و مد يده بالكاميرا لها لتشاهد و يعتلي الغضب وجهها و تزداد أنفاسها و تضغط على أسنانها، حاول "وليد" أن يهرب بأي وسيلة بلا جدوى، ركض برعب إلى مكتب "يوسف" و فتح الأدراج كلها بحثاً عن المفتاح فأطلق "يوسف" صافرة ليجذب إنتباهه، نظر الخنزير له فلوح "يوسف" بيده الممسكة بالمفتاح من خلف "أسماء" التي نهضت و عينيها يتطاير الشرر منها، ركض "وليد" إليها و إستجمع قوته و رفع قبضته و أنهال بها على فكها و قبل أن تصل قبضته شقت رقبتة بفاتح أطرف كان قد أعطاه "يوسف" لها أثناء إنشغال الخنزير الضخم، أمسك "وليد" برقبته التي سرعان ما إندفعت الدماء منها لسقط أرضاً بين دمائه و نظرات جامدة خالية من المشاعر في أعين "أسماء" و نظرة انتصار في أعين "يوسف" الذي ظل ينظر لساعة يده حتى مر دقيقتين كاملتين ليتأكد أن أحد لن يستطيع إنقاذه ، ثم وضع المفتاح بمزلاج الباب و أداره فأنفتح المزلاج و لم يفتح الباب.. ترك المفتاح داخل المزلاج و عاد بضع خطوات متفادياً الدماء النجسة.. إلتنقط الكاميرا و أخفاها في حقيبته بعد أن تأكد من إزالة المقطع منها ثم إستدعى على وجهه رعباً صناعياً و صرخ بكل ما أوتيت حنجرته من قوة ليفتح الغرفة كل من بالمستشفى...

يجلس "خالد" على أريكته الفخمة و بجانبه "رنا" ، يده تحيط كتفها و رأسها على كتفه، يشاهدان فيلم رسوم متحركة و بيتسمان بسعادة.. تأملت وجهه فأتسعت إبتسامتها قائلة:

- كان لازم أختي تتحبس عشان أشوفك!

- مش إنتي اللي قولتي إنت أخويا و عملتي تقيلة.

إعتدلت في جلستها و نظرت لعينه الرماديتين قائلة:

- فصيببيل... طب يا أخي عملت تقيلة خدني على قد عقلي.. بتدلع عليك.. بشوف متمسك بيا ولا لأ.. وإنت ما صدقت.

ضحك ببلاهة قائلاً:

- إنتي عارفة إني مبفهمش الحاجات دي.. أنا راجل مباشر.

إبتسمت بحب قائلة:

- طب يا مباشر.. خدني في حضنك...

فتح باب العزل، تركه مفتوحاً و دخل بثبات، جلس "يوسف" على طرف الفراش ناظراً لوجه "نور" المتعب فأعتلت شفثيه إبتسامة شابها حزن فأخفاها قائلاً:

- أنا جيبناك حقك من ... اللي ضايقتك، مع إني كان نفسي أعمل كدة بإيدي أنا، بس مكنتش هفرق عنه حاجة لو عملت كدة.. و أسماء كدة كدة هنتعدم.. أنا معرفش عنك حاجة.. معرفش إنتي مين و حكايتك إيه.. بس متأكد إنك مقتلتيش اللي بيقولوا عليه دة.. و معرفش ليه أنا بعمل كل دة علشانك..

أمسك بيدها و قال بحنان:

- إنتي مش مجنونة.. إنتي بس عايزة حد يفهم حالتك.. إنتي حساسة زيادة.. كلمة تطيرك من الفرحة و كلمة تموتك مالحزن و كلمة تجننك و تعصبك.. مجرد إضطراب ثنائي ميخليكيش تقتلي.. إمتى هقدر أتكلم معاك.. فات إسبوع و فاضل إسبوع واحد على وجودك..

إنحني على يدها و طبع قبلة عليها ثم عاد لموضعه ناظراً لوجهها و إتسعت إبتسامته.. تمنى لو تمكن من طبع قبلة أخرى على وجنتها لكن سرعان ما ألقى بالفكرة من رأسه و استغفر ربه ونهض مغادراً.. توقف عند الباب و ألقى بنظرة طويلة عليها و قال:

- إنتي عملتي فيا أيه يا بنت اللذين إنتي.

و غادر بعد أن أحكم إغلاق الباب.

فتح "خالد" لها الباب وهم يضحكان، أخبرها أنه سيمر عليها ليلاً ليخرجوا في نزهة بالسيارة، ودعها و طبع قبلة على وجنته فأبتسم قائلاً:

- الكلام دة ليه محصلش من ساعة ما قولتلك إني بحبك.

لتنبت بجانبهم من العدم فتاة عشرينية يتطاير الشرر من عينيها و صدرها يعلو و يهبط من شدة أنفاسها الغاضبة لتصرخ في "خالد":

- إنت بتخوني! و كلام ليه محصلش.. و بحبك.. إنت بني آدم حقير..

إرتبك "خالد" و أمسك بيديها محاولاً تهدئتها و عينيها تنتقل بين "رنا" و هذه المسكينة محاولاً إستيعاب الموقف ليقول:

- يا سلمى إنتي فاهم غلط محصلش حاجة أفهمي.

لتبكي "رنا" قائلة:

- إنت بتبررلها، و محصلش حاجة! إنت كنت عايز يحصل حاجة! إنت بني آدم واطي.

أمسك ذراع "رنا" قائلاً:

- يا رنا و الله إنتي كمان فاهمة غلط، إفهمي بس..

نفضت "سلمي" يدها من يده قائلة:

- إنت بني آدم زبالة.. و أنا غلطانة و أستاهل ضرب الجزمة إني إرتبطت بواحد زيك..

و ركضت "سلمي" محاولة أن تداري دموعها ليقول "خالد بارتباك:

- يا سلمي بس...

صرخت "رنا" مقاطعة:

- إنت طلعت مرتبط .. و عمال تحكي لي عن إخلاصك و حبك ليا و إني جننتك و طلعت عينك، عندها حق في كل وصف وصفتها، و إياك تحاول تكلمني ولا تجيلي ولا تكلم باباك عني.. و لو شوفتك في اي مكان هعملك فضيحة.. إنت فاهم.

و رحلت بين دموعها و ظل هو واقفاً بملابس لا تسمح له أن يلحق بإحداهن و ظل مرتبكاً حائراً لا يعرف ما يفعله حتى سقط على ركبتيه ودفن رأسه بين كفيه محاولاً السيطرة على دموعه.. قد أضاع حب حياته، و أضاع من هو حب حياتها في نفس الوقت.. قد خسر كل ما يتعلق بالحب و كل فرصة يتمناها أي شاب في دقائق.. أما عن "رنا" فخرجت من باب المبنى و هي تكبح جماح دموعها قدر الإمكان، سعلت فوضعت يدها على فمها ثم إنهارت في البكاء، شعرت بيد توضع على كتفها فأنتنفص جسدها و إلتفت لكن لا أحد.. عادت للبكاء بشدة فسمعت صوت "محروس" يصيح من خلفها بإسمها فالتفتت بسرعة.. ثم لا أحد.. شعرت بالخوف يتملكها و جسدها ينتفض فبكت كطفل خائف من وحش أسفل الفراش لتسمع صوت "نور" بحنان يخبرها ألا تخاف، فأطمئنت و ألتفتت.. لا شيء، إنتفضت و أطلقت العنان لقدمها تركض دون وجهة محددة فقط أرادت أن تهرب من كل هذا، أرادت أن تهرب من الخوف و الخذلان و البكاء و غصة القلب و الألم و الذكريات، ركضت حتى تعثرت و سقطت على ركبتيها فعدت للبكاء كطفل فقد أمه و أخذت تضرب الأرض بقبضتها حتى أدمت يدها و صرخت ألماً، فشعرت بيد تمسكها و تعاونها على النهوض و إذ برجل وقور حاول أن يطمئنها و يسألها فتركته و ركضت.. دفعت نفسها بالمصعد و ضغطت أحد الأزرار و ما إن اغلق الباب إنفلت الوعي منها، و سقطت..

(5)

صداع يضرب رأسها، تحاول وضع يديها على رأسها لكن لا تستطيع، شخص ما يمسك بذراعيها، يجب أن يتركها، تريد فقط أن تمسك برأسها لتكبح جماح صداع يشطره.. هذا الغبي يأبى أن يترك يدها، تجذب يدها بقوة لكنها لا تنفلت، يجب أن تضع يديها على رأسها.. غزى جسدها ألماً قاتلاً دفعة واحدة.. لابد أن تفتح عينيها، لكن تحريك جفونها أصعب من تحريك شاحنة بضائع دفعا، شئ ما يمشى على أقدامها، تبدو حشرة.. يجب عليها قتلها قبل أن تلدغها فجلدها ضعيف.. أطلقت سبة لهذا الوغد المستميت على يديها ثم حاولت رفع قدمها لتحكها في أي شئ يسقط الحشرة.. حركت قدمها لتجد وغداً آخر مستميت عليها.. وبدأت الحشرات تغزو قدمها و ترتفع لتغطي جسدها.. إتركوني أيها الحمقى قد تكون إحداهن سامة، بدأت تتلوى و تنتفض و تصرخ تريد أن تسقط هذه الحشرات قدر الإمكان، الحشرات تزداد، الصداع يشق رأسها، أطرافها تصرخ ألماً و بدأت تختنق و صدرها يضيق بالهواء و شقت صرخة منها حنجرتها فسعلت ثم عادت تصرخ، ترغب بفتح عينيها لكن عيونها تأبى بإصرار، ها هو وغداً آخر يمسك بمعصمها ثم يضع كفه على كتفها و يهزها ثم يلطمها على خدها، من يظن نفسه هذا الأحمق.. صوتاً بعيد ينادي بإسمها، صوتاً ليس مألوفاً على الإطلاق.. تم بد إرتفعت من على كتفها و إستقرت على رأسها، إصبعان حاوطوا عيناها و حاولوا فتحها عنوة، و أخيراً جفنها قرر الإفراج عن بصرها ليفاجئها ضوءاً كمنارة مما جعل جفنها يتراجع عن قراره و هو يسبها و يسب نفسه لطوع أمرها لكنه لم يستطيع الإنغلاق فمازالت الأصابع تحاوط عينيها ثم.. من هذا! إنه حقاً شاباً وسيم، لماذا هو مفزوع و يصرخ فيمن حوله، من هذا و من حوله؟ أين هي؟ هذه رائحة عطر رجولي صارخة مميزة، تبدو لهذا الوسيم المفزوع.. ناوله أحدهم شئ ما يلمع.. عبث الوسيم به ثم مد يده ماسكاً ذراعها.. تريد أن تخبره كم هو وسيم لكنه خيب ظنها و طعنها بحربة في ذراعها و من ثم شعرت بسائل ما يتسرب لعروقها، هي لا تريد أن تغمض عينيها لكن عينيها تصار عنها، تريد أن تنام.. رأته يقترب منها مبتسماً، يا لجمال هذه الابتسامة.. ثم غفت..

ما هذا؟ يد خشنة غليظة تعبت في ملابسها، أنفاس مقززة تتسارع بجانب أذنها و رائحة كريهة تهاجم أنفها المسكين.. فتحت عينها بعد صراع مع جفونها لترى خنزير أفريقي ضخمة.. ترى ماذا يفعل.. لماذا يمش جلداه.. أين الوسيم ليصرع هذا الخنزير المخيف الذي يعبت بمخالبه على قدمها.. تذكرت الوسيم إبتسمت.. و غفت..

صوتها الذي يتحدث دائماً في الهاتف.. تدخل بإهمال و تغير شئ ما و تخرج الحربة من يدها ثم تغرس أخرى أشد ألماً لتنام المسكينة على الفور..

هذا عطر الوسيم، هو قريب إذاً جاهدت جفنيها و فتحت أحدهم محررة بصرها.. ها هو الوسيم يقوم بإخفاء شئ ما في الحائط الأبيض.. هم أن يغادر لكنه توقف عند الباب و نظر لها.. يا لها من نظرة مريحة و مطمئنة.. و غفت على أثرها..

هذا الخنزير المقزز مجدداً بأنفاسه الكريهة و مخالبه الحادة يتحسس جلداه.. ماذا يفعل هذا المقزز، أين يكون الوسيم حالما يأتي هذا الخنزير ذو الأنفاس النجسة و اللمسات الجارحة.. تسارعت أنفاسه مرة أخرى.. لا لن تفتح عينها تكفي هذه الرائحة و صوت الأنفاس و الإحساس بالمخالب.. أين أنت أيها الوسيم؟ لماذا لا تظهر لتصتاده و تذبحه و ترميه للضباع لتنهشه كما تنهش مخالبه جلدي.. ها هو ينهض.. يغطي جسدها، ثم لا شئ..

ها هو العطر المحبب، جاهدت عينها و فتحت إحداها لتجد أن الباب ينغلق ولا أحد.. ولا حتى الوسيم، لماذا رحلت بهذه السرعة أيها الوسيم فقد ظننتك مختلفاً..

فتاة الهاتف تصيح في حماتها بجانبها، لن تعاني لتفتح جفونها، على كل حال ستذهب في سبات بعد ثوان...

عطر الوسيم مجدداً، إذن هو هنا.. ستفتح جفونها.. ها هي ستحاول.. تريد أن تمتع بصرها بوسامته، لكن عيونها تأبى و تحارب بكل وسيلة.. شعرت به يجلس بجانبها، لم تفرع فهي تثق به، لا يمكن لوسيم مثله ذو عطر كهذا أن يكون خنزيراً.. تسرب لأذنها صوته الحنون فزادها إطمئنان.. حدثها عن إنتقامه من هذا الخنزير الذي يمش جلداه و يخبرها كم هو حزين أنه لم يقوم بهذا بنفسه و يعتذر منها.. حسناً هي ليست غاضبة فقد فعل ما يستطيع و هذا يشعرها بسعادة بالغة.. حدثها أخبرها أنه من سيزيح عنها هذا الخنزير و ها هو لم يخيب ظنها.. إختفى صوته لدقائق شعرت بحزن من رحيله المفاجئ، لكن يداً أمسكت بيدها في حنان.. واثقة بأنه هذا الوسيم، يده ناعمة رقيقة حنونة على عكس مخالب الخنزير المقذر.. أخبرها أنه يعلم حالتها و يتفهم، لامها على نومها المستمر و أخبرها أنه يريد محادثتها، حسناً يجب أن تحاول.. شعرت بفمه يطبع قبلة ساخنة على يدها فغمرتها سعادة رغم إرهاقها الشديد، تمتنت بشدة لو طبع أخرى على وجنتها لكنه خيب ظنها، شعرت به ينهض فحاولت تحريك شفتيها لتخبره لكنها لم تستطيع رغم محاولاتها الخارقة.. سمعته يسألها ما فعلت به و من ثم يُغلق الباب، ترى ماذا فعلت به؟ هي متأكدة أنها لم تفعل شيئاً.. تذكرت قبلته على يدها و ركزت شعورها على هذه اليد لتشعر بأثر القبلة عليها.. و غفت و هي تغمرها السعادة..

ها هي ثرثرة الهاتف تمسك بكفها و ترفعه و تسحب منه الحربة ثم تبذل شئ ما بجانبها، يجب ان تتحدث فهذه فرصتها الوحيدة قبل أن تنام.. رفعت الثرثرة كفها فحركت "نور" شفتيها قائلة بصوتٍ مبجوح جداً:

- اُنْزِلْ

أفلتت الثرثرة ذراعها و سقط هاتفها و نَبَّهت حاسة سَمْعها و كل حواس التركيز لديها على وجه "نور" لفتح "نور" عينها اليسرى و تحرك شفيتها قائلة:

- أتكلم...م.

طوى الأرض بين مكتبه و غرفة العزل حين سمع الممرضة تصيح في وجهه (إلحق نور يا دكتور)،
الآف الاحتمالات و الأسئلة تنبعت في رأسه، كيف خُرت من قيدها؟ هل آذاها أحد؟ هل هي بخير؟ هل
أحدهم في خطر؟ و آلاف الآلاف من الأسئلة التي تستطع الصبر نصف دقيقة لتعرف الإجابة، نظراً "نور"
من خلف الزجاج فوجدها نائمة على ظهرها مقيدة كام تركها لكن بقعة دماء كبيرة صبغت فستانها الأبيض و
الفراش، هرع للداخل و هو يدعو ألا يكون ما خُيل له، تنفس الصعداء و حمد ربه فقد وجد أن الدم تسرب
من وريدها إثر سحب سن المحقن منه دون سد مجرى الدم فأسرع بإخراج منديل ورقي سد به الوريد و
صاح في الممرضات بإحضار صندوق الإسعافات، نظر لوجهها معتزلاً و متأسفاً منها ثم أغمض عينيه في
محاولة لإقناع عينه بالرجوع عن الدموع التي تجمعت في مقلتيه فتسرب لأذنه صوتاً ناعماً مبوحاً جعله
يفرج عن دمعتين ساخنيتين تسابقا على وجهه و هو ينظر لعينها اليسرى و هي تحمق به، قرب أذنه من فمها
ليسمعها تقول:

- متت۔ اُسفش۔

إنفرجت إبتسامته و على وجهه الفرحة قائلاً:

- إنت.. إنتى فايقه.

لتبتسم بتعب قائلة:

- فايقة

صرخ في الممرضات لإخلاء العزل و عدم السماح لأحد بإقتحامه و ما إن أغلقت الأخيرة الباب خلفها إحتضنها و دفن رأسه في متفها و بكى، إتسعت إبتسانتها المرهقة و أصدرت أنين متألم ليبتعد عنها و يعتذر منها لتقول بصوت غزاه التعب:

- قولہ۔ تِلْكَ مَتَىٰ تَأْسَفُ۔

فاضت عيناه بالدمع و هي تنظر له و تبتسم بحنان قبل أن يسعل، ثم يهتدم من ملابسه.. ثم يخبرها بصرامة:

- أستاذة نور، أنا دكتور يوسف الخطيب، أنا مش قاضي و مش هنا عشان أتهمك بأي حاجة.. أنا هنا عشان أسمعك و أساعدك، هستناكي تفوقي من تأثير المنوم عشان هنقعد...

تطلب منه الحديث معها بهذه الصرامة جهد خرافي، حاول أن يظهر ثابتاً واثقاً كما يراه الجميع بل حاول أن يكون بارد الأعصاب ليصلح ما أفسده إندفاعه، لقول هي ما يفسد خطته تماماً.. نظرت لعينه بثقة ثم قاطعته قائلة بلهجة ساخرة:

- و الله!

لينفجر ضاحكاً و تضحك هي الأخرى بتعب و إرهاق حتى غفت بين نظراته المطمئنة، ظل بجانبها طوال الليل لا يفعل شيئاً سوى أنه يراقب ملامحها المتعبة، تمنى لو يراها بحالتها الحيوية النشطة لتلمع في رأسه فكرة.. أخرج هاتفه و فتح أحد تطبيقات التواصل الاجتماعي و ظل يبحث عنها بإسمها ثنائي و ثلاثي باللغة العربية و الإنجليزية و يقتحم مئات الصفحات الشخصية باحثاً عنها ثم يبحث بأي كنية قد تطلقها على نفسها لكن بلا جدوى، تذكر أنه قرأ أن لها توائم تسمى "رنا" فبحث عن رنا ليجدها بسرعة و يجد صورة تجمعهما قد أشارت "رنا" لـ"نور" بها.. فدخل صفحتها...

فتحت "رنا" عينها لتفاجأ برأس بشرية تراقبها، لحظات قبل أن تستوعب أن هذا طبيب و أنها بمستشفى لتنتبه لكلامه الذي كان وابل من (ألف سلامة) و (خضتينا عليكي) و أشياء من هذا القبيل، و نصائح طبية و تشديد على الانتظام في تناول الطعام و شرب المياه و عدم التعرض للضغط العصبي ثم إنصرف الطبيب و إقتحمت رأساً أخرى لا تعرفها ليكرر ما قاله الطبيب بصيغ مختلفة لتقاطعه قائلة:

- مين حضرتك؟

- أن متأسف نسيت أعرفك بنفسي، أنا سامح عبد الله مصمم جرافيك و عندي باند مزيكا على قدي..

- أهلاً و سهلاً نعم يعني!

- أة بعتر مرة ثانية، أنا اللي جيبك المستشفى و مسيبتكيش لحظة واحدة..

حاولت تذكر ما حدث لكن ذاكرتها أبت فقالت لهذا اللزج صاحب الباند الموسيقي:

- هو إيه اللي حصل؟

- أبدأ أنا خارج من شقتي لقيت باب شقتك مفتوح و إنتي واقعة في الأرض قدامه، الحمد لله إنك ملحقتيش تدخل لا قدر الله لو كنتي وقعتي جوة كان ممكن محدش يلح..

تركته يهذي و حاولت أن تتذكر أي شئ مما قاله لكن بلا أي جدوى، ضغطت بيديها على رأسها في محاولة فاشلة لإحتواء الصداع الذي يشج ثم تحاملت على نفسها و رفعت جسدها ليضع يده على كتفها محاولاً منعها لكي تقول له بغضب شابه التقرز و هي تنظر ليده:

- لو إيدك لمستني تاني هخليهم يحجزوك الأوضة اللي جمبي.

خطف يده من على كتفها و أمسكها بالأخرى خائفاً ثم نظر خارج الغرفة صائحاً:

- يا دكتور...ور...

و غادر على الفور، حاولت "رنا" أن تنهض بشتى الطرق لكن جسدها خانها، إستسلمت لتعبها و هي تحاول أن تستدعي آخر ما تتذكره، نعم.. "خالد" "سلمى" ، تباً لهذا الخائن المخادع، تركض حتى منزلها.. تركب المصعد.. يزداد ألماً.. تسقط.. تستفيق.. تزحف حتى شقتها و تخرج المفاتيح.. تتحامل على نفسها و تفتح الباب.. تسقط مفاتيحها فتحاول إلتقاطها.. ثم لا شيء!

مر الكثير من الوقت حيث تتوالى عليها الممرضات و الطبيب حتى سمح لها بالخروج.. ها هي ذي تغادر من باب المستشفى، أوقفت سيارة أجرة و دلفت للداخل بعد أن أخبرته عن وجهتها... مكتب "محروس" المحامي...

توقفت السيارة أمام المبنى الفخم و ترجلت منها "رنا" المتعبة و بخطوات مترنحة عبرت البوابة الضخمة و طلبت المصعد.. دقائق و وصلت للطابق الذي يقع به مكتب "محروس" الفخم... خرجت من المصعد و ترنحت حتى عبرت الباب لتهرع إليها "تقى" سكيرتيرة "محروس" و إحدى المتدربات عنده، إستندت "رنا" عليها فساعدتها "تقى" حتى أجلستها على أحد المقاعد و قالت:

- قلبي عندك يا رنا، الأعمار بيد الله...

حملت فيها "رنا" بنظرة مطولة دلت على عدم الإستيعاب لتعالجها "تقى" قائلة بارتباك:

- أنا أسفة أوي و الله إفتكرتك عارفة عشان كدة دة حالك ...

وضع المفتاح في المزلاج و أداره لينفتح باب شقته و يتسرب لإذنه صوت "أم كلثوم" تغرد بأغنية (إنت عمري) و تلتقط أنفه رائحة طعام يتم طهوه، أغلق الباب و ترنح بتعب حتى الأريكة فألقي بجسده عليها، أخرج من جيب قميصه الكحلي علبة سجاثره البيضاء و أشعل إحداها و سحب نفساً عميقاً منها ثم أغمض عينيه و أمال رأسه للخلف بإرهاق و هو ينفخ دخاناً رمادياً سَمِعَ على أثره سعال أنثوي.. فتح عينه و نظر لصاحبة الصوت فوجدها تقف ممسكة بمغرفة كبيرة و على صدرها (مريلة) لتحمي ملابسها البيئية من كل ما يمكن أن يلطخها أثناء وجودها بالمطبخ، علت ضحكاته من منظرها لتتنظر لنفسها و تقول بلوم:

- دة بدل ما تخش تطمني عليك على طول، بقالك 3 أيام بايت في المستشفى ولا الله أعلم كنت فين و سايبني هنا مع العيال لما طلعا عيني..

وبرزت من عيونها دمعتين حاولت وندهم لينهض و يقبل رأسها متفرزاً من رائحة الزيت التي تفوح منها و يقول:

- معلش يا حبيبتي ما إنتي عارفة الشغل.. و بعدين في مريضة دبحت ممرض قدامي كان لازم أستنى لما الإجراءات تخلص..

ظهر الهلع و الخوف النابع من حب حقيقي على وجهها و جزبت رأسه لأحضانها و هي تقول بحنان :

- نهار أسوح الأكل!

(6)

ما زالت تُحدث ضوضاء بنهيقها مع حماتها في الهاتف لليوم الثالث، دخلت غرفة الفنران - المطبخ - الذي يَعدون به وجبات المرضى المقرزة، مدت إحداهن يدها بحاملة طعام أشبه بتلك الذي يستلم فيها المساجين طعامهم لترفعها و تغادر و هي تصيح في حماتها بشئ ما، إتجهت لغرف العزل و وضعت ما يحمل الطعام على مزلاج و دفعته للداخل، "نور" تلتفتت إليه ثم تنهض و تتجه إليه.. مدت يدها و سحبتة ثم توقفت و رمقته محاولة أن تتبين ما به.. قطعة من صدر دجاجة نُتف ريشها بإهمال و ألقت في مياه تغلي في إناء قذر.. ملحقة من الرز الأبيض - الذي من المفترض أن يكون أبيضاً - به بعض الشوائب الداكنة.. ملحقتي حساء داكن لا تعرف ماهيته و نصف خيارة مُقطعة على نصف حبة طماطم لم يُغسلوا جيداً - أو مطلقاً - وضعت "نور" يدها على فمها و هرعت لفراشها بعد ان اصابها التقرز.. ظلت ساكنة في فراشها الأبيض بوضع الجنين حتى تسلل إلى اذنها صوت "ريهام" - الممرضة الثرثرة ذات الهاتف - تصيح في شخص ما قائلة:

- و الله لما قالوا إنك روحت يا دكتور مصدقتيش، إفتكرناك معندكش حنة تشيبات فيها.

و أطلقت ضحكة منفرة زادت من غليان الدم في عروق "نور" فهي تكرهها و تكره ثرثرتها و لهجتها السوقية التي تنطق حرف التاء _ (تشْيْ—) و تكره إنعدام ذوقها في التحدث إلى (حماتشيها) و الآن طريقة كلامها مع "يوسف" ، تمنّت في هذه اللحظة أن تصيبها حالة الإضطراب فتقتلها دون أن تعاقب، لكن الأدوية تؤدي دورها على أكمل وجه..

سمعت باب العزل ينفّث فالتفتت لتجده أمامها، فارع الطول يرتدي حُلة كحلية زادته وسامة، بدون مقدمات إقتحم عطره خياشمها مما زادها سعادة و إطمئنان، ثم هذه الابتسامة الساحرة و هذا الصوت الحنون الذي يقول:

- عاملة إيه دلوقتي؟

- جعانة.

فلتت منه ضحكة حاول السيطرة عليها لكنها لم تطعه فقال:

- هي ريهام مجابلكيش الأكل!

نفخت "نور" في ضيق لترتسم علامات التعجب على وجهه و يجلس على طرف الفراش قائلاً:

- إيه بس في إيه؟ أحكيلى...

في حنق و ضيق قالت:

- بصراحة أنا مخنوقة من زفتة دي و مش طايقاها.

- ليه بس عملت إيه؟

حكّت له كل ما يعتمل في صدرها بسبب (مكنة الكلام) التي تسمى "ريهام الممرضة" فأنفجر ضاحكاً و قال:

- طب يا ستي متقلقيش، أنا هغير المتابعة بتاعتك خالص..

- في حاجة كمان...

- خير.

قالت مترددة:

- إرجع ركبلي المحاليل...

- نعم! دة ليه كدة...

- مهو أنا مش هحط الأكل اللي بيحبوه دة في بوقي.. و إنت عايزني كويسة عشان تستجوبني.. فحطلي المحاليل.

إبتسم برقة قائلاً:

- أنا مش هستجوبك.. و مش محتاج أتكلم معاكي عشان أعمل التقرير.. و لما تيجي تطلبي مني حاجة أطلبها بطريقة مباشرة مش لازم تقولي ركبلي محاليل و الجو دة..

- أنا مقصده كد...

- ششش، هغيرلك الأكل وهخليهم يجيبولك أكل نضيف.. و لما تيجي تطلب حاجة بعد كدة أطلبها مني بقلب جامد..

طأطأت رأسها و إحمرت وجنتيها و نظرت له نظرة برئية و قالت:

- حاضر.

- جاهزة نتكلم شوية!

قالت بفرح:

- أها

ساعدتها على النهوض و غادرا سوياً غرفة العزل متجهين لمكتب "يوسف"، ظلت تفكر و هي تمشي بجانبه.. لماذا تتدلل عليه هكذا! لماذا تشعر معه بكل هذه السعادة رغم أنها لا تعرفه ولا تعرف عنه شيئاً؟ و كانت رأسه مشغولة في أمر شبيه.. لماذا يتركها تتدلل عليه؟ لماذا يهتم لأمرها كثيراً؟ و لماذا كتب تقريره أنها عاقلة لكنها لا تتحمل مسئوليتها الجنائية؟ رغم أنه لم يتحدث إليها أصلاً! لكن هيهات.. ها هو سيتحدث إليها ليعلم إجابات لكل هذه الأسئلة، رغم أنه يعلم مسبقاً، فهو...

ظلت تسأل نفسها لماذا؟ لماذا إنتقلت من التجمع! لماذا منذ إنتقالها و كل شئ ينهار! لماذا تم إحتجاز أختها و بعدها عنها! لماذا إنتحر "بلال"! لماذا أحبها "بلال"! لماذا عاد "خالد"! لماذا خانها "خالد"! لماذا يموت كل من يحبها! لماذا مات "خالد"!...

جلست بجانب الرصيف و دفنت وجهها بين كفيها و إنهارت بالبكاء، ظلت تبكي و تنتحب حتى جفت دموعها و غزت البرودة عظامها و ارتعش جسدها و ضاق صدرها بأجراس السيارات التي تُطلق كلما مرت بجانبها و تعليقات السخفاء التي يصيحون بها فنهضت لتكمل تخبطها حتى تصل إلى منزلها أو تفقد وعيها أو تموت في طريقها... ظلت تتخبط و تترنح و تهذي و تبكي و تصرخ و تسكت و تنن حتى عبرت باب المنزل فأصتدمت بشاب فارغ ذو جسد رياضي و سقطت أرضاً، إنحنى الشاب و مد يده لها فلم تمد يدها، جلس القرفصاء بجانبها و سألها من هي و ماذا أحاط بها فأخبرته أنها تسكن في هذه العمارة، سألها عن شقتها فأجابته.. حملها و دخل بها المصعد و ظل ناظراً لوجهها و على وجهه علامات التعاطف، ظلت تهذي بكلمات غير مفهومة بين الوعي و غيابه حتى وصل المصعد للدور الذي تقبع شقتها به.. تحرك بها إلى الشقة و سألها عن المفتاح فقالت شيئاً لم يتبينه، تأسف منها قبل أن يفتش جيوبها و يخرج المفتاح.. دفع الباب بيد و بالأخرى كان يسندها و هي شبه مرتمية على كتفه، دخل معها فشاهد كم الحطام الذي أحاط بمحتويات الشقة، حملها و تحرك بها إلى كل الغرف ليجد أن الحطام قد طال كل شئ.. فتح باب حجرة "نور" ليجدها مرتبة تماماً كأنها ليست جزء من علبة القمامة تلك، وضعها في الفراش و جلس بجانبها، عدل من ملابسها و نظر لوجهها، ظل حائراً ما يفعله فتركها بمفردها يشكل خطر عليها و الشقة دليل قاطع فلا يوجد سارق أو شخص يريد أن يلحق بها الأذى يترك غرفة كهذه مرتبة لهذه الدرجة، هل يمكث معها حتى تستعيد وعيها؟ ربما تشك أنه قام بشئ ما سئ و تصرخ، ماذا يفعل إذاً مع هذه المسكينة؟ رمقها بنظرة طويلة و لمعت في

راسه فكرة لكن سرعان ما تخلص منها و نهض مسرعاً، عدل من ملابسه إثر حمله لـ"رنا" و أقنع نفسه أنه بذل ما بوسعه و هم أن يغادر لكن قبل أن يلتفت شعر بشئ ما صلب ضربه على رأسه من الخلف.. حاول أن يلتفت لكن جسده لم يسعفه.. سقط على ركبتيه و هو ينظر لـ"رنا" النائمة لا تشعر بشئ، حاول أن ينهض.. أن يماسك.. لكن عينه أصرت أن توءد النور عن بصره فسقط فاقداً لوعيه.. أو أسوأ...

تسرب لأذنها أصوات سيارات الشرطة، وضعت يديها على رأسها محاولة الحد من هذا الصداع المؤلم، شاهدت آلاف الكوابيس أثناء نومها مما جعلها تحمد الله على إستيقاظها و إكتشافها أنهم مجرد أضغاث أحلام، فتحت عينيها للحظات كانت كافية لمهاجمة الضوء لها فأغلقتهم بشدة و هي تفر في حلق، لمعت في رأسها أختها "نور" ترى كيف حالها الآن؟ هل سوف تخرج فعلاً كما قال "محروس" أم سينشغل "محروس" عنها بسبب وفاة "خالد"؟ خالد! هل توفي "خالد"؟ نعم لقد وصلها هذا الخبر.. لكن ممن! نعم نعم إنها تلك السكرتيرة التي تعمل بمكتب "محروس" أياً كان إسمها.. "محروس"! إذا لم يكمل "محروس" الإجراءات لإخراج "نور" فمن سيفعل إذاً! حسناً ستفعل هي تلك المهمة مهما كلفتها.. هلا يحل هذا الصداع عن رأسها للحظات! هي قادرة على مساعدة "نور".. فلنعتد تؤمتها عليها إذاً.. و لكن لماذا مات "خالد".. هل لأنها تركته و رحلت! أليس لها الحق أن تغضب لعلمها بخيانتها لها! أم لاكتشاف الفتاة الأخرى أياً كان إسمها لخيانتها معها! هل حقاً قام بخيانة "سلمى معها" "سلمى"! نعم نعم هذا إسم المغفلة الأخرى.. إذا لماذا مات "خالد"! هل إنتحر كـ"بلال"! بالطبع لا "تقي" لم تخبرها شيئاً عن (إنتحر) فقط قالت أنه توفي و إنهارت في البكاء.. "تقي" نعم نعم هذا إسمها.. ترى لماذا إنهارت في البكاء؟ هل هي مغفلة أخرى كانت ضحية لـ"خالد"؟ لا لا تظني هذا فإذا كان مخادعاً يخدع الفتيات لما إنتحر.. من قال أنه لم ينتحر؟ اوووف يجب أن تتوقفي عن التفكير و إلا انفجرت رأسك.. حسناً إفتحي عينيك ببطء كي تعتاد الضوء.. هكذا.. أووه ترى من هذا؟ قد رأيته من قبل فتذكرى.. لماذا يجلس محدقاً بك هكذا؟ و لماذا نظرته حادة جداً؟ يجب أن تنهضي و تصفيعه لإقتحامه غرفة نومك.. لكن هذه ليست غرفة نومك.. إنها غرفة نوم "نور".. "نور"! ترا كيف حالها الآن؟

سمعت صوتاً غليظاً يصيح بها بغضب قائلاً:

- مش هنخلص بقى ولا إيه!

إنتهت و نظرت له تتبين ملامحه و تحاول تذكر أين رآته من قبل و فور تذكرها إتسعت عيناها و إنتفضت في مكانها لينهض واقفاً و يقول لها بصرامة:

- أحمد عبد الحي.. رئيس نيابة.

ثَبَّتْ هاتفه جيداً على المكتب بعد أن فتح الكاميرا الأمامية ليتمكن من مشاهدة تعابير وجهه فهذا المبنى منعدم المرايات، ظل يحملق في وجهه الحليق.. و شعره المهندم، و عينيهِ الواسعتين، حتى وجد نفسه يفكر بها.. تلك الفتاة التي قذف بها القدر له، تلك الفتاة ذات الحضور الكبير حتى و هي تغفو في سباتها، تلك الفتاة التي أسرته و أسرته و أثرت به، مجرد فتاة مصابة بإضطراب ثنائي القطب، متهمة بجريمة قتل لم ترتكبها.. يا لعجب القدر، ولماذا أصر رئيس النيابة ذلك على إنتقالها هنا؟ أم تراها تكذب! لا، بالطبع لا تكذب.. لم

يُتَبَقَّى سِوَى ثَلَاثَةِ أَيَّامٍ وَتَرْحَلُ.. عَلَيْهِ الْوَصُولُ لَهَا بَعْدَ ذَلِكَ بِأَيِّ شَكْلِ.. حَسَبَ تَقْرِيرِهِ سَتَعُودُ لِمَنْزِلِهَا تَحْتَ الْوَصَايَةِ، يَجِبُ أَنْ يَتَوَاصَلَ مَعَهَا.. مِنْ حَسَنِ الْحِظِّ أَنْ مَعَهُ حَسَابُهَا عَلَى مَوْقِعِ التَّوَاصُلِ الْإِجْتِمَاعِيِّ.. يَرِيدُ أَنْ يَحْدُدَ شَعُورَهُ الْحَقِيقِيَّ بِهَا، كُلُّ شَيْءٍ يُوَكِّدُ لَهُ مَا يَرْفُضُ عَقْلُهُ الْإِعْتِرَافَ بِهِ، لَيْسَ مِنَ الْمُنْطَقِيِّ حَدُوثُ هَذَا! هُوَ لَمْ يَحْدِثْهَا سِوَى فِي ثَلَاثِ جُلُوسَاتٍ، تَحْدِثُوا عَنْ كُلِّ شَيْءٍ عِدا الْقَضِيَّةِ، تَرُويْ لَهُ عَنْ حَيَاتِهَا وَ أَصْدِقَائِهَا وَ تَوَاضُعِهَا وَ هَذَا الْمَحَامِي الَّذِي تَوَلَّى رِعَايَتَهُنَّ بِطَرِيقَةٍ مَا، لَمْ تَحْكِي لَهُ عَنْ حَبِيبٍ سَرِيِّ أَوْ مَا شَابَهُ.. رُبَمَا لَا تَمْلِكُ إِذَا.. هَلْ إِعْتَرَفَ لِلتَّوْ! لَا لَا بِالتَّأَكِيدِ هُوَ مَجْرَدُ تَفْكِيرٍ أَحْمَقٍ، رُبَمَا يَلْمَحُ لَهَا فِي جُلُوسَةِ الْيَوْمِ عَنْ حَبِيبٍ سَرِيِّ أَوْ حَبِيبٍ سَابِقٍ.. سَمِعَ طَرَفَاتٍ عَلَى الْبَابِ فَأَذِنَ لِلطَّارِقِ بِالْدُخُولِ فَإِذْ بِهِ مَنْدُوبٌ مِنْ رِئَاسَةِ نِيَابَةِ 6 أَكْتُوبَرٍ، رَحِبَ بِهِ وَ سَمَحَ لَهُ بِالْجُلُوسِ فَقَالَ الْمَنْدُوبُ:

- دة إذن بعودة نور هشام مغاوري للنياية النهاردة.
- بس يا فندم لسة 3 أيام على معاد إصدار التقرير.
- لا لا ملوش لازمة، في أدلة جديدة بتبرأها و هيثم إطلاق سراحها النهاردة من النياية.

هناك شئ ما خاطئ.. شيئاً بداخلها ليس على ما يرام.. لا تشعر بالراحة مطلقاً.. هل فقدت جزء من روحها؟ إنتبهت على نداء من رئيس النياية قائلاً:

- أستاذة رنا لو سمحتي ركزي معايا..
- لترد وهي شاردة و زائغة العينين:
- مع حضرتك يا فندم...
- ما هذا؟ كيف وصلت لغرفتها؟ لماذا إقتحمت الشرطة غرفتها؟ و لماذا تستيقظ على وجه هذا الغليظ الذي يتحدث بشئ ما لا تسمعه؟ لماذا هو غاضب و عصبي جداً و يصيح في وجهها؟ رفع يديه و هبط بكفيه على المكتب بغضب صائحاً:

- لا بقى، لو سمحتي يا رنا تركزي معايا و الا هقول إنك إمتنعتي عن الرد، دة مش أسلوب دة..
- إعتذرت منه ببعض الكلمات ثم قالت بعدم إنتباه:

- أنا مش فاكرة!

سألها بتعجب:

- مش فاكرة؟

قالت بتشتت:

- مش فاكرة!

فقال لها مفسراً:

- طارق صبيح مسعد جارك اللي في الدور التامن..!

تعمد السكوت في هذا الجزء ليرى رد فعلها فلم يبد أنها سمعته من الأساس فقال:

- أستاذة رنا إنتي سمعاني؟

- ماله طارق؟

إنشرح وجهه قائلاً:

- إنتي تعرفيه!

- لا.

ظهرت خيبة الأمل على وجهه قائلاً:

- أومال ماله طارق دي قولتيها ليه؟ دي لو دلت على حاجة تدل إنكوا عالأقل صحاب!

قالت بذات الشرود:

- إحنا مش صحاب..

إبتسم قائلاً:

- كويس أوي.. أمال إيه؟

ردت بذات العينين الزائعتين و نظرتها الخاوية قائلة:

- مين طارق؟

زفر "أحمد" بغضب قائلاً:

- إيه؟ كنت بكلم أمي كل دة! هفضل نستهل كثير؟

إلتفتت إليه و إبتسمت بسملة صافية وقالت:

- أنا مش بستهل، أنا بقول الحقيقة.

قفز واقفاً وهو يلقي أمامها على المكتب صوراً ضوئية مطبوعة قائلاً:

- و الصور دي إيه؟

دون أن تمد "رنا" يدها نظرت للصورة العلوية لتجد نفسها في المصعد على ذراعي شخص ما مفتول العضلات لا تعرفه، و قد أمالت رأسها على كتفه و أحاطت عنقه بزراعيها لتتظر إلى "أحمد" قائلة:

- دي مش أنا...

- مش إنتي إزاي؟ دة حتى لابسة نفس اللبس..

نظرت لملابسها ثم للصورة و قالت:

- دي مش أنا.. اللي في الصور دي نور... أختي التوأم.

زفر بضيق و قال:

- أختك نور في 8 غرب بقالها 12 يوم، و راجعة النهاردة.. تقدي تقوليلي إزاي كانت موجودة في مكانين في نفس الوقت؟ و إزاي لابسة نفس اللي إنتي لابساه دلوقتي؟ و إزاي في أثار بصمات لطارق في شقتك؟ و في أثار مشاجرة.. و إزاي طارق مقتول بضربة على دماغه زي الضحية الأولى؟ و إزاي طارق بعد ميعاد وجوده معاكي في الأسانسير حسب وقت تصوير الكاميرات يموت بعدها بتلت ساعة تقريباً؟ عندك تفسير لكل دة غير إنك..

- قتلته.

- بالظبط، أعتبر دة إقرار!

- مش أنا..

- مش إنتي إيه؟

- اللي قتلته...

زفر في حلق قائلاً:

- مش إنتي قولتي دلوقتي قولتي أنك..

نظرت له مقاطعة:

- أنا عارفة مين قتل طارق...

تنبعت حواسه و إتسعت حدقتيه و إندفع الأدرنالين في عروقه فقالت:

- نور... توأمتي المجنونة.

أغمض عينيه و ضغط على أسنانه في محاولة لكتم غضبه لتكمل:

- نور أختي المجنونة هي اللي قتلته، هي اللي باسته، و قتلته و شالته لحد شقته و م..

ضرب بيده على المكتب عدة ضربات غاضبة و هتك أسنانه ضغطاً عليها و قذف بأحد الأقلام للحائط لتتفرق أشلائه البلاستيكية ، زفر بقوة و نظر لكاتب المحضر قائلاً:

- تحول لقسم الأمراض النفسية و العصبية...

أغمض عينيه و عاد برأسه للخلف و هو ينفث دخان سيجارته محاولاً وأد هجمات أفكاره المتوالية التي تفتك به، و ظل يتردد في رأسه سؤالاً حاول التخلص منه بشتى الطرق لكن بلا أي جدوى... ماذا بعد؟ ماذا بعد أن رحلت "نور" بعد أن نجحت في سرقة عقله و ذهنه و بالتأكيد راحة باله؟ ماذا بعد؟ لا ينكر أنه من المستحيل تقع فتاة كـ "نور" في حب شخصاً بظروفه، ماذا لو علمت ما يخفيه؟ ماذا سيحدث إذا ذهب إليها و اعترف لها بكل شيء؟ لا.. بالطبع لا فمن المستحيل أن تقبل أي أنثى هذا الوضع، ربما وقوفه بجانبها وقتما رفضها الجميع و أتهمها حتى أقرب من لها بالجنون هو ما جعل ما حدث قد حدث، و بمجرد ظهور آخر له ظروف سوية و يعاملها بلطف ستقع في حبه على الفور، إذاً ماذا بعد؟ هل يتقرب منها و يحاول فعل كل ما يقدر عليه لتقع في حبه هو! لا لن يستغل كونها وحيدة و تحتاجه لن يكون بهذه القسوة معها، ماذا بعد؟ إنلنقط هاتفه و نقر عدة نقرات ليستدعي إحدى صور "نور" التي قام بسرقتها من على حسابها الشخصي على موقع التواصل الاجتماعي، تقف بمرح واضعة إحدى يديها على خصرها وتميل رأسها بمرح و شعرها الناعم منسدل على كتفها، تشرق شمس إبتسامتها على ثغرها تكشف عن أسنان لؤلؤية متراسة ناصعة البياض، بيدها الأخرى تمسك بهاتف فخم جداً من أحدث إصدارات شركة ما يحمل على ظهره تفاحة فضية اللون، قرب "يوسف" الصورة على رمز التفاحة ليجد انعكاس واضح لتؤامتها، بالتأكيد هي تؤامتها فالأثنتان ذات القامة و ذات لون الشعر و ذات الملابس و الوجهه مشوش إثر التشويش الناتج عن التقريب و بالتأكيد السطح الفضي للشعار ليس من زجاج مرآة! سمع طرقات على الباب و دلف أحد الممرضين يخبره بوصول الحالات الجديدة المحولة من النيابة، دفن سيجارته بمنفضة السجائر و نفث آخر دخانها ونهض متثاقلاً بعد أن إنلنقط من الممرض ملفات الحالات الواردة و أخذ يقلب فيها و هو يتثائب بكسل، فتح الملف الثالث ليدب النشاط بجسده و تتحفز خلاياه و تنفجر غدته بالأدرنالين مما أدى لإتساع حدقتيه و جذب إنتباهه و هو يقرأ إسم الحالة الجديدة "رنا هشام مغاوري عبد الحليم" هرع راكضاً للعنبر ليتأكد مما قفز في رأسه و في طريقه أسقط ملفات و أكواب و محاقن من يدي الممرضين إثر إصتدامه بهم ثم صياحه فيهم، وصل للعنبر و ضغط أسنانه و لملم قدمه إنتظار حتى يفتح العسكري باب العنبر، إنفتح المزلاج فقفز للدخل ماسحاً بعينه أسرة العنبر متحاشياً النظر للسجناء و المرضى الذين تنبتهت حواسهم و راقبته أعينهم حتى وجدها، نائمة في سريرها بوضع الجنين متدثرة بملائة كانت بيضاء وقت ما، هادمة كجثة، إقترب منها قليلاً ليجد عينيها مفتوحتان شاخصتان لا تنتبهان لأي أحداث خارجية، إعترض جسده بصرها فلم تتحرك عينيها و كأنها في عالم مختلف، جلس القرفصاء حتى واجه وجهه وجهها فأبتسم لتدبره الشبه الواضح بينها و بين تؤامتها، تكلم معها و ناداها بدون أدنى إشارة منها تدل على أنها مازالت حية، يأس منها و خرج من العنبر و هو يأمر الممرضين بنقلها للعزل و تبديل نوع طعامها و صاح بأسماء بعض الأدوية و مواعيدها لمرضة نحيفة كانت تمصمص شفيتها منه منذ أقل من ثانية، هرع الكل بتنفيذ أوامر "يوسف" أما هو فصفع باب مكتبه و ألقي بجسده على المقعد ممسكاً برأسه، فتح عينه و حرك يده بإتجاه علبة سجائره، أشعل لفافته و هو ينادى على الساعي بحروف تطاير معها الدخان من فمه، أخبره بأمر شايه الثقيل و أشعل لفافة تبغ أخرى و أمسك بالملف يقرأ و آلاف الاحتمالات تقفز بعقله و آلاف الظنون تلعب برأسه و آلاف المشاعر تهتك قلبه، وضع الساعي أكوابه على المكتب و إنصرف صامتاً لمنظر دكتور "يوسف" الذي صب إهتمامه على الأوراق و لم يرفع ناظره للساعي مطلقاً، ألقي "يوسف" بالملف و زفر محاولاً طرد الغصة التي يشعر بها ليشعل سيجارته الثالثة في الموقف و الثامنة هذا اليوم ثم يمسك بالكوب غير عابئ ليديه الثان صرختا ألماً من

سخونة زجاج الكوب، رشف عدة رشفات صغيرة و نهض ليتمشى في المكتب و هو يتحدث بصوت عال... هرج، مرج، أصوات صراخ و أقداماً تركض ثم ممرض يقتحم المكتب صائحاً:

- إلحق المريضة الجديدة يا دكتور.

دفعت الباب ليعثره شي ما، دفعته ببطء و دلفت للشقة لتجد الكارثة، التفسير الوحيد المنطقي بالنسبة لها هو أن إعصاراً ضرب المكان، بذهول تنقلت بين الحطام و هي ترمق كل ما حدث، تذكرت فهرعت لغرفتها، وجدتھا على حالھا فتنفست الصعداء و أسرعت تنقل مقعدها امام ضلفة الدولا، قفزت إليه و مدت يدها تبحث و تبحث و تبحث حتى تحسست شي ما، إبتسمت و سحبت الزجاجاة ببطء و وثبت بها إلى فراشها و ألقت بجسدها عليه قبلت الزجاجاة و إبتسمت و هي ترمقها فتحت غطاءها، شمت رائحتها الكريهة و تشنح وجهها على ذلك لكنها كانت سعيدة، وضعت فم الزجاجاة على شفتيها و أغمضت عينيها و رفعت الزجاجاة في الهواء لينسكب ما بها من حمم داخل مريئها مباشرة، أبعدت الزجاجاة عنها و تشنحت ملامحها و تقززت و كادت أن تعيبد ما إبتلعتة مع ما تحمله معدتها لكنها تماسكت بصعوبة، ثوان و تسرب الخدر لعقلها، صممت الأشياء الصامتة من حولها، و الأهم من ذلك صممت رأسها، تنفست، تنهدت، أغمضت عينيها و الخدر يزداد إحكاما بعقلها، أرخت أعصابها و إبتسمت في إستمتاع و فردت جسدها على فراشها مستمتعة بملمسه، فتحت عينيها و مازالت محتفظة بإبتسامتها ثم أغمضت و ذهبت في سبات عميق.. جداً...

صداع يشطر رأسها، كريهاً مذاق فمها، هبوط خفيف في دورتها الدموية، و الأصعب هو ذلك التمزق ببطنها، فتحت عينيها فشعرت بحرقة أشبه بأحد يطمس لهيب سيجارته بهما، إرتعشت عينيها، اللعنة على صداع الكحول، ظلت في فراشها ساكنة لمدة تعلم انها طويلة لكن لا تعلمها، تحاملت على ألمها و نهضت، إستلت شماعة ملابس من خزانة ملابسها و إتجهت للإستحمام بماء بارد، وقفت أمام المرأة المكسورة و شعرها يقطر ماءً مما زاد شكلها جمالاً و سحراً بشرتها ناصعة البياض و عينيها الواسعتين و مقلتيها الورديتين جعلوا منها حورية من الجنة، مشطت شعرها و وضعت بعض المساحيق و تعطرت و تجرعت قليلاً من الكحول مما يسمح لها أن تحتفظ بوعيها و في ذات الوقت يخدر جزء ما بعقلها لا تريد تنشيطه أبداً، تقافزت بين الحطام غادرت بعد أن أحكمت إغلاق الباب، خرجت من بوابة المنزل و توقفت عند أحد ماكينات الصرف الآلي تسحب مبلغاً كبيراً و همت بالمغادرة، سمعت بوق سيارة خلفها فإبتعدت عن الطريق لتسمح للسائق بالعبور، تمشت السيارة ببطء بجانبها و أخرج السائق رأسه من النافذة قائلاً:

- نور...

إلتفتت "نور" للسائق ليشرأب وجهها قائلة:

- تصدق بالله كنت لسة جايالكوا...

لفت حول السيارة السوداء ففتحت الباب الأمامي و دلفت للداخل قائلة:

- إنتوا فيكوا حاجة لله على فكرة.

- على فكرة أحسن من على سهوة.

- أفندم!

فضحك ضحكة عالية قائلاً:

- لا دي ألسة كانت بيني و بين رنا، تحبي تروحي مكان الأول؟
- لا على المكتب على طول.. إنت أصلاً كنت بتعمل إيه هنا يا خالد...!

(7)

ركل باب العزل بغضب و هو يركض للداخل، الكثير من التمرريض من بالعزل منهم من حولها و منهم من تلتصق ظهرها بالحائط و هي ترتل بعض آيات القرآن بسرعة 500 كلمة في الثانية و منهم من تصلب على جسدها خوفاً فصرخ فيهم قائلاً:

- إطلعوا برة كلكوا معادا ياسمين..

إنسحب الكل بخوف خارج العزل ليراها، ترتجف كملموسة، يهتز جسدها كله في عنف، عينيها ترتعشان، سائل أبيض تسرب من جانب فمها و يخرج منها صوت غليظ يئن بصوت مرعب قال للممرضة:

- إديها تجريتول 200 و وقفي النوبة بسرعة و أنا هبعت حد يجيب أي حاجة مسكرة عشان الهبوط.

لم يجد رداً فألتفت ليجدها ترتجف خوفاً و قد ألصقت ظهرها بالباب فصرخ فيها:

- إيه يا هانم مش عارفة نوبة الصرع!!!

- يا دكتور بس..

قال مقاطعاً:

- نوبة صرع و غيبوبة سكر إيه.. إنتي دارسة تمرريض ولا جاية مع حد!!

- و الله يا دكتور أنا...

صاح فيها بغضب:

- إخلصي.

هرعت الممرضة للخارج فأمسك "خالد" بيد "رنا" و بيده الأخرى عدل من وضع رأسها و أخذ يضرب ضربات خفيفة على جبهتها حتى عادت ياسمين راكضة و بيدها ما أمرها به و الكثير من حلوى الأطفال و العصائر، فض "يوسف" حبة الدواء من الشريط و فتح فمها عنوة و دس به الدواء ثم فض علبة عصير بماصة و ووضعتها في فمها و ضغط برفق حتى يتسرب السائل إلى بلعومها، أمسك رقبتها بكلتا يديه واضعاً أصابعه خلف رأسها حتى سكنت، ظل ممسكاً بها حتى سمع أنينها فأراح رقبتها على الفراش، أمر "ياسمين" بغير بعض الأدوية و بقياس دوري لمستوى السكر في الدم و تركها معها في الغرفة تبذل المحاليل و غادر إلى مكتبه، دلف للمكتب بعد أن أحكم إغلاق الباب و ألقى بجسده على المقعد رافعاً قدميه على المكتب بعد أن أمسك بهاتفه، فتح موقع التواصل الاجتماعي و دخل حساب "نور" رمق صورتها و حمله بها متحاشياً تصادم بصره مع مفاتيحها ثم أرسل لها طلب صداقة و فتح صندوق الرسائل بينهما حاول كتابة كل ما يحمله قلبه لها لكن عجزت أصابعه عن الكتابة، وجد نفسه يخبرها أن "رنا" في غرب و أنه المسئول عن حالتها إذا أرادت الإظمتنان... ألقى هاتفه برفق على المكتب و أمال رأسه للخلف و أغمض عينييه محاولاً السقوط في النوم قبل أن يسقطه قَلْبُهُ.

- لأ مش فاهمة يعني "رنا" متهمة بجريمتين قتل؟!

قالتها "نور" لـ "محروس" الذي طأطأ رأسه فرد قائلاً:

- للأسف يا نور القضية الثانية مقفولة و الأدلة كلها ضدها.

- و العمل؟

قال خالد:

- يا نعرف مين اللي عمل كدة يا لازم تطلع مجنونة.

نظرت له "نور" بغضب شديد فأنتنفص "خالد" و "محروس" من مكانهما محاولين تهدئتها، تقطعت أنفاسها و توترت أطرافها و جرت الدماء بعروقها و إندفعت أطنان الأدرنالين في مجرى دمها فدفعت محروس ليسقط أرضاً و إندفعت بإتجاه خالد تلكمه في وجهه عدة لكمات نجح في صد القليل منها حتى أدمت وجهه و انفجرت الدماء من أنفه قبل أن يقيد حركتها جميع العاملين بالمكتب و يسحبوها و هي تصرخ و تتلوى بين أيديهم، أمرهم محروس أن ينزلوها إلى سيارته و سيلحق بهم بعد الإطمئنان على خالد..

دفعوها بداخل السيارة و أحكموا إغلاق الباب، ظلت تضرب بيدها على الزجاج حتى هدئت ، و ما إن هدأت.. بكت..

فتح "محروس" الباب و دلف إلى مقعد السائق و أدار المحرك.. ظل ماشياً على ضفاف أحد فروع النيل حتى طلبت منه "نور" أن يتوقف فصرخت إطارات السيارة على الأسفلت فتحت الباب و خرجت بهدوء و تمشت بجانب الطريق وسط ذهول "محروس" الذي ما إن إستوعب ما يدور برأسها حتى قفز من السيارة و ركض بإجهد المسنين حتى وصل لها و أمسكها من ذراعها فتوقفت دون أن تلتفت، طلب منها أن تعود معه فحاولت إكمال طريقها لولا يده التي إعتصرت ذراعها فقال:

- متحمليش نفسك نتيجة حاجة ملكيش دعوة بيه.

لم تلتفت و لم ترد كأنها لم تسمعه فقال:

- كل دة مش ذنبك، الدنيا هي اللي بنت كلب ومصرة تحملك أكثر من طاقتك...

أصابه الشك في أنها لم تسمعه فقال:

- أنا هطلع رنا، مش هتتسجن و مش هتتجز في مستشفى..

...

- وعد.

...

- على فكرة إنتي ملكيش ذنب، ابن الكلب هو اللي إستفزك، أنا لما أشوفه في البيت هعرف أتصرف معاه.

هنا إلتفتت و بين دمعها الصامته قالت:

- دة إبنك، أنا كنت هموت إبنك!

إبتسم "محروس" بحنان قائلاً:

- و إنتي بنتي يا نور، و رنا بنتي و أنا مش هسيبكوا يحصلكوا حاجة.

قالت بغضب حقيقي:

- لحد إمتي؟ هتفضلوا مستحلمي لحد إمتي؟ أنا بتعصب بسرعة و بقلب الدنيا و و دايماً مخنوقة و دايماً زعلانة و دايماً مخنوقة و مزاجي وحش و دايماً بتعب و تعب كل اللي حواليا، حملي ثقيل أوي عالكل حتى أختي اللي هي أختي شوف وصلت لفين بسببي، تعالى نتكلم بصراحة يا أونكل، أنا مصدر ضرر لكل اللي بيحبوني.

- بس إنتي مش حمل، إنتي مسئولة مننا.. مسئولية بإختيارنا عشان بنحبك، عمر ما حد فينا شافك حمل علينا، بالعكس إحنا بنعمل كل اللي نقدر و منقدرش عليه عشان متكونيش حمل على نفسك و منكونش إحنا بنزود الحمل عليكي.. إفهمي.

- شوف أختي و إبنك و الله أعلم اللي مات دة بسببي ولا لا و حتى غنت حصل فضيحة في مكتبك ة كمان سيبت شغلك و وقارك و نازل تجري ورايا بليل في الشارع.

إبتسم حين جاء المعنى الذي لا تقصده "نور" بكل تأكيد فكلما يحمل معنيين برغم أنها لا تقصد المعنى الآخر مطلقاً، لكنه إبتسم بثقة وحنان و رفع حاجبه الأيسر و هو يقول:

- تاكلي لب!

دفع باب العزل فالتقطت أنفه رائحة يعرفها جيداً، يبدو أن حتى المعدة الفارغة لن تحول المرء من إفراغ شيئاً كريها من بلعومه، دخل ليجد ياسمين تمسك بقطعة قماش بالية ملللة و تمسح الأرض بإنهماك، و رآها، يبدو أن وجود تؤام في بطن واحدة يمنع الراحة لدرجة أن التؤام يظل حياته بأكملها ينام كالجنيين، أو ربما مريحة ومطمئنة لدرجة إستدعائها عند غياب الآخر، أيقظها ففتحت عينيها منتبهة، هي لم تكن نائمة إذأ، طلب منها أن تعتدل لأنه يرغب في الحديث معها لتقول:

- بس يلا.

تتنح و هو ينظر لياسمين التي نظرت له على إستحياء و سرعان ما بددت نظرها فأعاد بصره إلى "رنا" التي أغلقت عينيها فتتنحمره أخرى و قال:

- أستاذة رنا أنا دكتور يوسف أخصائي نفسية و عقلية ولازم أتكلم معاكي عشان التقرير، ممكن نعمل دة.

فتحت إحدى عينيها و من ثم اغلقتها و تقلبت في فراشها قائلة:

- روح شاطر هناك مع إلع أسد يلا.

إنفجرت ياسمين ضحكاً فألقاها يوسف بنظرة جعلتها تطأطأ رأسها قائلة:

- أسفة يا دكتور.

فقال بغضب:

- إنتي بتضحكي على إيه أصلا دي مصيبة.

كررت إعتذارها فكر سؤاله قائلاً:

- لا فهميني بجد بتضحكي على إيه؟

- أصل يا دكتور.. أصل.. حسيت إنها بتلاعبك رتب.

و إبتسمت ثم إعتذرت ثم هرعت بالخروج قبل أن تنفجر ضحكاً مجدداً لتتركه مع فتاة أبعد ما تكون عن العقل، ظل يفكر قليلاً قبل أن يناديها مرة أخرى لتقول:

- شعيتين مامتك يا عربوص العكر إنت شمسك واطية وقمر ك ساطع.

ضيق عينيه و هز رأسه ثم هب واقفاً و خرج بإنفعال و عندما دلف لمكتبه ركل الباب بالعنف و ظل يدور في الغرفة و يدور ثم إستند بيده على المكتب و بالثانية أخرج لفافة تبغ و دسها بين أسنانه و أمسك بالقداحة و أشعل بها النيران ثم ألقى بها بغضب فسقطت متهشمة، صاح بإسم الساعي و طلب منه شايأ ثقيلأ و فنجان قهوة مطبوط المذاق، أدار الساعي بصره في الغرفة بحثاً عن ضيفه الثاني طالب القهوة لينتفض على صياح "يوسف" فهرع لخارج المكتب.. ضرب "يوسف" بيده على رأسه عدة مرات و هتأ أسنانه من الضغط عليها ثم ضرب الحائط بقدمه عدة مرات و هو يصيح في جزع حتى صرخت قدمه و كاد أن يصرخ الحائط ألماً، إفتح الباب و دخل الساعي ترك ما يحمل على المكتب و هم أن يغادر قبل أن يستوقفه "يوسف" مد يده له بالمال و قال بحزم:

- هاتلي سجاير.

تردد الساعي و هو يمد يده لكنه تناول الورقة ذات أكبر فئة و تمتم:

- ديفادوف أبيض.

و كاد أن يغادر ليقول له "يوسف":

- أحمر.

- أفندم!

- ديفادوف أحمر.

جلست على الفراش الوحيد الذي يصلح للجلوس عليه في هذه الأنقاض، تناولت علبة المحمول الجديد بجانبها، فضت محتويات العلبة فظهر الهاتف البراق، وضعت به شريحة الإتصال و قامت بتشغيله، دقائق مرت عن سياسات الشركة و إدخال البريد الإلكتروني و تنزيل بعض التطبيقات و إستيرات أرقام الهاتف من أحد المواقع المخصصة لذلك و أصبح الهاتف جاهزاً، دق جرس الباب فنهضت و تقافزت على الأنقاض حتى وصلت و فتحت الباب، مد يده عامل التوصيل بوجبة ساخنة و أخبرها ثمنها بإبتسامة بلهاء فإستأذنت منه و تقافزت إلى غرفتها ذهاباً و إياباً، فوجدت خليط من الذعر و الذهول مرتسماً على وجهه فرسمت إبتسامة ساذجة على شفثيها و هي تقول:

- لأ دة إحنا بنجدد.

و ناولته ما طلب و زادت فناولها وجبتها الساخنة و غادر، تقافزت مجدداً حتى وصلت لفراشها، أخرجت محتويات الصندوق الأحمر و أخذت تَأْكُل في إهمال و هي تعبت في هاتفها الجديد..

فغر فاهها و عندما مشيت عينيها على الأحرف في موقع ما لجريدة ما، فقد كتبت بخط عريض "جريمتي قتل بين تَؤامتين" يا لألعاب الصحافة الرخيصة، أخذت تقرأ تفاصيل الخبر فنبتت دمعتان ساخنتان في مقلتيها جاهدت لتبقيهم لكن إحداهن قررت التحرر فقفزت من عيناها سالكة طريقاً سريعاً على وجهها، مسحت دمعتهما و نجحت في تبديد الأخرى، ألقت بالهاتف و نهضت كالملسوعة تبحث في أرجاء الغرفة، تبحث و تنقب و تخمش و تلقي حتى وجددها فارغة، رفعت الزجاجاة فوجدتها نظيفة تماماً، هي متأكدة أنها لم تنتهها، و متأكدة أنها لم تُسكَب، هرعت لهاتفها و قامت بتنزيل إحدى التطبيقات لمتجر إلكتروني للخمر، طلبت الكثير من الكحول حتى أن أحداً قام بالإتصال بها لتأكيد الطلب فأكدت طلبها.. حاولت أن تشغل عقلها بأي شئ حتى حضور كحولها فدفت نفسها أسفل المياة الساخنة و ظلت تهز رأسها بحركة عصبية تلقائية لتطرد ما بها من أفكار حتى سمعت دقات الجرس... لفت نفسها بالمناشف و خرجت باتجاه الباب، و شعرها تنقطر منه المياة، ستفتح من خلف الباب و تأخذ ما يحمله عامل التوصيل ثم تغلق الباب فقد دفعت التكلفة إلكترونياً، فتحت الباب و مدت يدها لكن لا شئ، نادى على العامل و أخبرته أن يناولها ما أتى به فلم تجد إجابة، مدت رأسها عبر الباب لتجده واقف أمامها، لم يشيخ ببصره و لم يعتذر بل ظل محملاً فيها، وقفت بجسدها أمام الباب بمناشفها و قطراتها المتساقطة فقال في تبجح:

- أستاذة نور تسمحي لي أتكلم معاكي شوية، أنا...

قاطعته بحزم:

- أحمد عبد الحي رئيس النيابة..

- بالظبط ، أنا...

- حضرتك لو مخدمتش بالك فأسمحلي ألفت نظرك إن الوقت مش مناسب.

- أيوة أنا ممكن أستناكي لحد ما تخلصي براحتك.

- يا أستاذ ميصحش أنا مقدرة منصب حضرتك بس أنا بنت و قاعدة لواحد و كمان إنت شايف المنظر اللي أنا فيه و شايف منظر الشقة.

إقتحم حديثهم رجل يحمل صندوق على ظهره يرتدي قميص مرسوم عليه شعار المتجر الإلكتروني فسأل "أحمد":

- دي شقة أستاذة نور هشام؟

إبتسم "أحمد بخبت و قال و هو يهز رأسه:

- أيوة هي:

و تناول ما بيد العامل و ناوله لها قائلاً:

- إنتي متأكدة إنك لواحدك؟

تناولت منه الصندوق و ألقته به على الركاب و هي تصيح بغضب:

- أبوة قولتك لواحد و لو في اي حديث رسمي يبقى الأفضل يكون في مكان رسمي غير كدة معنديش أي حاجة أقولها.

إبتسم بثقة و خرجت كلماته تقطر خبثاً حميداً و هو يقول:

- بس مينفعش يكون في حديث رسمي مع شخص غير موجود رسمياً.

تبدلت ملامح "نور" لكن سرعان ما عادت لملامح الثقة و قالت:

- حضرتك رجل قانون ممكن تقولي في إيه من غير لف و دوران!

هز رأسه بثقة و قال:

- أنا هنا عشان اتكلم مع أختك.

قالت بنفاذ صبر حقيقي:

- رنا في 8 غرب و حضرتك اللي أمرت بكدة، ممكن تفهمني بقى في إيه بالظبط؟

مط شفتيه و هو يقول:

- ماشي، رنا في 8 غرب.. أو ممكن تكون رنا اللي هنا و مش رنا اللي في 8 غرب أياً كان بقاناً عايز أكلم اللي هنا...

- أنا مش فاهمة إنت بتتكلم عن إيه و فعلاً لازم تمشي دلوقتي الوقت غير مناسب خالص لأي كلام.

فصاح فيها بغضب و نفاذ صبر:

- أنا هنا عشان أتكلم مع أختك الثالثة، توأم رنا...

(8)

"منذ يومين"

أدار "أحمد" المفتاح في المزلج فأنفتح الباب و إلتقطت أذنه صوت إحدى المسرحيات الشهيرة ينبعث من شاشة العرض بغرفة المعيشة، بهدوء النسيم كلص محترف دخل ليجد زوجته جالسة تتابع المسرحية و بين يديها "أسيل"، تحرك بهدوء و وقف خلف الأريكة فبكت "أسيل"، حاولت "فاطمة" أن تسكت "أسيل" بشتى الطرق لكن بلا جدوى، رفعتها بيديها أمام وجهها و قالت بحنان و هي تلاعبها:

- أنتي عايزة بابا، أنتي بابا وحشك، الدنيا شاغلة بابا عنك، إنتي قمر، إنتي عسل ، إنتي سكر...

أشرقت ضحكة "أسيل" و اغمضت عينيها و مدت لسانها إلى قليلاً فقالت "فاطمة":

- إنتي بتطمني بسيرة بابا، واضح إن بناته الإنتين بيطمنه بسيرته..

إبتسم بحب حقيقي و ندم على تضییع لحظات كهذه في العمل ليسمع زوجته تقول لـ"أسيل":

- بس هو يبطل يتسحب و يتجسس علي بناته كدة و يضحك في سره...

رفع "أحمد" حاجبيه ذهولاً فقالت:

- أنا شايلة بنتك مش هعرف أبص لك، لف و تعالى لي يا أستاذ.

إرتفعت ضحكته و إلتف حول الأريكة الفخمة موجهاً حديثه لـ"أسيل" قائلاً:

- مامي بتقفش ولادها كلهم يا ساسو.

- مهي ماما برضه يا أستاذ بابا.

تعالى ضحكاته و هو يمد يده لها فناولته "أسيل" و نهضت لتحضر طاولة الطعام، فهو يصر على تناول الطعام من يدها و يرفض تناول أطعمة المطاعم رغم عشقه لها قبل الزواج، منهك كعامل مناجم إنتهى وردية عمله للتو برغم ذلك ظل يلاعب "أسيل" بروح طفل، تبادل المزاح و النكات مع زوجته و هي تأتي

ذهاباً و إياباً حتى أنهت إحضار الطعام، جلسوا على طاولة الطعام و بدأوا تناوله و "فاطمة" تحمل "أسيل" بيد و تأكل بالأخرى، أثنى الزوج على طعام زوجته و نهض ليغسل يديه ثم ألقى بجسده على الأريكة و أصدر تأوه أخرج به من صدره تعب و إنهاك فاق الحد، أغمض عينيهِ واضعاً يده على جبهته و إبهامه و وسطاه على عينيهِ كأنه يحكم إغلاق جفونه، أحضرت "فاطمة" أكواب الشاي و وضعتها برفق على المنضدة الصغيرة التي تحول بين الأريكة و الشاشة، جلست بجانبه بحذر كي لا توقظه من قيلولته الصغيرة لكنها وجدته يقول:

- معلش يا حبيبي أنا عارف إني مقصر في البيت و إن الحمل زاد عليكِ، أكل و شغل بيت و أسيل و تحضير العرض الجاي بس و الله أنا..

حركت سباتها حتى شفتيه تسد مخارج حروفه و هي تقول:

- ششش.. بلاش الكلام دة، إنت بس ركز في شغلك أنا عارفة إنك في قضية صعبة، و إنت قدها و هتحلها و هتكسر الدنيا زي ما إنت معودنا، و يا سيدي ملكش دعوة إنت بالبيت كل اللي عليك لما تيجي تلاقيني تعبانة إنك تاخذني في حضنك.

قالت جملتها الأخيرة و هي ترفع ذراعه بكلتا يديها و تتحرك لتلتصق بزوجها واضعة يده على كتفها و واضعة رأسها على صدره ثم أمسكت بكلتا يديها الصغيرتين يده الكبيرة الأخرى و أمسكت بكفه ثم أغمضت عينيها و عدلت من وضع جسدها و هي تقول:

- قولي بحبك يا توتا.

إبتسم و قبل رأسها ثم قال:

- أنا بعشقك يا توتا، بعشقك يا حبيبي.

فقال بصوت غلبه النعاس:

- بس بقى سيبني أنا و متقعدتش تفرك عشان مقلتش كل شوية.

إرتفعت ضحكته فقالت:

- بحبك يادي الواد إنت.

و غفت بين أضلعه، ظل ساكناً يراقب أنفاسها المحببة حتى تأكد عقله أنها في سباتها فذهب في شروده المزمّن، تذكر حبهم و صراعم الظروف و المشاكل و القدر سوياً، ثم محاربتهم صعوبات البيت و الحياة الزوجية سوياً، ثم محاربتهم لتأخر الإنجاب سوياً و ها هم قد مروا بكل هذا و مازالوا صامدون، فقط لأنهم سوياً دائماً.

(دي نور أختي المجنونة)

(هي لابسة نفس اللبس)

(هي اللي قتلت طارق)

يقسم انه غفى للحظات أو ربما لثانية واحدة فسمع صوت "رنا" تصرخ بتلك الكلمات، فشعت نتيجة في راسه، هل هذا ممكن فعلاً؟ الفتاتان توائم لكنك إذا رأيتهم يبدو لك أنهم أختان بفارق 3 سنوات على الأقل، كما أنهم لسن متطابقان ، يعلم أن التوائم المتطابق نادر الحدوث لكن... ماذا لو أن هناك توائم من "رنا"؟ توائم متطابق فعلاً، ألم تكون "رنا" عاقلة و عقلها يزن بلداً! ماذا حدث لها إذا؟ يبدو أن المجنونة بالمصحة و توائمها العاقلة مرتكبة الجرائم بالخارج.. توائمها الحقيقية!

حسناً يجب أن يتأكد تمام التأكد قبل القيام بأي شئ، إذا كان هناك توائم غير "نور" فمن الطبيعي أن يكون لهشام مغاوري ثلاثة بنات حتى غذا صدر شهادة وفاة لإحدهن.. لقد كان قائداً في جهاز الشرطة فمن السهل عليه طمس ميلاد ابنة له كأنها لم تولد مطلقاً، لكن دائماً هناك خطأ ما.. كما أنه لا يظن أن "رنا" قتلت شاباً في غرفتها ثم نقلته لشقيقته ثم عادت لشقيقته لتنام بهدوء نوماً عميق.. احتمال منطقي لكن مجنون، حدثه البوليسي يخبره انه على صواب، ألم يكن صائباً منذ البداية عندما ساوره الشك حول التوائم!

"أسيل" تصرخ..

"فاطمة" سوف تهتم بالأمر..

يجب أن يستمر في نومه ليقبض على القاتلة الثالثة..
ترا ما إسمها..؟

صراخ "أسيل" مستمر..

لماذا لم تهتم "فاطمة" بالأمر..؟

مهلاً..

أين "فاطمة"؟

نعم إنها نائمة على صدره..

إذا هي بأمان..

حسناً فليذهب العالم إلى الجحيم فحبيبته بأمان..

من الذي يصرخ..؟

لماذا يصر شئ ما على ألا يهناً بنومه..؟

مهلاً..

تلك هي "أسيل"...

إنفض في مكانه ففزعت زوجته، أمسك بيدها و طمئننها ببضع كلمات و أخبرها انه سيهتم بأمر الابنة..
ذهب مسرعاً لسريرها الصغير ليحدها تصرخ و قد أغلقت عينيها و تحرك يديها فرفعها و إحتضنها قائلاً:

- بس يا ساسو بس يا حبيبة بابا، بابا هنا أهوه.. بابا وحش و سايب ساسو لواحدها... بس روجي
بس..

ظل يلاعبها قليلاً حتى هدأت و نامت و رأسها الصغير على صدره فتحرك و وضعها في سريرها الصغير و إتجه لإحدى الغرف ممسكاً بهاتفه.. ثوان من طلب المكالمة ثم قال:

- بقولك إيه يا عماد عايز معلومات بمنتهى الدقة على وجه السرعة...

إن كل شئ ينفي الفكرة، مجرد توائم لضابط شريف عصبي قُتل في أحد الكامئن، لكن حدسه يخبره عكس ذلك، و نادراً ما يخطئ حدسه خاصة إنكان إصراره فاق المنطق و الأدلة، دلف إلى مدخل العمارة الفخمة، تحاشى ركوب المصعد و ركض على درجات السلم برشاقة و ليونة، وقف أمام الباب و إرتعشت يداه و فقد الثقة بنفسه و بحدسه لجزء من الثانية لكن سرعان ما إستعاد ثقته و دق جرس الباب.. دقائق مرت ولا شئ! عاود ليدق جرس الباب فسمع حركة بالداخل ثم إنفتح الباب!

يد أنثوية إمتدت من خلف الباب!

سرعان ما فهم أن من بالداخل ينتظر عامل توصيل و إرتبك رغم ذلك، ترا لما من بالداخل لا تريد أن يراها أحد.. إلتمعت عينه للفكرة.. بالطبع إن كانت مصر كلها تعلم أنك بداخل 8 غرب فمن الطبيعي أن تحرص ألا يشاهدك أحد.. لكن خيب ظنه ما رآه فـ"نور" مدت رأسها من خلف الباب و شعرها يقطر ماء.. حسناً يبدو أنها...!

إستغفر ربه العديد و العديد من المرات، لكن لا بد ألا يظهر هذا.. لا بد أن يظهر صلداً حتى إذا خرجت من خلف الباب و وقفت أمامه بكامل جسدها.. فإذا أظهر الإحراج أو وارى وجهه ستستغل ذلك بكل تأكيد، يجب أن يظهر أنه لا فارق، يجب أن يظهر صلداً بارد المشاعر خاوي تماماً من أي تعبير.. خرجت من خلف الباب فقفز قلبه من جسده خوفاً مما قد يراه لكن حمداً لله.. كان جسدها محاط بالمناشف كقطعة سجد بداخل رغيف خبز فرنسي..

- أستاذة نور تسمحي لي أتكلم معاكي شوية، أنا..

قاطعته بحزم:

- أحمد عبد الحي رئيس النيابة...

- بالظبط ، أنا...

- حضرتك لو مخدتش بالك فأسمحي ألفت نظرك إن الوقت مش مناسب.

كيف لها أن تحدثه بتلك اللغة، هل لأنها إبنة هذا الذي يدعوا أنه شهيد؟ ألا تعلم أنه و حتى في حياته كان منصبه أقل قدراً من النيابة؟ أكمل الحديث معها حتى وجد عامل توصيل من أحد المتاجر الشهيرة لبيع الخمور جاء لها بصندوق كبير بالتأكيد ليس لفرد واحد.. حاول لفت نظرها أنه يعرف سرهم الصغير فإدعت الجهل بإحتراافية تشكك النائب العام نفسه بأنه أخطأ.. لكن ليس "أحمد عبد الحي" ظلت تستفزه حتى انفجر في وجهها قاذفاً ما عنده..

خيم الصمت للحظات طلّت منها تعابير وجه من "نور" لم يفهمها حتى بخبرته.. ذهول، أو ربما صدمة، أو خوف، بل يمكن أن يكون عدم إستيعاب، أو صمت محقق لمحاولة فهم عن جهل حقيقي.. لكن في كل الأحوال قد نجحت خطته فقال لها:

- أنا دلوقتي عايز أدخل و أقعد مع أختك على ما تكلمي الشاور بتاعك و تلبسي.

بملامح غلب عليها الإنكسار أو الضعف أو ربما الإستسلام قالت:

- و إن رفضت؟

- هضطر أدخل أدور عليها بنفسي..

- معاك إذن نيابة؟

تعالّت ضحكاته حتى دمعت عيناه، لابد أنها تمزح.. بالتأكيد تمزح.. لكن من تعابير وجهها يبدو أنها جادة.. تمالك نفسه و سيطر على ضحكاته و قال:

- أنا النيابة ذات نفسها يا أستاذة نور.

بنفس الجمود ردت قائلة:

- لو إنت النائب العام بذات نفسه ملكش حق تدخل البيت و تدور فيه من غير إذن نيابة صدر و له تاريخ صدور و أكيد تاريخ صدوره قبل وقت التفتيش.. غير كدة هيبقى إسمه إقتحام.. و دة يعاقب عليه القانون حتى واحد في منصبك.

تباً لها.. تباً لمحروس.. تباً لكلية الحقوق، إنها تفهم القانون بشكل مبالغ فيه.. حسناً فهذه المحاولة قد بائت بالفشل وسوف يغادر و قد كشف لهم عن علمه بسرهم و بالتأكيد سوف يتخذون حذرهم الشديد.. كاد أن يعتذر إعتذار صوري و يهم بالمغادرة، لكن...

شئ ما قد سقط بالداخل يبدو أن أحد صدم شئ ما دون قصد و بالتأكيد أن هذا الشخص هو...

دفعها و إندفع بداخل الشقة يفتش و يفتش و يقلب الغرف رأساً على عقب لكن بلا جدوى.. قد يكون شئ ما من الحطام سقط أو إنزلق فأصدر هذا الصوت.. يبدو أنه تسرع مرة أخرى. إلتفت معتذراً ليجد نور تلقي بالمزهرية عليه ثم أمسكت بمقص كبير و ألقت عليه و هي تصرخ، ألقت به بكل ما طالته يدها و قد طالبت الكثير، البعض أصابه و البعض أخطأ فقالت بصراخها:

- إنت عايز مننا إيـــــــــــــه! ما تحل عنا يا أخي إحنا ملناش دعوة، أنا وأختي عايشين في حالنا، و الله عايشين في حالنا..

و سقطت على ركبتيها متأطأة الرأس و هي تردد بضعف بينما نبتت دموع من أعينها:

- و الله عايشين في حالنا.. و الله عايشين في حالنا...

و أخذت تبكي بين كلماتها فتسحب "أحمد" و خرج و تركها دون أي تأنيب ضمير.. دلف لسيارته و إندفع بها في الطرق حتى وصل لجراج المنزل، دلف إلى شقته فأستقبلته "فاطمة" بلامح الذعر و هي تسأله عما حدث له ليندفع هو في أحضانها، برغم أنها تريد أن تفهم و ترغب بأن يتكلم و أن يطمئنها إلا أنها تعلم أنه

وقت سئ للأسفسار فقط عليها أن تضمه، هي إبنته في كل وقت لكنها أماً له في مثل هذه المواقف، إبتعد قليلاً ليقول:

- أنا غالباً بوظت الدنيا..

بملاح هادئة قالت:

- طب إهدى بس و صلي عالنبى، هقوم أعملك ليمون.

و بدون إنتظار رد منه نهضت متجهة للمطبخ تعد له كوباً من عصير الليمون، بينما و هو ظل يفكر.. إذا قدمت بلاغاً ضده فبالأكيد سيكون في مشكلة، هو لا يقدر على إتخاذ أية إجراءات لمهاجمتها له، كان يمكنها أن تقتله و تفلت من العقاب بحجة دفاع عن النفس او عن عرضها.. ليس بيده إلا أن يدعو الله أن يعمي بصيرتها عن تقديم شكوى ضده... أحضرت "فاطمة" العصير و خرقة من القماش مبللة و قطن و مطهر.. سألها عما تتوى فعله بهذه الأشياء، مدت يدها لجبهته و لمستها ثم حركت يدها أمام عينه ليجد أن إصبعها تلطخ بدم!

(8)

طبول أفريقية تضرب برأسها.. عيناها بهما جمرتان من جهنم، حلقتها صحراء قاحلة، مملكة نحل كاملة تطن في أذنيها.. لا وجود، لا شعور، لا زمن.. ولا مكان..

ظلت ملقاه أرضاً على ظهرها شاخصة العينين لمدة لا تعلمها حتى سالت السوائل من فمها الفاجر دون أن تشعر ببطء بدأت الأعراض تخفت و تستعيد وعيها بالتدريج، شعرت بأن وجهها مبتلاً بمسحت بيدها ما تقطر من فمها، ثم تفرزت فمسحت يدها في ملابسها، عيناها تؤلماها بشكل رهيب، ما إن إستعادت إستيعاب بصرها أغمضت عينيها و خبئت وجهها بكفيها فكل ذلك الوقت كانت تنظر لمصباح الغرفة مباشرة، عيناها تنن فيمحاوله لتسكين الألم و إعادة بؤبؤها للحجم الطبيعي، لأكثر من نصف ساعة ظلت ملقاه في هذا الوضع حتى شعرت بهدوء الأعراض، حاولت النهوض عدة مرات فأبى جسدها، زحفت حتى فراشها و إستندت إليه متحاملة على جسدها و أعصابها و إرتمت فوقه، ومضات من الذاكرة أضائت في رأسها فتذكرت بعض ما حدث و توقعت البعض الآخر، بيد مرتعشة أمسكت هاتفها و نظرت في الساعة لتجدها الثانية بعد منتصف الليل، تركت الهاتف يسقط من يدها بجانبها و أغمضت عينيها..

فتحت عينيها و أمسكت بالهاتف فأنصدمت بمرور ثلاث ساعات كاملة، تجزم أنها أغمضت فقط و لم تنام، شكت أن يكون الهاتف به خلل أو أنه خُيل لها أن الساعة كانت الثانية، إعتدلت بجسدها أمسكت بالهاتف.. إتصلت بالإنترنت اللاسلكي الخاص بهم فأنهالت أصوات الإشعارات على الهاتف، أخذت تتابع و تتابع و تتابع الإشعارات حتى إستوقفها إشعار..

إبتسمت عندما تذكرته، هذا الطبيب الطيب الذي يحتضن مرضاه، قرأت رسالته فعلمت أن "رنا" معه فإطمأنت، بالتأكيد هو لم يرسل لها بتلك الرسالة ليخبرها عن اختها، بل ليقول لها ها انا ذا و هذا حسابي، حسناً قد فهمت لعبته و ستلاعبه بنفس الطريقة ، أرسلت له تلك الأيقونة الصفراء التي تدل على الإعجاب.. فقط هذا..

مر الكثير من الوقت و هي بهذا التطبيق الإجتماعي تمرر يدها على شاشة الهاتف ، تقرأ دون أن تتفاعل مع أي منشور، شعرت بالملل فنهضت متحاملة على أنين عظامها و متجاهلة لصداع رأسها، لملمت ما تبقى من زجاجات و ألقت ما فرغ منهم، سمعت صوت أشعار رسالة جديدة ، ببطء توجهت للهاتف و ما إن فتحت الرسالة علت ضحكتها، فقط كف عن التلاعب و أرسل لها رسالة مباشرة تحمل "عايز اقبالك"
ثم أتبعها بأخرى "إبعثيلي رقمك"

عدل من وضع ملابسه أمام المرأة ثم أممسك بزجاجة عطر و رش منها على ملابسه و شعره و كتفيه ثم كفه ، وضع هاتفه بجيب بنطاله و خرج من الغرفة ليصتدم أحد الأطفال به و هو يجري:

- تعالى إلعب معنا.

- لا يا ياسين انا ورايا شغل معلش.

- هو كل يوم شغل شغل محدش بيثوفك في البيت.

- معلش بكرة هاجي اقعد معاكوا و نلعب اليوم كله.

ركض " ياسين" لوالدته قائلاً:

- ماما ماما يوسف هيبجي يلعب معنا بكرة.

نغزته الأم قائلة:

- يوسف يا قليل الأدب.

و إتجهت نحو "يوسف" تمسح على كتفه و تقول:

- معلش العيال مش واخدين على قاعدتك معاهم، نعمل إيه مالشغل واخذك مننا.

- معلش أنا يا حبيبتي أنا عارف إنني مقصر معاكوا، أنا ورايا شغل كثير فبيبات هناك، أنا بس قولت أجي أخذ دش واغير هدومي و راجع أكمل عشانن ورايا لسة بلاوي متلتلة.

و إنحنى يُقبل يدها و هم أن يغادر ، كاد أن يغلق الباب من خلفه فنادت عليه ليلتفت لها فقالت:

- دة بيتك يا حبيبي.

إبتسم بحنان حقيقي و قال:

- طبعاً يا حبيبتي.. بيتنا.

و أغلق الباب خلفه لتتجمع في مقلتيها دمعتان جاهدت كي لا يسقطا.

سحب أحد المقاعد و جلس واضعاً هاتفه و محفظته و مفاتيحه على الطاولة ، طلب من النادل كوباً من الماء ثم أمسك بهاتفه و أجرى إتصالاً بـ"نور"

- أنا وصلت أهوه.

ليأتيه صوتها عبر الهاتف:

- و أنا كمان وصلت.

تلفت حوله و هو يقول:

- طب إنتي فين؟

- داخلة من الباب حالياً.

نظر للباب ليجد حورية من حوريات الجنة تعبره، ترتدي فستاناً قصيراً يحمل لون السماء، شعرها يتطاير حول رقبتها مما زاد جمال المشهد ، تضع القليل الخافت من مساحيق التجميل بقدر تكاد تميزه، قد إختفى وجهها النحيل و ظهر وجهاً ممتلئ مستدير ظل ناظراً محدقاً بها حتى إقتربت منه فوقف لإستقبالها ، مد يده لها بالسلام بتناول يدها الناعمة ثم إنحنى وطلع فُيلة على يدها لتبتسم و يحمر خديها خجلاً ، جلسا سوياً فأتى نادل أخرق ليقطع حديثهم متسائلاً عما يطلبون فقالت:

ice tea free suger lemon-

و قال هو:

Same Order -

فقالت:

- بتحب الأيس تي؟

- لأ لسة هجربه.

فتعجبت قائلة:

- طب مطلبتش ليه حاجة إنت بتحبها؟

- بحب أفلدك.

إحمر ثغراها مجدداً و قالت في حرج:

- يارب يعجبك.

- أنا متأكد.

تتحننت بحرج و أبعدت بصرها عن عينيه المحدثتين ثم قالت لتغيير الموضوع:

- كان لازم رنا تدخل المستشفى عشان أشوفك.
- مهو أنا قلبت الدنيا عليكى، و فضلت مستنى ردك عالرسالة لحد ما حنيتى عليا.
- أنا بس جيت تليفون جديد و على ما شغلت عليه كل حاجة بقى إنت فاهم.
- تقدم النادل و وضع الأكواب أمامهم
- عاملة إيه لواحدك؟
- عايشة.
- أنا عارف إن موضوع أختك ملخبط و شكل رئيس النيابة دة حاططكوا في دماغه.
- أنا بس علوزاه يسيبنا في حالنا، إحنا عمرنا ما فكرنا نأذى حد.
- دمعت عينيها فبدون وعي منه مد يده و مسح دموعها ثم تحرك ليجلس بالمقعد المجاور لها و يربت على كتفها ثم سحب كفها و احتضنه بكفه فمالت برأسها على كتفه و قالت بشروء:
- إنت مين؟
- أنا واحد مبقاش عارف تأثيرك عليه، بس أنا معاكى.. عايش.
- صمت ممل تخلل بين حديثهم و أفقدهم النطق قبل أن تهزمه "نور" قائلة:
- ممكن أطلب منك طلب و متقولش إني مجنونة.
- أنا عمري ما أقول إنك مجنونة، إنتي مش مجنونة.
- رفعت رأسها عن كتفه و نظرت لعينية قائلة:
- ممكن تخليك معايا و متمشيش.
- أشاحت ببصرها و هي تقول:
- أنا محتاجالك...
- أحاط كتفها بذراعه و جذبها لحضنه و هو يقول:
- هتصدقى لو قولتلك إني محتاجك أضعاف ما إنتي محتاجالى، أنا مش همشى، وعد.
- دفنت رأسها بين كتفه و رقبتة فطبع قبة على فروة رأسها إبتسمت على أثرها، ظل الصمت مصاحباً لهم و شعور بالراحة و الأمان و السعادة يجتاحهم قبل أن تتدارك "نور" نفسها و تنسحب من بين أحضانه برفق و تقول تشبثاً للموقف:
- طب إيه اللي هيجصل لرنا؟
- تبدلت ملامحه الهادئة بإنزعاج عند ذكرها لإسم توأمتها، لم يعرف هل يخبرها بما حدث أم يصمت ليكتمل اليوم على خير، بعد صمت طال مما أثار قلق "نور" أخبرها و هو يشيح ببصره:

- أنا هساعدھا على قد ما أقدر، و هأخذ بالي منها كويس، و هطمنك عليها أول بأول.
- برزت دمة ساخنة في عينيها فدفنت رأسها بين كفيها و هي تقول:
- يارب عدي الأيام دي على خير.
- متقلقيش يا نور، كل حاجة هتكون كويسة... وعد!

صفع باب المكتب و الأقى بجسده على المقعد و رأسه مازالت تعصف، كيف لـ"رنا" أن تكون تؤماً لـ"نور" كيف لهذه الملاك أن تكون تؤماً لتلك الشيطانة الصغيرة، سيتعامل مع "رنا" بحذر و حرص كي لا نخدعه أو تكشفه، و الأهم كي لا تبعده عن "نور" ...

نور التي لا يعرف إذا ما حدث بينهم يجعلهم مرتبطان أم لم يرقى لذلك بعد، قد اخبرته عن حاجتها له ، و إستقرت في حضنه لدقائق قليلة، و بدت مهمة .. لكن كل هذا لا يكفي.. لا يجوز الإعتراف ضمناً بالإرتباط.. ثم كيف يرتبط بها أو يعلقها به و هي لم تعرف ظروفه بعد... هل يمكن لأنثى مثلها أن تتخلى عن أمر مثل هذا! أشعل سيجارته و نفت دخانها الرمادي في الهواء قبل أن يسمع دقات على الباب من ممرض ما لبث أن فتح الباب و دلف و هو يمسك بذراع "رنا" التي باتت باهتة شاحبة شاردة كمدمنة هروين محترفة، وضعها الممرض في المقعد المقابل للمكتب و قيدها جيداً ثم إستأذن و غادر..

ظل الصمت مصاحباً لهم و عيناها شاردة في شئ ما بعيداً عن وجهه، أو ربما تصنع منها كي لا تتقابل عينيها مع خاصته ، قطع الصمت قائلاً:

- بصي يا رنا، أنا هنا عشان أساعد، و عايزك تعرفي إني دكتور نفسي محترف، و عدى عليا حالات لا تعد ولا تحصى و ببقى فاهم اللي قدامي كويس، و عارف يعني إيه تزييف حالات، فمن الأول كدة خليكي صريحة معايا و أنا هساعدك...

- مجنونة.

ظل صامتاً منتظر أن تكمل جملتها لكن يبدو أنها قالت ما تريد بالكامل مما جعله يتسائل:

- مجنونة؟!

عالجته قائلة:

- مجنوووونة!

- مين اللي مجنونة يا "رنا".

- نور مجنونة.

نهض و تمشى في الغرفة باعثاً توتر و عابثاً بهدوئها و هو يقول:

- لا يا رنا نور مش مجنونة، نور جت و قعدت معايا هنا و إتكلمنا زي ما بكلمك كدة و طلعت مش مجنونة ، و أهيه روح البيت ..

سكنت مستمعة لكلماته التي ربما تسمعها لأول مرة فعالجها قائلاً:

- و على فكرة بتسلم عليك.

هنا قفزت "نور" من مكانها ونظرت مباشرة في عينيه فقال:

Nour is my GF. -

هنا ضحكت رنا، ضحكت كما لم تضحك من قبل، ضحكت بصوت عالي، صارخ، ضحكت حتى دمعت عينيها و إحمر وجهها و تقطعت أنفاسها، ضحكت حتى كادت تنقيا روحها وسط ذهول منه و عدم فهم حقيقي بما تعنيه تلك الضحكات ، سال دمعها وسط ضحكاتها و تبدل الضحك إلى أنين فبكاء فنجيب ، نهض يوسف و دار حول مقعدها بهدوء حتى توقف خلفها مباشرة، دقائق و هي تنتحب ثم صمت يدل على الشك ، ثم إلتفتت ببطء ليصيح خالد في وجهها:

- كفاية بقى الهبل دة، أنا كنت ساكت عشان اشوف اترك إيه بس واضح انك هتفضلي كدة كثير ، فوقي يا رنا و خليكي واضحة و صريحة معايا عشان أنا عايز أساعدك .

... -

- يا رنا أي دكتور حديث التخرج ولا لسة طالب حتى هيعرف انك بتمثلي الأعراض، انتي و أختك مش مجانين و معندكوش اي مرض عقلي ولا نفسي يخليكي تعملي كدة ، انتي مقتلتيش حد يبقى ليه بتعملي كل دة ما تخليكي واضحة و صريحة و مفيش حاجة وحشة هتحصلك لا إنتي ولا نور.

ظلت رنا ساكنة و هي ترمق يوسف ولا تتفاعل حتى مع كلماته مما جعله يصيح قائلاً:

- يا رنا قولي أي حاجة و أخرجي برة دور المجنونة دة.

نبتت دمعتين ساخنين جعلتا مقلتيها حمراوتان كالدّم مما جعله يقول بغضب:

- أنا مش بقولك كدة عشان تعيطي، أنا عايز أساعدك إنتي و أختك، ممكن تديني فرصة أعمل كدة.

قالت شئ ما بصوت خافت لم يسمعه فامال رأسه تجاهها قائلاً:

- قولتي إيه؟

فقال بحزن:

- أنا آسفة.

و قبل أن يدرك لما تعتذر هبط شئ ما صلب على رأسه فسقط أرضاً، حاول فتح عينه ليرى و يفهم ما يحدث ليجد رنا تتحرك نحو هو تقول:

- حقيقي أنا آسفة.

و تهوى بمنفضة السجائر على رأسه.

تعالى رنين الهاتف فألتقطه خالد و نظر لرقم المتصل ثم زفر بملل:

- ألو.

- إيه يا عم خالد شكلك نسييتني.

- لا أنساك إزاي بس، أنا إتشغلت شوية في القضايا مع الحاج، ما انت عارف.

- ما أنا عارف آة، طب إيه يعني هشوفك إمتى؟

- هتشوفني قريب أوي متقلقش.. سلام عشان داخل جلسة.

أغلق الهاتف و نظر في المرأة متحسناً جرحه و أنفه الذي تورم و على وجهه علامات الألم و صاح:

- يا بنت الكلب.

ثم بنقرات عصبية أجرى إتصلاً و ما إن إنفتح الخط حتى قال:

- ألو.

- إيه يا ريس.

- أيه يا سيد بقولك...

- قول يا ريس..

- خلص..

- إنت متأكد يا ريس؟!

- بقولك خلص، سلام.

ثم أغلق الخط و ترك الهاتف على الكمود و تمشى إلى غرفة الإستحمام الملحقة بغرفته و هو يغني و يتراقص:

- I have got you under my skin

I have got you deep in my heart of me

تصاعد رنين هاتفه مجدداً فتوجه إليه و هو يدندن اللحن قبل ان يجيب قائلاً:

- ألو..

- الواد مش موجود يا ريس.

- طب ما تستناه يا سيد انت بتهرج!

- يا ريس شكله هرب، لم حاجته كلها، الشقة عالارض!

- نعمممم....!

- متنساش البابمبرز يا عم بابا.

ضحك أحمد على طلب زوجته فقال:

- أة، زمان هاتلنا عشا يا حبيبي، هاتلنا نيسكافيه، تعالى ناكل برة.. و دلوقتي هات بامبرز، هات بزازه، هات سيريلاك صح!

- على فكرة بقى السيرلاك دة بيبقى ليا أنا أسيل لسة صغيرة عليه.

ضحك كثيراً و قال:

- طب عينيا ليكوا يا حبايب بابا ، أي خدمات تاني؟

- ... قولي شكلاً يا بابا ، شكلاً يا بابا يا عثل، بحبك يا بابا تعالى وحسنتي..

زادت ضحكات أحمد و هو يقول:

- مش هتأخر يا حبيبي، جايلكوا على طول أهوه، مع السلامة، لا إله الا الله..

ترك الهاتف و نادى على معاون المباحث ليسلمه بعض الأوراق الهامة ليقاطعهم صوت طرقات عصبية على باب المكتب ، إتجه المعاون و فتح الباب ليندفع شاب هزيل يلهث قائلاً:

- أحمد باشا، أنا عايز أبلغ عن خالد محروس نصر الدين..

(9)

هذه الذغذة يعرفها جيداً، هو تحت تأثير مخدر ما، دغدغة على جبينه و أنفه و أسفل ذقنه و... هذا الفراغ بين أسنانه! لقد فقد سناً أو إثنين! يحاول تذكر ما حدث.. رنا! هل هي القاتلة فعلاً.. حاول فتح عينه و هو يعلم مسبقاً أنه سيفشل فالمخدر يبقيه واعياً لكنه يخدر الجسد بالكامل و يفقده القدرة على التحكم به.. حاول أن يستغل حاسة سمعه فالتقطت أذنه شئ ما يتحدث به شخص ما أدرك فيما بعد أنه الطبيب يتحدث إلى شخص ما أدرك أنه أحد أفراد الشرطة المستعلمين عما يحدث و كان رد الطبيب على حالته كالآتي:

- ... و شرخ في الجمجمة و احتمال إرتجاج في المخ بس لسة.... كسر في الأنف و جروح في...15
غرزة هيحتاج وقت مش أقل من بس خير.

هذا ما إستطاعت آذان يوسف إلتقاطه من الحوار.. هو فاقد إحساسه بالزمن فلا يعلم الليل من النهار ولا يعلم
ماذا يحدث له، فقط يعلم أن آلامه تشتد ثم تختفي لبعض الوقت...

هذا اليوم إلتقطت أذنه نحيب يعرفه جيداً، حاول تحريك أي جزء في جسده فلم يقوى إلا على تحريك
اصابع يده فإندفعت يد حنونة و إحتضنت يده و تعالى البكاء ثم صوتها الباكي معتذراً:

- انا عارفة إني السبب في اللي حصلك يا يوسف، لو مكنتش قابلتك.. لو مكنتش ورطتك معايا أنا و أختي
مكانش دة حصلك.. عشان خاطري سامحها و سامحني، أنا محتاجالك جمبي يا يوسف، استحمل يا حبيبي و
قوملي بالسلامة.

اقتحم سمعه صرخة مفزعة من أنثى أخرى ركضت و جثت على الارض و ظلت تقبل يده و تصيح فيه و
تعتذر له و تعنفه و تبكي عليه قائلة:

- قوم يا حبيبي، قوم معايا العيال مستنيينك في البيت، قوم يا يوسف ، قوم يا حبة عيني ، يا يوسف قوم و
بلاش دلغ ، قوم يا يوسف..

إنتهت لوجود نور فنظرت لها شزراً قائلة:

- حضرتك مين؟!

تراجعت نور الذي اصابها الذهول و الصدمة و كادت أن تسقط أرضاً ، ظلت تعتذر و تتأسف حتى خرجت
من الغرفة و ركضت بين أروقة المستشفى باكية في حين إقتحم الطبيب و ممرضتان الغرفة لمحاولة إخراج
من بالداخل بعد دخولها عنوة...

بكت نور التي فقدت أختها و إتضح أن حبيبها متزوج و أباً لأطفال! بكت و ركضت حتى سيارة خالد و
ما إن دخلت حتى إنهارت من البكاء مما أثار فزع خالد متسائلاً:

- حصله حاجة؟!!!

لم ترد لكن زاد بكائها مما دفعه لإحتضانها.. ظلت تبكي على كتفه حتى خرت قواها و غفت، أدار محرك
سيارته و إنطلق...

فتحت رنا عينيها لتجد نفسها مقيدة بقميص الحالات الخطيرة و موضوعة في العزل، صرخت و نادت و
هاجت و ماجت لكن بلا جدوى، قامت و دارت في العزل حتى خرت قواها و سقطت أرضاً تبكي و تصرخ
و تتلوى ، دخلت إحدى الممرضات ذوات الروائح الكريهة عليها و ألقت بحامل الطعام بجانب رنا و كادت
تخرج لتستوقفها رنا قائلة:

- هيعملوا فيا إيه؟

- هيعدموكي يا أختي..

و صفعت الباب خلفها لتصرخ رنا صرخة ترج المكان..

فتحت نور عينيها لتصتدم بجسد رجل عاري الظهر.. حاولت الصراخ لكن فمها كان عليه شريط لاصق فخرج من حلقها انين مكتوم جعل الرجل يلتفت.. إنه خالد!.. عاري تماماً!

حاولت الصراخ و النهوض لكن إكتشفت أن يديها و قدميها مقيدتان.. قبل أن تكتشف أنها هي الأخرى عارية تماماً! صرخت صرخاً مكتوماً حتى كاد أن يتمزق حلقها، يداها تؤلماها كأنهم قد ربطوا بحبل من الجحيم و جسدها يئن ألماً ، إقترب منها خالد قائلاً:

- بصي يا نور عشان منفرهدش بعض، إنتي بتتصورى.. يا تعملي اللي هقولك عليه بدون أي نقاش يا هيصصل بلاوي.. أولاً كدة أختك هتتعدم ، أو عالأقل خالص هتقضي باقي عمرها في الخانكة، و طبعاً مش هتستحمل فأكيد هتنتحر.. حبيب القلب مرمي في المستشفى و مين عارف هيقوم ولا.. يعني إنتي ملكيش حد ومعدكيش حاجة تخسريها.. الحاجة الوحيدة اللي ممكن تخسريها هي نفسك.. لو فيديو زي دة نزل عالنت ..وريني هتعيشي تاني إزاي.. ممكن بقى بالهداوة و واحدة واحدة..

إقترب منها فتلوت و صرخت و تحركت فزاد عنفاً و أمسكها من يديها و قرب وجهه من وجهها محاولاً تقبيلها عنوة .. تعالى جرس الباب و خبطات عليه فتوقف للحظة ثم نهض قائلاً:

- راجعك تاني يا نور...

بكت نور و تمننت الموت قبل عودته آلاف المرات ، أما هو ففتح الباب مرتدياً روب شتوي يخفي جسده، وجد شاباً أسمر اللون ذو جسد رياضي لم يعرف من هو فتسائل:

- مين حضرتك؟ أي خدمة!

نظر الشاب داخل الفيلا فصاح فيه خالد:

- بتدور على حاجة يا عم؟

هنا ضغط الشاب على أسنانه و جمع قبضته و لكمه في أنفه قبضة أسقطته أرضاً و فجرت الدماء منها فركض الشاب داخل الفيلا يبحث و يفتش و يدور بالداخل، لكن دون أن يشعر نهض خالد و أمسك بتمثال رخامي و إخفى نفسه و ما إن إلتفت الشاب ضربه خالد بالتمثال على رأسه فسقط الشاب أرضاً.. حاول الشاب ان ينهض لكن عالجه خالد بضربة اخرى أفقدته الوعي...

فتح الشاب عينيه ليجد نفسه مقيد في مقعد و فمه مكتم ، و أمامه خالد بالروب الشتوي و بجانبه نور!.. نور التي لا يستر جسدها شئ! ما إن لمحها حتى أدار وجهه في الإتجاه الآخر فضحك خالد قائلاً:

- إنت بقى الهيرو اللي جاي ينقذها، و بتدور وشك، عايز تحرم نفسك من الجمال دة، طب إيه رأيك إنك هتتفرج علينا، مع بعض، و الموضوع هيعجبك اوي و هنتمنى تكون مكاني أو حتى نتشارك فيها.

هنا انفجر الشاب غضباً و إستشاط و حاول بكل ما إوتى من قوة أن يفك وثاقه لكن بلا جوى.. أمسك خالد محفظة الشاب و رفعها قائلاً:

- بلال وائل رشاد.. إنت ابن وائل رشاد رجل الأعمال؟ أنا سمعت إنك ميت! طلع مش أنا الوحيد اللي بعمل ميت.. بس أنا بعمل ميت عشان اللي في دماغي يمشي صح... إنت بقى يا ترى بتعمل ميت ليه؟ هاه.

و إقترب منه و لكمه في أنفه لتنفجر الدماء منها كما فعلها بلال منذ قليلين ثم إتجه لنور و فك روبه لتصرخ صراخاً مكتوماً قبل أن يسمع رنين جرس الباب و الطرق مجدداً ليقول:

- إنت مأمن على حد؟ ماشي...

إرتدى روبه و خرج من الغرفة، إتجه إلى خزنه و ضغط أزرار كلمة السر و أخرج مسدسه و إتجه إلى الباب، فتحه ليجد قوة من الشرطة ...

فتح يوسف عينه للمرة الأولى منذ دخل المستشفى، مروحة تلف ببطء مستفز تدور في الغرفة، حاول أن يلف رقبتة بلا جدوى فظل متأملاً في المروحة يحاول إسترجاع ما حدث، نور قالت له (يا حبيبي) ترى هل قصدتها حقاً أم كانت (حبيبي) بريئة تماماً، ثم لماذا إعتذرت و هربت من الغرفة؟ و لما لم تحضر مرة أخرى.. بالتأكيد لشعورها بالذنب على ما فعلته أختها.. لماذا فعلت رنا هذا؟ هل لتثبت أنها مريضة؟ هل تحمي أختها بهذه الطريقة؟ هي بالتأكيد ليست مريضة فقد إعتذرت قبل ان تضربه! ترى ماذا حل بهن؟ هل إستطاع محروس هذا أن يظهر برائتهن؟

ترا لو علمت نور بسرره الكبير ستظل تراه (حبيبي) ؟ لن يسبق الأحداث فقط عليه أن يتحامل على نفسه للخروج من هنا.. يتمنى ألا تصاب نور بأذى بسبب إضطرابها الثنائي.. ماذا؟! إضطرابها الثنائي!!!! قد فهم كل شئ الآن! نور ليست مصابة بالإضطراب الثنائي؟ نور.. مصابة بإضطراب الكرب التالي! رنا هي المصابة بالإضطراب ثنائي القطب و... الإضراب المعادي للمجتمع.. رنا هي المريضة.. نور هي من تحمي رنا و ليس العكس... نور العاقلة... رنا هي المريضة.. يجب أن يخبر الجميع بهذا.. رنا يجب أن يصدر تقريرها بأنها مريضة وغير مسئولة عن أفعالها.. يجب أن تودع في الخانكة!

حاول أن ينهض متحاملاً على جسده فصرخ جهاز بجانبه حاول أن يسكته بكل الطرق قبل أن تندفع ممرضة إليه و تحاول تهدئته لكنه يصرخ فيها أن عليه النهوض لكنها تحاول بكل قدرتها أن تقنعه أنه يجب أن يرتاح و كل شئ له حل فيما بعد، الغيبة لا تفهم ، حاول أن يدفعها و يلكمها لكي تتركه ينهض لكنها غرست محقناً في ذراعه و أفرغت محتواه لتخر قواه و يهدأ و يبدأ في فقدان وعي تدريجي منظم.

- إنت خالد محروس نصر الدين؟

قالها أحد رجال الشرطة فرد خالد:

- أبوة يا فندم أي خدمة؟
- معانا أمر ضبط و إحضار...
- أبوة طب تسمحي أغير هدومي عالقل.. أنا محامي ولازم أكون موجود عالقل بشكل مهندم..
- معاك 10 دقائق.. و إسمحي.. في عسكري هيطلع معاك.
- خلاص يافندم تحت أمرك..

تقدم خالد العسكري و صعد خلفه لغرفة النوم.. إستأذنه خالد ليدخل و يبدل ملابسه فسمح له العسكري.. دخل خالد و بعد دقائق خرج مرتدياً بدلة كحلية اللون , تقدمه العسكري حتى وصل للأسفل، أغلق باب الفيلا خلفه و إستأذن الضابط أن يحضر خلفهم بسيارته الخاصة لكن الضابط رفض و أجبره على الصعود للبوكس.. إبتعد البوكس عن الفيلا و عيني خالد معلقتان على نافذة الغرفة المقيد بها بلال و نور..

أما عنهم فنور ظلت تبكي و تبكي و تبكي بينما بلال حاول بكل الطرق فك قيده ، ظل يتقلب و يحرك يديه و قدميه و يبتلوى مكانه ثم دفع نفسه للخلف ليسقط مع مقعده.. تألم كثيراً قبل أن يزحف و يزحف و يزحف و يفرد جسده قدر المستطاع غير عابئ بالألم الذي يفتك به، ثم يثني جسده حتى حرر قدميه ، ظل يتحرك بحركات عشوائية حتى تحرر، نهض متجنباً النظر إلى نور و خرج مسرعاً ، عاد يحمل في يده بضع من الملابس الذي وجدها أمامه ، حاول تحريرها دون النظر لجسدها، حرر يدها و ترك لها الملابس و خرج ينتظرها حتى تفرغ من إرتدائها..

لما تأخرت نور نادى عليها فلم تجب، طرق الباب فلم ترد، دخل الغرفة ليجدها ساقطة أرضاً و بركة دماء تسيل منها.. من يديها.. نور تنتحر!!!!

يجلس خالد أمام رئيس النيابة باسماءً واثقاً من نفسه يستمع للإتهامات قبل أن يقول أحمد:

- ما أقوالك فيما هو منسوب إليك؟

- محصلش..

- أنهى فيهم اللي محصلش؟

- كل اللي حضرتك قولته دة محصلش.

- و إيه صلتك برامز سرور عبد المتعال؟

- معرفش عنه حاجة.

- يعني حضرتك يا أستاذ خالد بتنفي معرفتك برامز و بتنفي عن نفسك الإتهامات.

- بالظبط كدة.

- في تسجيلات إتقدمت للنياابة فيها صوتك إنت و رامز و إنتوا بتنفقوا على كل حاجة...

- أنا متأكد إن التسجيلات دي متفركة و بطالب بالكشف عن صحتها، و لو مش متفركة فهي تمت بشكل غير قانوني و بالتالي ملهاش أي فائدة في القضية، و بعدين يا فندم أنا و والدي طول عمرنا المحامين بتوع نور و رنا و أبوهم الله يرحمه، إيه اللي يخليني أعمل كدة؟

- قولي إنت؟

- حضرتك لو في أي إتهام تاني ممكن توجهولي، لو مفيش ياريت تخلي سبيلي عشان ورايا محكمة الصبح...

صمت أحمد قليلاً لا يعرف ماذا يفعل ثم قال:

- يحبس المتهم 14 يوم على ذمة التحقيق...

ليصبح خالد قائلاً:

- إنت إتجننت! إنت عارف أنا مين؟ اللي إنت بتعمله دة غير قانوني! أنا هخرب بيتك.

حافظ أحمد على هدوئه و أكمل:

- و يراعى التجديد له في الميعاد.

إقتحم بلال قسم الطوارئ و هو يحمل نور الفاقدة الوعي و ملابسهم تقطران دماً، هرع إليه الأطباء و الممرضون و وضعوها على سرير ثم صاح فيه الطبيب لماذا لم يكتف جرحها حرصاً على فقدان الدم فلم

يجب، كان مشتتاً و مذهباً و خائفاً إلى الحد الذي أوقف عقله عن التفكير، سألته ممرض عن إسمها و عمرها و الأدوية التي ممنوعة عنها و عن إسمه و صلته بها و كان يجيب بشرود و ذهول ، أنهى هذه الإجراءات و سقط على أقرب مقعد بجانبه دافئاً رأسه بين كفيه، دقائق و نبت بجانبه أحمد لا يعرف كيف و متى! قال له أحمد:

- إنت بلال اللي جيه مع نور؟

- أيوة مين حضرتك؟

- أنا أحمد خطاب، رئيس نيابة.

- إيه؟ ليه يا فندم!

- متقلقش إنت مش متهم بحاجة، أنا عايزك تحكي لي إيه اللي حصل بالظبط و من غير ما تخبي عليا أي حاجة، و إعرف إنني أكثر واحد هيساعدك و يساعدنا.

قص عليه بلال كل شئ وسط ذهول نجح أحمد في إخفائه و قال:

- هتشهد بكل دة في النيابة...

- أيوة بس حضرتك عارف.. دي بنت و محاولة اغتصاب و الإعلام و..

- متقلقش يا بلال انا هقولك إيه بالظبط متقولوش عشان ميحصلش أي حاجة تضر نور، و أنا مقدر جداً إنك هتعمل كل دة و هتشهد برغم إنك كنت عايز تهرب من الإعلام.

- يا فندم أنا عايز أساعدهم بأي طريقة و اي حاجة أقدر عليها.

- هقولك، بلغوني إن الدكتور اللي مسئول عن حالتهم فاق و بيطلب الشهادة ، لحد ما نور تفوق تعالى معايا نروحله و بعدها نطلع عالنيابة ناخذ أقوالك...

(10)

تجمعت الخيوط في يد أحمد، ما عليه سوى ربطها لفهم كل شئ.. أخرج ورقة بيضاء و أمسك بقلمه و كتب (نور) و أحاطها بدائرة ثم (رنا) و أحاطها بدائرة ثم (خالد) و أحاطها بدائرة ثم (بلال) و أحاطها بدائرة

أسفل نور كتب (إضراب الكرب التالي) من البداية و نور تتصرف على إنها هي المريضة لتحمي أختها! أسفل رنا كتب (إضراب ثنائي القطب)...

ظلت "رنا" تصرخ بكلمات الأغنية طوال الطريق و تصرخ بمرح كأنها تذهب في رحلة مدرسية مما أثار دهشة "خالد.."

بهذوء دخلت "نور" إحدى الغرف و لم تسمع ما تحدث به الضابط مع "رنا" و لم تهتم، خرجت فوجدت عسكريان ممسكان بذراعي "رنا" فقالت لهم: سيبوها قولتلكوا أنا نور

- لو في أي إتهام أو أي إستفسار يكون بحضور أستاذ محروس نصر الدين المحامي وإسمحلي أستاذن عشان سايبية نور لواحداه و دة خطر جدا عليها

- و توقعيه ليه؟ دة جزاءه عشان ساعدك يعني! ولا عشان يتعور توديه المستشفى تبقوا خالصي!

- مستشفى إيه! ركزي يا نور، قصدي أوقعه في واحدة فينا

- بتهزري صح!

- لا بتلكم بجد، عارفة دة أبوه مين؟ لو إتجوز واحدة فينا مش هيخليها محتاجة حاجة.

- ركزي يا رورو، أنتي واخدة بالك بتقولي إيه؟

إذاً كل هذا خطة تم وضعها و الإتفاق عليها و تنفيذها بحضور نور و رنا و محروس و خالد، لكن خالد لم يعجبه الأمر...حسناً إن لم تكن رنا الفاتلة.. فمن يكون القاتل إذا؟

حدسه البوليسي يخبره شيئاً لا بد أن يتأكد منه... لكن بدون نور و رنا سيكون كل شيء مستحيلاً...

بعد أيام خرجت نور من المستشفى و قد تحسنت حالتها، و صدر القرار من قسم الجرائم النفسية و العقلية بحجز رنا في الخانكة و عدم مسئوليتها عن أفعالها لكن بالرغم من ذلك تم إستدعائها كشاهدة في النيابة هي و نور، جلست الأختين مقابل بعضهم أمام مكتب رئيس النيابة، أمر أحمد العسكري بإحضار من بالخارج فدخل رامز و توقف أمام المكتب و إرتسم عليه علامات القلق فقال احمد:

- في حد فيكوا يعرف الرجل دة أو شافه قبل كدة؟

نظرت نور و رنا إليه فقالت نور على الفور:

- دة الدليفري بتاع السوبر ماركت...

و قالت رنا:

- دة اللي وداني المستشفى ، جاري اللي لقاني واقعة قدام باب البيت...

- أن متأسف نسيت أعرفك بنفسي، أنا سامح عبد الله مصمم جرافيك و عندي باند مزيكاً على قدي

- أيوة هو، قالي إنه جاري ولقاني واقعة قدام الباب وداني المستشفى!

هكذا قالت رنا قبل أن تصرخ:

- أيوة أيوة أنا إفتكرت.. هو اللي ضرب طارق على دماغه!!!

عدل من ملابسه إثر حملة لـ"رنا" و أقنع نفسه أنه بذل ما بوسعه و هم أن يغادر لكن قبل أن يلتفت شعر بشئ ما صلب ضربه على رأسه من الخلف.. حاول أن يلتفت لكن جسده لم يسعفه.. سقط على ركبتيه و هو ينظر لـ"رنا" النائمة لا تشعر بشئ، حاول أن ينهض.. أن يتماسك.. لكن عينه أصرت أن توند النور عن بصره فسقط فافداً لوعيه.. أو أسوأ...

قال أحمد:

- كدة وضحت يا رامز باشا، شغال في السوبر ماركت عشان تشوفهم و هما داخلين و خارجين، و سهل عليك تدخل أي شقة في العمارة بما إنك بتاع الدليفري، قتلت محمود عشان تلبس التهمة لنور، و لما رنا رجعت من عند خالد كلمك و قالك استنأها و لما لقيتها تعبانة طلعت وراها لقيت طارق فقتلته، إنت إعترفت بكل حاجة بينك و بين خالد بس مفولتس إنك إنت اللي بتنقتل، و قولت أكيد خالد مش هيقول إنك قتلت عشان كدة بيعترف على نفسه.. مجاش في دماغك إن كل دة يحصل..

صرخ رامز:

- يا باشا خالد باشا ماسك عليا ذلة، لو مكنتش سمعت كلامه كنت هروح في حديد و كل ما كنت بقول لا بيهددني.. أنا عملت كل دة غصب عني يا باشا و جيت إعترفت على باقي الحاجات بس دي فيها إعدام يا باشا فيها إعدام كان لازم مقولش.

- يعني كمان عارف إن فيها إعدام! طب يا سيدي أحكي لي كل اللي محكيتش و أنا مش هخليك تتعدم.

- بجد يا باشا؟

صاح فيه أحمد:

- و أنا ههزر معاك!

- حاضر، حاضر يا باشا، الرئيس خالد كان بيقولي أخط دوا كدة في الخمرة بتاعة الأنسة...

إتسعت عينا نور و رنا لتقول رنا:

- خمرة تاني يا نور!!!

صرخ أحمد:

- كمل يابني؟

- مرة سألته الدوا عبارة عن أيه عشان أحطه لمراتي فقال أنت فاهم غلط يا حمار مراتك لو خدت من الدوا دة ممكن تقتلك و انت نايم...

- قصدك إيه؟

- هو قالي يا باشا إنه بيلعب في الأعصاب خصوصاً إنها هتشر به مع الخمرة ، و الله ما أعرف حاجة تاني يا باشا...

- إيه تاني؟

- كنت بقوله طالعين إمتي و راجعين إمتي و كنت بقوله طالعين إيه من السوبر ماركت فيقولني أخط أنني دوا في أنني أكل أو شرب و كنت بعمل كدة، و الله يا باشا دة كل اللي أعرفه و لما شك فيا بعت واحد يقتلني زي ما شرحت لحضرتك كدة يا باشا.

- خلاص يا رامز ، إمضي على أقوالك...

- من غير أعدام يا باشا؟

- ما تمضي يا روح أمك..

تجلس نور في أحد الكافيهات ممسكة بهاتفها تتصفح موقع التواصل الاجتماعي ليظهر أمامها خبر تأجيل محاكمة خالد محروس نصر الدين.. ثم يرن جرس هاتفها برقم تم تسجيله بإسم (أحمد عبد الحي) :

- ألو...

- أطلعي يا نور إحنا برة في العربية.

تركت ورقة نقدية من فئة الخمسون على الطاولة و خرجت لتجد أحمد و فاطمة في سيارتهم، توجهت إليهم و فتحت باب السيارة الخلفي و دلفت بجانب فاطمة قائلة:

- هاتي أسيل يا فطومة.

- لا يا اختي خليها في حضن مامي .

ضحكت نور قائلة:

- هاتيها يا رخمة هي بتحب نونة حبيبة قلبها أصلاً.

نظرت فاطمة لأسيل قائلة:

- آل يا أسيل، تسيبي مامي و تروحي لنونة.

ضحكت أسيل فخطفتها نور من يد أمها قائلة:

- أهوه ضحكت أهوه، يا خلائي عالعل، ربنا يباركلكوا فيها.

قال أحمد:

- لما نوصل إطلعي هاتيه و إحنا هنستناكي في العربية.

قالت فاطمة:

- نعم، لا يا بابا أنا مش هسيب نونة لواحدها، أنا هطلع معاها أنا و أسيل.

- لا، عايزة تطلعي إطلعي و ملكيش دعوة بأسيل، دي حبيبة بابا و مش هتسيبه...

وصلت السيارة أسفل المستشفى و صعدت نور و فاطمة غرفة يوسف ، طرقت الباب ففتح لهم طفل، إستأذنت فاطمة و نور في الدخول وهم مذهولون فوجدت نور زوجة يوسف تجلس بجانبه على الفراش ، إعتدل يوسف في جلسته و قامت زوجته ترحب بهم فقال يوسف:

- ملوش لزوم التعب دة يا جماعة و الله.

قالت نور بحرج:

- لا تعب ولا حاجة المهم إنك بقيت بخير.

- أومال أحمد باشا فين؟

ردت فاطمة:

- أحمد باشا مستنيك تحت في العربية، يلا قوم كدة و إنشف عشان ننزل كلنا.
- نهض أحمد من الفراش بثقل مستنداً على زوجته خطوتان و قال:
- معلى يا حبيبتي إرتاحي إنتي و هسند على نور عشان عايز أقولها حاجة.
- وسط ذهول من فاطمة و نور إتجهت نور إليه و إستند عليها و تقدمت الزوجة بجانب فاطمة و الأطفال من حولهم.. و عند إستقبال المستشفى قالت نور:
- إزاي تسبب مراتك و تسند عليا أنا؟ مش ذوقية خالص دي.
- صمت قليلاً يحاول استيعاب ما تقوله ثم انفجر ضاحكاً مما أثار فضول كل من بالمستشفى ، فقال ضاحكاً:
- دي مراتي؟
- و نادى عليها قائلاً:
- تعالي يا حنان، دي حنان، أختي الكبيرة، و دي يا حنان نور.. تقدري تعتبريها خطيبة أخوكي..
- نظرت له نور بعدم إستيعاب لأي مما حدث ، هذه أخته! و خطيبتي! ماذا يحدث؟ ماذا قال للتو؟
- قال لها يوسف:
- معلى أنا قولتها بطريقة غير مباشرة و دي قلة ذوق مني، نور... أنا بحبك.
- و هنا قفزت نور في حضنه قفزة تألم على أثرها مما جعلها تتأسف و تقبل رأسه معذرة ليقبل هو يدها و جبينها قائلاً:
- متأسفـيش على أي حاجة يا نور، أنا بحبك... و مش بسألك بقي.. دي جملة خبرية... إنتي هتجوزيني..
- قالت بدلع:
- يا سلام.. لا هفكر...
- فضحك كل من حولهم لتقول بدلال:
- موافقة.
- جذبها لحضنه و غاصت هي بين ضلوعه تغزوها سعادة لم تعلم قدرها و لم تهتم قاطع حديثهم صوت أحمد قائلاً:
- طب يا عالم يا حبيبة في راجل ملطوع برة في الشمس ..
- تعالت ضحكات الجميع وتوجه الكل إلى السيارات، أصرت فاطمة أن تركب معها حنان و الأولاد و أصرت نور أن تركب السيارة مع يوسف متحججة أن لا أحد يستطيع القيادة غيرها و يوسف و هو غير قادر على القيادة الآن، و قبل أن يدلف كل منهم للسيارات قالت حنان:
- أحنأ نطلع عندنا عشان الكل معزوم عالغدا النهاردة..

و إنطلقت السيارات....

هذه من إمتيازات أن تكون غنياً و مشهوراً، لا ينغلق في وجهك أي باب..

إنظر بلال حتى عالج الممرض باب العزل، ثم تقدم بلال بخطوات بطيئة، غرفة بيضاء إلى حد الإختناق، و ها هي أميرته نائمة، كأنها نائمة وسط الجليد، شعرها الأسود الناعم مفروداً على وسادتها.. ملامحها الهادئة عبثت في قلبه و بعثرته أكثر و أكثر.. جلس بجانبها و مد يده إلى يدها في حنان ثم رفعها إلى فمه و طبع قبلة رقيقة عليها قائلاً:

- شدي حيلك يا رنا و عافري كدة عشان تخرجي من هنا، و أنا أوعدك هتخرجي تلاقيني مستنيكي مهما تأخرتي، مفيش أي حاجة حصلتلك أو حصلتلي تخليني أتخلي عنك.. أنا بحبك يا رنا، بحبك و دي حاجة عمرها ما هتتغير.. و هسألك تاني و تالت و رابع... تتجوزيني!

سحب لها المقعد لتجلس هي و إبتسامتها لا تفارق شفيتها، جلس بالمقعد المقابل و أشار للنادل الذي إقترب متلقياً طلباتهم قبل أن يغادر، أمسكت نور بيد يوسف بكلتا يديها و السعادة تغمرها و قالت:

- يمكن الإضطراب بيخليني أحس بالفرح و الحزن أكثر من الطبيعي بكثير، بس الفرح و السعادة اللي فوق الطبيعي اللي بحسها معاك الإضطراب ملوش أي دعوة بيها.

إبتسم يوسف نصف إبتسامة و رفع رأسه لتصطدم عينيه بعيني نور فأخفض رأسه مرة أخرى هرباً من عينيها، لكنه تأخر فقد علمت أنه ليس على ما يرام..

إختفت إبتسامتها و سألت:

- مالك يا يوسف؟

حاول أن يداري ما به فرسم إبتسامة زائفة و قال:

- مفيش يا حبيبتي دماغي مشغولة بالشغل بس...

- شغل!

تلعثم و هو يقول:

- ما إنتي عارفة، شغل و ترتيبات جواز و هسيب البيت عند أختي و عيالها و شاغل دماغي مين هيخلي باله منهم و كدة يعني..متقلقيش.

- و الله، على أساس إنك مش بتقعد بالشهر مبتدخلش البيت و متعرفش عنهم حاجة؟

ضحك رغماً عنه قائلاً:

- هي لحقت فالتلك كل حاجة؟

لم تضحك و لم تتغير ملامحها لكنها رفعت يدها الممسكة بيده و طبعت قبلة عليها مما بدل حاله، شعر بأقصى درجات السعادة إثر تلك القبلة، فما أدراك بقبلة أنثى ليد رجلها.. إبتسمت له في حنان و قالت:

- أياً كان اللي شاغل بالك و مخليك مش عارف تتبسط و مش معايا خالص كدة قوليهولي و هنحله مع بعض.

ظل متأملاً إياها لدقائق طالت، هو يحبها حقاً و يقدر كل ما تفعله ، لكن مرتعد من فكرة خسارتها، و كيف له أن يحرم تلك الملاك من حق كهذا... طال صمته فتفهمت و إبتسمت مرة أخرى و قالت:

- ولا يهملك.. وقت ما تكون جاهز و عايز تحكي لي إبقى إحكي لي...أنا بس مش عايزة أشوفك كدة كتير هاه..

قالت الجملة الأخيرة بلهجة تهديدية مرحة فأغمض عينيه شدة ثم فتحهم و هو يلقي على مسامعها:

- نور أنا مش بخلف....

لينفرج فك نور و تتسع عينيه من هول المفاجأة، رغماً عنها سألت دمعة ساخنة على وجنتها و ظلت صامتة للحظات -ظاهرياً- لكن بداخلها برزت آلاف الأسئلة... لما طال صمتها سألها يوسف:

- نور...!

كتمت نور إحساسها و سألت بلهجة جاهدت لتبدو طبيعية:

- إنت مش عايز تخلف مني عشان ولادنا ميورثوش المرض.. صح؟!

إستغرب ما قالتها و كاد أن يرد لكن إقتحم النادل جلستهم واضعاً ما طلبوه أمامهم و ما إن إنصرف حتى قال يوسف:

- إيه اللي بتقوليه دة يا نور، أنا أتمنى طفل منك، لا طفل إيه، أنا عايز حضانة كاملة منك.. و حياتك عندي يا نور أنا ما يهمني اي حاجة غير إنك تكوني معايا، و موضوع الخلفة دة عمره ما شغل بالي ولا كان فارق معايا.. لحد ما حبيتك...

- إشمعني..

- عشان أول حاجة كان نفسي في طفل منك، ولد بنت مش فارقة، المهم يكون منك ، ثانياً عشان....

صمت و طأطأ رأسه فقالت:

- تبقى عبيط لو فكرت إني ممكن أسبيك بسبب الموضوع دة...

نصف إبتسامة إرتسم على شفتيه و إتسعت حدقتيه و كاد أن يقول شيئاً قبل أن يسمع رنين هاتفه، نظر للمتصل و قال:

- إيه دة غريبة!

- في حاجة ولا إيه؟

- بلال بيتصل!

- طب رد أكيد حاجة مهمة

فتح المكالمة و كاد أن يضع الهاتف على أذنه ليسمع صوت بلال يصرخ:

- إلحق رنا يا دكتور يوسف... بسرعة.....!

إلى اللقاء في الجزء الثاني

مختلة

حين تفتح عينيك في مكان لا تعرفه..
وحيث لا تكون هناك أجوبة لأي سؤال..
وحيث يصيح الصمت هو اللفة الوحيدة من حولك..
تعلم أنك لست في حل
بل في متاهة..

محمد حسين، كاتب و مصمم جرافيك من مواليد القاهرة،
صدر له رواية البديل 2017 المجموعة القصصية لا تقرأني
فقد تصيبك لعنتي 2018، الخامس مجموعة قصصية 2020
و تعتبر رواية مختلة هي العمل الرابع للكاتب.

